

BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE

S T E N O G R A M

**S TREĆE SJEDNICE GRADSKOG VIJEĆA TUZLA ODRŽANE 1. DECEMBRA 2014.
GODINE U SALI KANTONALNE PRIVREDNE KOMORE TUZLA S POČETKOM U
9,30 SATI**

- SJEDNICI PRISUSTVUJE 30 VIJEĆNIKA

U Tuzli, decembar 2014. godine

JOZO NIŠANDŽIĆ – predsjedavajući Općinskog vijeća Tuzla

Poštovani vijećnici, poštovani predstavnici izvršne vlasti, obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, dame i gospodo.

Otvaram treću redovnu sjednicu Gradskog vijeća Grada Tuzla.

Konstatujem, da prema evidenciji Stručne službe Vijeća, sjednici prisustvuje 30 od ukupnog broja vijećnika, što je dovoljno za punovažan rad i odlučivanje.

Za današnju sjednicu nemam prijavljenih za kašnjenje.

Iz razloga, što je druga redovna sjednica Gradskog vijeća Tuzla, održana prije 7 dana, Stručna služba Vijeća nije uspjela pripremiti stenogram i zapisnik sa odruge redovne sjednice održane dana 19. 11. 2014. godine, pa ćemo isti usvajati naredni put. Molimo Vas da ovo obavještenje uvažite.

Obavještavam klubove vijećnika da su prijedloge za naknadno uvrštavanje hitnih i neodložnih pitanja (dopunu dnevnog reda) mogli podnijeti u pismenoj formi, najkasnije 48 sati prije održavanja ove sjednice.

Prijedlog dnevnog reda ste dobili uz materijale za današnju sjednicu:

DNEVNI RED

1. VJEĆNIČKA PITANJA

2. RAZMATRANJE I USVAJANJE NACRTA PROGRAMA RADA GRADSKOG VIJEĆA TUZLA ZA 2015. GODINU

3. RAZMATRANJE I USVAJANJE ODLUKE O RASPISIVANJU DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA S NASTRADALIH PODRUČJA U SVRHU IZGRADNJE INDIVIDUALNIH STAMBENIH OBJEKATA (SA TEKSTOM DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA GRADA TUZLA)

4. RAZMATRANJE I USVAJANJE:

- a) PROSTORNOG PLANA GRADA TUZLA ZA PERIOD 2010. – 2030. GODINE
- b) ODLUKE O PROVOĐENJU PROSTORNOG PLANA GRADA TUZLA ZA PERIOD 2010. – 2030. GODINE
- c) ODLUKE O USVAJANJU PROSTORNOG PLANA GRADA TUZLA ZA PERIOD 2010. -2030. GODINE

5. RAZMATRANJE I USVAJANJE IMOVINSKO-PRAVNIH AKATA

a) Rješenje o utvrđivanju, uz naknadu, pravo vlasništva na gradskom građevinskom zemljištu, broj:

- 01/07-31-2102/14 (Ademović M. Mehmedalija, lokacija KO Solina)
- 01/07-31-8197/13 (Bajrić S. Azra, lokacija KO Tuzla II)
- 01/08-31-2241/13 (Dizdarević R. Abid, lokacija KO Tuzla III)
- 01/08-31-6819/13 (Čivić M. Bajro, lokacija KO Tuzla IV)
- 01/07-31-14/14 (Ibrahimović I. Damir, Atić Alisa i drugi, lokacija KO Tuzla III)
- 01/08-31-5723/12 (Halilović H. Hava i Halilović A. Ferida, lokacija KO Tuzla III)

b) Zaključak o ispravci greške, broj:

- 01/07-31-6174/14 (Rješenje OVT br. 01/08-31-6628/10 od 15.07.2014. godine, Sultanić Izudin, lokacija KO Slavinovići)

- 01/08-31-1087/13 (Rješenje OVT, br. 01/08-31-1087/13 od 13. 03. 2014. godine, BH Telecom d.d. Sarajevo, lokacija KO Dobrnja)

9. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2013. GODINU:

a) JP Radio televizija 7 d.o.o. Tuzla

b) JKP Vodovod i kanalizacija Tuzla

c) "Centralno grijanje" d.d. Tuzla

10. RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA U ZGRADAMA SA PRIJEDLOZIMA MJERA

11. RAZMATRANJE INFORMACIJE O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

12. RAZMATRANJE INFORMACIJE O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLA

13. RAZMATRANJE:

a) INFORMACIJE O PODRŠCI GRADA TUZLE PROJEKTIMA I AKTIVNOSTIMA MLADIH

b) INFORMACIJE O PODRŠCI GRADA TUZLE AMATERSKOM I PROFESIONALNOM SPORTU U 2013. GODINI

c) RAZMATRANJE INFORMACIJE O PODRŠCI GRADA TUZLE ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI U 2013. GODINI

14. RAZMATRANJE INFORMACIJE O STANJU KLIZIŠTA I EVIDENTIRANIM KLIZIŠTIMA NA PODRUČJU GRADA TUZLA

15. RAZMATRANJE INFORMACIJE O ZBRINJAVANJU PASA LUTALICA NA PODRUČJU GRADA TUZLA

16. TEKUĆA PITANJA:

a) Obavještenje Služe za komunalne poslove, izgradnju i poslove mjesnih zajednica, o ralozima prolongiranja izrade Informacije o statusu i stanju groblja/mezarja u vlasništvu Grada Tuzla, kojim upravljaju mjesne zajednice

b) Usvajanje zaključka-urgencije „JKP Vodovod i kanalizacija“ za dostavljanje analize o mogućnostima izmjene Odluke o naplati naknade-takse za korištenje vodomjera

c) Urgencija za popravke saobraćajnih znakova

d) Urgencija za sanaciju rasvjete u ul. Vladimira Nazora u Tuzli

e) Inicijativa za proširenje parking prostora na lokaciji Zlokovac

f) Urgencija za sanaciju javne rasvjete u ulici Vladimira Nazora u Tuzli

g) Izvještaj/informacija o radnom statusu vijećnika aktuelnog saziva Gradskog vijeća Tuzla sa podacima gdje su zaposleni, od kada, način na koji su zaposleni sa izvještajem/informacijom o angažmanu u upravnim i nadzornim odborima javnih preduzeća

h) Informacija o aktivnostima Službe za komunalne poslove o realizaciji poslova tekućeg i investicionog održavanja puteva, koji prolaze kroz Grad Tuzla i realizaciju drugih komunalnih projekata sa prijedlogom mjera za otklanjanje nedostataka

U Poslovničkom roku svoje prijedloge za izmjene i dopune dnevnog reda dostavili su:

1. Gradonačelnik Grada Tuzla, koji je predložio da se dnevni red sjednice dopuni tačkom pod nazivom:

„RAZMATRANJE I USVAJANJE ODLUKE O IZGRADNJI POSLOVNE ZONE „KREKA-SJEVER“ U TUZLI“.

Predlažemo, da se ovaj materijal razmatra kao tačka 3. dnevnog reda, odmah nakon nacрта Programa rada Gradskog vijeća Tuzla.

Pitam vijećnike ko je za ovakav prijedlog, molim da digne ruku? (25) Ima li neko protiv? (Nema.) Uzdržan? (Nema.)

Konstatujem da je 25 vijećnika glasalo za, nema niko protiv, nema suzdržan. što znači da je prihvaćen prijedlog i ova tačka će biti uvrštena kao tačka tri dnevnog reda današnje sjednice Gradskog vijeća Tuzla.

2. Zbog obimnosti dnevnog reda Kolegij Gradskog vijeća predlaže, da se tačka pod nazivom tekuća pitanja, odloži za narednu sjednicu?

Pitam vijećnike ko je za ovakav prijedlog, molim da digne ruku? (25) Ima li neko protiv? (Nema.) Uzdržan? (Nema.)

Konstatujem da je 25 vijećnika glasalo za, nema niko protiv, nema suzdržan. što znači da je prihvaćen prijedlog da se tačka tekuća pitanja razmatra na narednoj sjednici.

3. Predsjednik Kluba vijećnika Bosanske stranke je predložio da se dnevni red treće redovne sjednice Gradskog vijeća Grada Tuzla, dopuni slijedećom tačkom:

RASPRAVA O PRIJEDOGU JAVNE OSUDE – ZAHTJEVA – STAVA IZJAVE PREDSJEDNIKA KLUBA VIJEĆNIKA SDA DA SE 2.OKTOBAR NE OBILJEŽAVA KAO DAN TUZLE.

Pitam vijećnike ko je za ovakav prijedlog? (MIRNES AJANOVIĆ – Riječ.) Izvolite. Poslovnička? (MIRNES AJANOVIĆ – Ne riječ.) Izvolite.

MIRNES AJANOVIĆ - vijećnik Bosanske stranke

Pozdrav svima. Naravno danas zaslužuje ne samo Smrt fašizmu, nego i marš fašizmu.

Čuli ste prijedlog tačke dnevnog reda koji sam u ime Kluba predložio.

Rasprava o prijedlogu javne osude, treba samo da stoji od strane Gradskog vijeća Tuzla, pa dvije tačke, izjave, stave, zahtjeva, između crtice. Dakle izjave, crtica, stava crtica, zahtjeva predsjednika Kluba vijećnika SDA da se 2. oktobar ne obilježava kao Dan Tuzle.

Obrazloženje. Ovdje imam u original Izvod iz stenograma sa sjednice Kolegija Opštinskog vijeća Tuzla, tada Opštinskog. Održanog 22. 10. 2014. godine. Izvod iz stenograma, na 15-toj minuti rasprava na Kolegiju dakle zvaničnom koji je počeo, a koji se službeno snimaju. To je stav Kolegija. Ne da bi neko nekoga snimao, onako, nego iz razloga što smo više puta imali situaciju da nešto dogovorimo na Kolegiju, a onda određeni izađu na sjednice Vijeća i kažu, nije tačno i onda mi moramo između sebe se nešto kao pojašnjavati je li ili nije.

Bilo je takvih više situacija, neki su manipulirali i mi smo bili prinuđeni, iz tog razloga, donijeti odluku da se sve sjednice Kolegija službeno snimaju.

Imam dakle službeni stenogram, ovjeren od strane lica koje je sačinilo stenogram, od strane lica, koje je dalo saglasnost i pečatom Službe.

Tada je, prilikom pripremanja konstituirajuće sjednice Gradskog vijeća Tuzla, na Kolegiju koji je bio vrlo problematičan. Tad je, neki su me pitali zašto sam bio, uslovno rečeno, malo kao ogorčen, ljut prilikom konstituirajuće sjednice kada sam govorio. Zašto? Zato što je bila upitna sjednica. Bilo je upitno da li će se konstituirajuća sjednica Gradskog vijeća Tuzla, dakle sjednica gdje je trebala biti donesena Statutarna odluka Grada Tuzla, uopšte održati.

Bile su namjere određeni klubova da se ne održi sjednica. To piše i u ovom Stenogramu.

Između ostalog kaže, e kaže, citiram Sabahudina Imamovića, predsjednika Kluba SDA: “E ako ste se dogovorili držite je predsjedavajući, bez opozicije je održite onda.”

Nisu nam dali da održimo sjednicu 2. oktobra. Mogli smo je održati 2. oktobra jer je Zakon stupio na snagu 2. oktobra. Načelniku je priječeno neće proći Statutarna odluka. Opozicija. Iz ovog Gradskog vijeća. Kompletna.

Nisu dali. Natjerali su nas da umjesto da zvanično 2. oktobra na Dan Tuzle, na Dan oslobođenja Tuzle, na dan kada je Tuzla 2. oktobra 43-će bila najveći oslobođeni grad u porobljenoj Evropi, od strane Hitlera.

Na Dan kada je Tuzla, ne bitkom samo za Tuzlu borila se i za prostor za održavanje ZAVNOBiH-a na kojem su utvrđene granice Bosne i Hercegovine i obnovljena hiljadugodišnja državnost Bosne i Hercegovine. Bitka za Tuzlu je bila bitka za prostor za održavanje ZAVNOBiH-a.

Tad smo bili u Evropi najveći oslobođeni grad. Nisu htjeli da bude taj dan 2. oktobar simbolično i Dan kada smo imali konstituirajuću sjednicu. A onda kada smo kasnije napravili, nakon izbora, onda su nas napali što nismo prije. Opozicija.

Između ostalog, tada je Sabahudin Imamović, predsjednik Kluba SDA, dakle, kao predstavnik Kluba SDA, ne izražavajući svoje mišljenje, ne ističući da se radi o izdvojenom mišljenju njega lično, mada ne može ni biti, jer je zvanična sjednica Kolegija, tada je Sabahudin Imamović, između ostalog istakao, citiram: “Dda je vrijeme nakon zvaničnog proglašenja Tuzle gradom da se odredi novi datum koji će biti datum Grada Tuzle”, završen citat.

Direktno je izrekao izjavu, stav, a moguće i zahtjev da se 2. oktobar ne obilježava kao grad, kao Dan Grada Tuzle.

Dalje govori, citiram Sabahudina Imamovića, predsjednika Kluba SDA u Gradskom vijeću Tuzla: “Ko hoće da obilježava Dan oslobođenja Tuzle nek to SUBNOR organizuje i nek se organizuju prigodni okrugli stolovi.”

“Dakle, Grad, Dan Grada Tuzle mora biti rastereč mora biti rasterećen ideološki i svakih drugih boja. To mora biti dan koga će svi građani doživljavati na pravi način. A istoriju i ostale magluštine ideološke nek se neko drugi bavi”, završen citat Sabahudina Imamovića, predsjednika Kluba SDA koji je zvanično izrekao ovakav stav na zvaničnom Kolegiju, tada Opštinskog vijeća Tuzla. Taj stav je citiran ovdje.

Ima i tonski zapis. Ako želite evo mogu i prezentirati.

U ovakvoj situaciji kada smo bili pod prijetnjom da neće biti konstituirajuće sjednice, morali smo da šutimo.

I morali smo da šutimo zato sam bio na konstituirajućoj sjednici onakav. Ogorčen i govorio da među nama postoje neprijatelji i dalje. Uzmite stenogram pa ćete vidjeti.

Zamolili su me ostali da tada ne izkažem ono što sam namjeravao da bi samo imali mogućnost da napravimo konstituirajuću sjednicu Grada Tuzle, da postanemo Grad. Bilo bi

sramota, poslije sedam godina borbe, kada smo dobili zakonsko pravo da to ne uradimo, a prijetili su nam da ne neće proći jer trebala je 21 ruka.

A onda se ponovilo. Nije bila slučajnost ovakva izjava. Na Kolegiju, pred ovu sjednicu gradonačelnik Tuzle Jasmin Imamović je sa ogorčenjem istakao da je SDA, koju je tada predstavljao Sabahudin Imamović je na sastanku kojeg održava redovno gradonačelnik sa svim klubovima, prije održavanja sjednica Gradskog vijeća, istakao da je podnesen i na toj sjednici zahtjev da se 2. oktobar ne obilježava kao Dan Tuzle.

Na zvaničnom Kolegiju, tada već Gradskog vijeća Tuzle. Sabahudin Imamović nije negirao takvu izjavu gradonačelnika. Nije rekao da je neistinito.

Ne bih previše o ovom anti, antifašističkom djelovanju. Ne bi previše. Obećao sam kolegama, ne svim iz Kolegija ovoga Vijeća, da danas neću previše. Da danas neću reći ono što mislim na način kako bi to trebalo reći o brutalnom napadu na antifašizam Tuzle. Brutalnom napadu na antifašizam Bosne i Hercegovine i cijelog svijeta.

Tuzla je 2. oktobra 43-će bila članica Svjetske antifašističke koalicije. Borci Odbrambenog rata 92. – 95. su nastavili tradiciju antifašističku, borili se protiv fašizma, istih onih fašista, protiv kojih su se borili Titovi partizani u II svjetskom ratu, kada su oslobodili Tuzlu.

Isti su nas i tada napadali i 92-ge, 95-te, zagrljeni. Možda će nekom biti težak stav koji ću izreći, ali šta to znači u izjavi da treba biti, ne taj Dan, Dan Tuzle, Dan kojim se Tuzla ponosi u cijelom svijetu.

Niko prije nas nije bio oslobođen. Hitler je gazio i Evropu i svijet. Tuzla je tada gazila Hitlera i njegove sluge.

Alahhu egber, ezan se čuje. Izjava. I sirena. Znak za uzbunu. Simbolično. Znak za uzbunu. Upravo čujete, evo. Ovakva izjava je znak za uzbunu cijelog grada i grad se mora suprostaviti ataku na antifašizam Tuzle.

Simbolike je previše i u tome da smo trebali 2. oktobra održati konstituirajuću sjednicu, pa su prijetili gradonačelniku da neće proći i u razgovoru sam i tada pristao da ne insistiram na tome, da idemo kasnije praviti to, šta ćemo. Ali izjava, kaže da, citiram: “To mora biti dan koga će svi građani doživljavati na pravi način.”

Šta to znači? Smijem li reći svoje mišljenje? Ako je 2. oktobar, kao antifašistički praznik, nepodoban da se slavi, šta je to drugi način?

Šta to znači da građani trebaju na drugi način da budu oduševljeni takvim danom?

Može li se biti malo antifašista? Ili malo fašista? Mislim da ne može. Ko nije antifašista, šta je. Šta je onaj ko nije antifašista? Šta je onaj koji napada na antifašizam? Ja sam rekao anti, antifašista. Napad na antifašizam je anti, antifašizam.

Je li to treba da svi. Obzirom da, ako neko nije antifašista a II svjetskog rata smo imali ustaše, četnike, domobrane pa i onu handžar diviziju, onog Muhamedagu koji je palio djecu i nosio SS oznake. (JOZO NIŠANDŽIĆ – Da samo malo ubrzamo.) Je li to nekom treba da bude, oprostite mi za grubu riječ, za dom spremite se četnici uz handžar diviziju? To treba da bude neki drugi osjećaj, dobar da se slavi? Jer imamo te atake u Bosni i Hercegovini.

I danas postoje razno razna udruženja, zvanično djeluju četnička udruženja, ustaška. Ulice daju. Pa i oni koji bi voljeli da imaju naslijede handžar divizije.

Iz ovih razloga imate ovakav prijedlog pred vama. Bio je Kolegij predug, preko dva sata. Opozicija nije glasala za da se uvrsti u dnevni red. Nisu glasali za. Jedan je bio protiv. Sabahudin Imamović, kao predsjednik Kluba SDA je rekao da ostaje i dalje pri svakoj svojoj riječi koju je

izrekao. Nije negirao. Nije negirao ni da je načelniku tražio i istakao takav zahtjev, čak na vrlo ružan način, tada uvrijedio načelnika. Ali nije negirao.

Napao ga je zato što nam je rekao. Trebao je dakle gradonačelnik Tuzle šuti da je njemu zvanično od strane predstavnika SDA zatraženo da on bude za da 2. oktobar ne bude Dan Tuzle.

Čovjek je ljudski, emotivno reagovao na Kolegiju, ogorčeno. Rekao nam, ono što smo morali znati. Hvala gradonačelniče.

Kolegije nije htjeo da prihvati. Bila duga rasprava. Ma šalio se kaže on, Sabahudin Imamović. Gdje ćemo mi osuđivati pravo izražavanja, slobodu izražavanja? Da to treba biti pravo da možemo govoriti otvoreno. Napadati antifašizam.

A onda je još više puta ponovio, da jeste njegov stav da treba biti neki drugi dan. (JOZO NIŠANDŽIĆ – Ja ću vas zamolit. Molim vas. Vrijeme je isteklo. Dajte molim vas.) I to je snimljeno tonski. Obzirom da nisu bili uslovi u ovoj novoj sali, takvi kao što inače imamo, ja sam tonski, putem mobitela istakao Kolegiju da snimam sjednicu Kolegija tonski i da ću to koristiti u javnosti. Da znate.

Javnost će saznati šta se događalo na sjednici Kolegija iza zatvorenih vrata. Neće biti sakriveno.

neki su predlagali da o ovome raspravlja Etički odbor, kao povreda kodeksa. Prihvatio sam. Neka raspravlja Etički odbor. Jeste povreda kodeksa, ali to je samo jedan segment.

I ovdje u okviru ove tačke, ako je usvojite, jer opozicija nije glasala za, onda nema dovoljno ruku da se usvoji takva tačka, zato i govorim i obrazlažem. Možda neće biti dovoljno ruku. (JOZO NIŠANDŽIĆ – Imaćete priliku kasnije, molim vas.) Da li ćemo imati prilike kasnije predsjedavajući, ne znam. Imamo vrlo zabrinjavajuću okolnost.

Da je samo dio stranaka od 16 vijećnika, koji imaju u ovom Vijeću, glasao za uvrštavanje ove tačke dnevnog reda. Ostali od 35 nisu. To je vrlo zabrinjavajuće.

Mi imamo vrlo ozbiljnu situaciju. Javnost od nas traži reagovanje. Javnost, ne Tuzle, cijele Bosne i Hercegovine je ogorčena.

Danas dobijam informaciju. Predlaže se da se 6. april ne obilježava kao Dan grada Sarajeva. Gdje živimo?

Dodik i SDS svim silama su protiv Dana državnosti Bosne i Hercegovine 25. novembra.

U Bosni i Hercegovini jača fašizam. Otvoreno djeluje. Otvoreno imamo napade na antifašizam. Ovo Vijeće nije saglasno da se raspravlja o tome.

Da se stavi na dnevni red. Nema jedinstvenost ovo Vijeće o tome. Rekao sam bio u jednom trenutku, ako ovo Vijeće ne izglasa osudu, jer imamo izjavu, stavu, zahtjev, utvrdit ćemo, nećemo danas, predložio sam. Danas nećemo donositi konačnu odluku, tražit ćemo da se i ovaj Etički odbor izjasni, mada nije ni bitno njihovo izjašnjenje, mi kao Vijeće imamo činjenice pred sobom, ali neka, dobit ćemo stenogram i sa druge sjednice Kolegija ove koja je bila prije ovog. Tražit ćemo od načelnika izjašnjenje šta je to bilo, odnosno gradonačelnika.

Dobit ćemo još informacija. U decembru ćemo se izjašnjavati ako bog da. Ali nisu htjeli ni to. Neće da raspravljaju.

A onda što će to ko prva tačka? Hajmo mi neke staviti ovo kao tekuća pitanja. Kao nebitna stvar, onako usputna. Sporedna. Nema tekući pitanja.

Rekao sam, ako ne prođe javna osuda, ja ne mogu biti u Vijeću sa anti antifašistom. Rekao sam napustit ću Vijeće. A onda jedan izlazi, izlazi i kao neće učestvovati u tome.

Tada sam rekao, povlačim riječ da ću napustiti Vijeće. Neću. Borit ću se svim snagama. Svim ovim dvadesetogodišnjim iskustvom, političkim, pa i naslijeđem antifašističkim da se javno osudi napad na antifašizam Tuzle i Bosne i Hercegovine i cijelog svijeta.

Gdje god se napada na antifašizam, ako šutimo, zakucat će i nama na vrata. Nama lupa na vrata, pardon, unutra je. Nije više na vratima. Zato sam izašao da vam prenesem dio samo dio informacije koja je bila na sjednici ovog Kolegija. Razloga zašto pola nije glasalo, praktično više od pola, gotovo pola od Vijeća. Ne znam kako će glasati ostali, da li ćemo imati tih 16 ruku da se ovo uvrsti u dnevni red. Da ne bi bilo manipulacije pa da sam prešutio u smislu, sačekao izjašnjenje, moglo bi se desiti da jednostavno sticajem okolnosti nemamo dovoljno ruku da se ta tačka usvoji.

Niko ne bi znao šta se desilo. Neka se zna. Neka bude zapisano. Rekao sam. Naša obaveza je javna osuda. Moramo. Dužni smo. Drugo, nemojte da nekome ili neka radi i to pravo na mišljenje, da ostavimo mogućnost manipulacije, kao mi se bavimo ovim, a toliko je problema, nezaposleni, penzioneri, protesti. Jeste to, jeste sve prioritet. Ali to je redovna aktivnost ovoga Vijeća.

Ovoga Vijeća koje je najjača zakonodavna institucija, najbolja u Bosni i Hercegovini, pa i u regionu. Da podsjetim, izvještaj o radu za prošlu godinu od 83 tačke koje smo trebali uraditi da bi bili idealni. mi smo uradili 622 materijala. Plus sjednice Kolegija. Deset puta više.

Ovo Vijeće se brine o svemu. I danas u dnevnom redu smo imali tačke koje su vrlo bitne i egzistencijalne za život građana Tuzle, pa i preispitivanje kako ko od nas radi, gdje je bio, šta, je li ima kakva manipulacija.

Ovo Vijeće nikada svojom ni jednom tačkom, kojom se bavilo državnim problemima, pa nekada i evropskim, nije ugrozilo ostale lokalne komunalne probleme. Nismo rekli ovo nećemo uzeti da bi o ovome pričali. Ostali smo duže, pa i deset i šesnaest sati ovo Vijeće je raspravljalo.

Nije nam mrsko. I danas kaže sjednica će trajati duže ako stavimo ovu tačku. Pa neka traje deset sati. Imamo i sutra dan i prekosutra dan i dan poslije prekosutra. Da ovo Vijeće traje. Šta? Prihvatili smo tu obavezu. Ima da budemo vijećnici ovoga Vijeća. Deset dana besprekidno ako je potrebno. Raspravljamo o svemu.

I ne možemo reći da ovo nije bitna tačka dnevnog reda. Kako mogu sjesti i raspravljati o bilo čemu, kad imamo udar na temelje države Bosne i Hercegovine? Udar na antifašizam Tuzle i udar na Bosnu i Hercegovinu. Čuli ste, evo napadaju i antifašizam Sarajeva. (JOZO NIŠANDŽIĆ – Dobro, je. Mislim da je dovoljno.)

Evo ovo je skraćeni dio onoga što sam ja između ostalog u malo širem obimu govorio na sjednici Kolegija na način kako sam rekao, pa eto rekao sam da taj anti, antifašizam neće proći u ovom gradu. Pa kad sam i rekao onako u onom vjerovatno i jeste dijelom i emotivnom nastupu sa ogorčenjem no pasaran, smijali se.

Da ste vidjeli i čuli kako se podrugljivo smije opozicija. E zato vam kažem još jednom, gospodo svima koji ne budete osudili napad na fašizam Tuzle, marš fašizmu.

JOZO NIŠANDŽIĆ

Gospodin Edin Haračić, Stranka demokratske akcije. Izvolite.

EDIN HARAČIĆ - vijećnik Stranke demokratske akcije

Ja vas sve skupa selamim i pozdravljam. I evo želim da kažem nekoliko riječi. Prije svega zamjerka predsjedavajućem što smo imali ovoliko, dva i dva ipo sata koliko je trajala sama ova pauza za Kolegij, a da nismo dobili prije svega objašnjenje od predsjedavajućeg kažem, prije svega, da bi mogli odprilike i mi po klubovima dogovoriti se, iako možda ne bi ni bila pauza, ali poslije izlaska kolege Ajanovića, sasvim je jasno da je ova tačka koja je predložena za dnevni red očigledno problem današnjeg rada i možda i narednih sjednica.

Iz tog razloga ja smatram da ovo rad današnji ove sjednice može biti jednostavan na način da ima puno važnih tačaka. Evo i čuli smo i vidimo sami u dnevnom redu i nemam mislim da nema potrebe da ikakve tenzije pravimo oko ovoga.

Želim da predložim da se ova tačka dnevnog reda skinе, jer očigledno, onda bi nam bio cilj da polemishemo, da iznosimo kojekakve stavove, a ovo što kolega Ajanović iznosi vezano za Kolegij koji se desio, očigledno je da se radi o mišljenju na koje svako ima pravo. Dakle nije nikakav zvaničan ni zahtjev, ni bilo šta, pa prema tome, mislim da nema potrebe da je irelevantno da uopšte raspravljamo o ovome.

Dakle, ako smo ozbiljni i ako želimo raditi danas da rješavamo ova ključna pitanja, ove izvještaje, program rada, plan grada Tuzle itd. izuzetno važne znači, važna pitanja za ovaj grad, onda dajte da budemo iskreni i da odblokiramo ovaj mogući problem na jednostavan način . Dakle, da ovu tačku skinemo s dnevnog reda i da radimo ono što nam je važnije i u ovom trenutku i u narednom periodu.

Dakle, ukoliko ne bude tako, naravno, nema potrebe ni da se raspravljamo. Klub je, ako ocijeni da ova situacija ne vodi ka ovome što mi želimo, dakle radu, mi ćemo napustiti ovu sjednicu ako to bude ovako. Ali mislim da nema potrebe. Evo neka kolega Ajanović. Neka naprave naredni Kolegij, neka nađu neko vrijeme, neka rasprave, ali nema potrebe da mi ovom sad, da uvlačimo kompletno Vijeće, a pogotovo da čekaju ovako važne tačke.

Mislim da vijećnici, da smo svi dovoljno zreli da shvatimo da imamo prećih stvari i da se tako i ponašamo. Eto toliko.

JOZO NIŠANDŽIĆ

Hvala. Gospodin Alić Mensur.

ALIĆ MENSUR – vijećnik Tuzlanske alternative

Dozvolite da vas sve pozdravim. Ja mislim da nismo dobro krenuli. Od samog početka od pola deset, pa nadalje, nismo dobro krenuli i mislim da danas ovo Vijeće u pitanju je hoće li završiti, ali evo ima prijedloga da se radi i deset dana ako treba.

Ja sam, nisam opozicija, a bio sam suzdržan za tačku ovog dnevnog reda. Zbog toga što, evo i mnogi vijećnici, nisu upoznati i tražili su od mene maloprije kada sam izašao da do kraja budu upoznati sa ovim, pa da bi onda mogli raspravljati o ovome danas.

Zbog toga sam tražio da prvo ide na Etički odbor, pa da Etički odbor da svoje mišljenje i onda da Vijeće raspravlja o ovoj tački da li osuditi ili ne to će opet presuditi većina.

Prema tome, na kraju moram kolegi Mirnesu zamjeriti. Moram zamjeriti. Maršno je i mene jer sam bio suzdržan na vijeću, a nisam fašista.

I zbog toga ću najvjerojatnije napustiti ovo Vijeće danas, ne želim učestvovati u ovoj raspravi. Hvala.

JOZO NIŠANDŽIĆ

Hvala. (MIRNES AJANOVIĆ – Ispravka krivog navoda.) Izvolite. Ispravka ima prednost.

MIRNES AJANOVIĆ

Opet ću ponoviti. Svima koji napadaju na antifašizam Tuzle, dakle, svima koji napadaju na antifašizam Tuzle, marš fašizmu.

Pa Mensure izvoli pa izadi ako hoćeš. Ako se smatraš da ti napadaš na antifašizam Tuzle, to kako ko glasao ili šta slično nosi svoj teret.

Nisam rekao onima koji su bili protiv da se uvrsti u dnevni red, nego onima koji napadaju na antifašizam Tuzle. Opet ističem marš fašizmu. Izvolite svi kojima se ne sviđa izadite, deklarirate se.

I zašto ne bi bila prva tačka? Šta je sporno? Pa mi to otaljavamo nešto, pa kasnije to nešto ostavimo za kraj. A da ovo prešutimo? Ljudi najavljuju proteste pred zgradom Grada, ako se ne suprostavimo napadu na antifašizam Tuzle. Eno na internetu. Pogledajte.

Najave su javnih protesta. Pa da mi ono stavimo uzput, nebitna stvar. Nemamo šta puno raspravljati jer ja sam objasnio šta je. Prijedlog imate tačke dnevnog reda. U tom prijedlogu, samo zvaničnosti radi, ću samo istaći, ostajem pri onim riječima koje sam rekao, predlažem, da se uputi Etičkom odboru, da se uputi zahtjev Gradonačelniku da se izjasni u vezi ovoga, mada imamo stenogram sjednica Kolegija i izjavu predsjednika Kluba SDA Sabahudina Imamovića danas da je potvrdio to što je rekao načelniku, samo ga je vrijeđao što je otkrio nama, hvala mu još jednom što nam je otkrio svima, kad dobijemo taj stenogram, zvanični i sa tog drugog Kolegija pred ovu sjednicu i onda ćemo na slijedećoj sjednici, kad dobijemo sve te informacije raspravljati o tome.

Čuj vijećnici nisu upoznati? Pa kako ćemo vas upoznati ako nećemo staviti tačku dnevnog reda? Kako ćete znati o čemu treba da raspravljate ako nećete uvrstiti da uđe u dnevni red to, pa da u dnevnom redu čujete šta je bilo. Da date vi svoj stav.

Iznesete svoje mišljenje. Šta god hoćete možete uraditi. Zato i raspravljamo. Zato i jeste naziv, PRIJEDOG RASPRAVE O JAVNOJ OSUDI OD STRANE GRADSKOG VIJEĆA, IZJAVE – STAVA- ZAHTJEVA PREDSJEDNIKA KLUBA SDA DA SE 2.OKTOBAR NE OBILJEŽAVA KAO DAN TUZLE.

I radite o tome, raspravljate i nakon toga imate mogućnost donijeti odluku kakvu hoćete, ali evo opet s moje strane dakle, ja nemam tu više šta ni raspravljati, jer sam obećao da neću više. Moja diskusija, kao predlagača, ako prođe tačka će se završiti na onome što sam istakao, neću ponavljati ni jednu riječ. Samo prijedlozi zaključaka šta treba da uradimo. Izjašnjenje ćemo ostaviti za slijedeću sjednicu kada dobijemo informaciju.

JOZO NIŠANDŽIĆ

Hvala. Mensur Alić ima repliku. Izvolite.

MENSUR ALIĆ

Evo samo radi javnosti da se zna, da ne ode pogrešna vijest u javnost. 2. oktobra, moj rahmetli otac je učestvovao u oslobađanju Tuzle.

Pa neka se zna i možete ga naći u knjizi 16. muslimanske brigade sa slikom kao vodnik, u to vrijeme 43-će godine.

Prema tome, evo neka to bude da li sam ja, da li pripadam nekoj drugoj opciji, ili pripadam onima koji su žestoko protiv antifašizma.

A ja sam inače demokrata, a socijaldemokrata. Možda socijaldemokrata drugačiji nego što mnogi to baštine u svom i političkom i u privatnom životu. Hvala.

JOZO NIŠANDŽIĆ

Hvala. Za riječ se javio gospodin Mirza Tupajić. Izvolite.

MIRZA TUPAJIĆ - vijećnik Stranke demokratske akcije

Ja bi vas, prije svega, sve pozdravio. Malo sam emotivan i emotivno ću govoriti ovdje. Slušao sam pažljivo diskusiju svog kolege Mirnesa Ajanovića i kažem mu javno da mu neću halaliti, a dobro ću pročitati stenogram ove diskusije za narednu sjednicu.

Mirnese, govorio si, faktički aludiro u ovu stranu da se ja osjećam kao fašista, ne samo ja nego i moje kolege iz opozicije.

Ja kao sin bosanskog šehida, da mi govori jedan podrumaš. Šta si ti radio u ratu? Kad se ovdje branio, branila Bosna, kad se. Šta si ti radio u ratu? Bio si sposoban i ovde si došao ovde prosipaš demagogiju.

Mene je rat, legendo moja, obilježio, pet godina na Birou, živio sam od penzije, znam samo kako je moja porodica prošla i ponosan sam na to. Ponosan sam na svog rahmetli oca i na njegov antifašizam. Mogao je uzeti radnu obavezu, ali je usto. Uzeo pušku, patovku i krenuo protiv antifašizma, dok su neki ganjali političke karijere.

Mijenjali različite opcije, mišljenja u toku svoje političke karijere i došao si ovde i tako to govoriš. Iznenadio si me kao čovjeka.

Ja ti ovo neću halaliti. A dobro ću pročitati stenogram.

Tako sam se ružno osjećao da to nije (nerazgovjetno izgovorena riječ op.a.). Halalite na mi na ovim emocijama. To nije lijepo. I molim vas birajte. Ja znam, ponesu emocije i sve. Ali ovo jednom sam vas opomenuo, isto u ovoj sali, u ovoj sjednici, kada je bilo zbog one riječi radim kao crnac. Poštapalica koju svaki dan koristim u svom govoru. Osjećao sam se kao rasista ovde jednom. Pazite malo.

Ovo je Gradsko vijeće, imamo toliko problema u ovom gradu. Pa pogledajte evo najmanje 50 objekata u centru grada zijapi prazno. Izdaje se.

Dok šetaš, tuga. A mi, nama je dao narod prije dvije godine povjerenje da izbacimo ovaj grad iz tog nekog zuluma. Da popravimo stanje građanima. Da se počnemo brinuti o tim stvarima.

Ovo je nevjerovatno. Ja ne mogu da vjerujem evo jednom sam vas opomenuo, molim vas nemojte. Boli to u srcu. Toliko od mene. (MIRNES AJANOVIĆ - Ispravka krivog navoda.)

JOZO NIŠANDŽIĆ

Ispravka krivog navoda. Izvolite. Ima prijavljenih za diskusiju sedam, šest.

MIRNES AJANOVIĆ

Težak je haram reći da neću halaliti. Uče nas tako po Muhamedu a.s. mnogi smo naučili, težak je haram ne halaliti. Ja ću tebi halaliti.

Evo ja sam podrumaš. Niko. Nebitno. Eto. SDA, predstavnik, vijećnik kaže. Eto neka sam. A šta to mijenja u izjavi predsjednika Kluba SDA Sabahudina Imamovića da 2. oktobar, Dan oslobođenja Tuzle, antifašistički praznik ne treba više biti Dan Tuzle?

Da su to ideološke magluštine? Šta to mijenja u tome? Možete li još vas deset izaći pa me napasti, poniziti, uvrijediti. Šta će promijeniti u svemu tome?

Vi ste istakli da se osjećate, kao da ste fašista. Je li to zbog mojih riječi, koje sam citirao, kojima je napadnut antifašizam Tuzle ili zbog okolnosti i činjenice da je napadnut antifašizam Tuzle, od strane predsjednika Kluba SDA.

Sabahudin Imamović, kao predsjednik Kluba SDA u Gradskom vijeću Tuzla je odlučivao da li će ova tačka biti na dnevnom redu, niste vi kolega.

Nije vas ni pitao. Izašao je sa sjednice. Bez ikakvog pitanja i saglasnosti Kluba, on je odlučio da se neće raspravljati o ovome danas.

Jesam li vas ja stavio u takvu situaciju kakvu ste naveli ili vaš predstavnik Kluba SDA Sabahudin Imamović?

Da li vas je pitao i tražio saglasnost Kluba SDA kada je na sjednici Kolegija Vijeća koju sam citirao, tražio da se ukine Dan Tuzle? Je li to zvaničan stav SDA? Navest ću Bakira Izetbegovića, koji je sad predstavnik SDA da se izjasni, je li to zvaničan stav SDA? Pa da se vi osjećate tako, kao što ste istakli.

Možda vi ne znate za ovo, možda niste znali, zar nije prilika da stavimo u dnevni red i da raspravimo o tome? Da čujete tu informaciju, šta se događalo dva sata iza zatvoreni vrata.

Zar nije bilo potrebno da znamo mi i vi svi ostali, javnost šta se događalo zašto je dva sada sjednica ovoga Gradskog vijeća kasnila? Ali ja ne valjam, ja sam podrumaš, ja sam nebitan, ja sam niko. Ja ću halaliti to što si me uvrijedio. Ružno je to nekome reći, nakon brojni koji su poginuli u antifašističkom ratu, II svjetskom ratu, antifašističkom ratu 92. – 95., našem odbrambenom ratu kad smo se borili, od opet istih onih četnika i ustaša koji su i tad htjeli da nas nema. Ružno je nekome reći da je to.

Uvažavam tvog oca, sve očeve, majke, sestre, sve silovane Bošnjakinje, rastjerane Bošnjake, Bošnjakinje i ostale koji su bili Bosanci i Hercegovci, nisu htjeli da stanu rame uz rame s Karadžićem i Tuđmanom. Uvažavam.

Ne razumijem samo SDA, ne razumijem SDA da sada stureno traže koaliciju s SDS-om. Polemika je li bolji ili gori Dodik ili SDS je nebitno. (JOZO NIŠANDŽIĆ – Bila je ispravka, molim vas.)

Ali stureno tražiti s SDS-om koji je izvršio genocide, svi su pohapšeni u Hagu, osuđeni, kompletno rukovodstvo i sad, ono kaže mi bi volili i volimo s njima.

Pa makar je trebalo štitit, sleći ovako glavom, koga izaberu, moraš. To SDA ima naslijeđe. Ne mogu da vjerujem od 90-te kad ste vezali zastave sa SDS-om, ne razvezujete ih.

Bakir Izetbegović prije desetak dana na FTV kaže nismo htjeli kad su tražili amerikanci da se zabrani SDS. Nismo mi dali saglasnost SDA nije Bakir, nije Alija Izetbegović dao.

Šta vam je iz SDA? Pobili su nas, pokrali, rastjerali, ubijali bi koliko su mogli da ih nije zaustavila Međunarodna zajednica, prije toga snaga Armije Republike Bosne i Hercegovine.

I meni govorite ja sam podrumaš? (JOZO NIŠANDŽIĆ – Molim te Ajanoviću završite.)

Da ne bi bilo ipak zabune, svi koji su govorili tako, platili su odštetu. Ja nisam tražio (nerazgovjetno izgovorena riječ op.a.) i federalni i svi ostali. 15. maja 92-ge sam bio dobrovoljac. Kada nije bila formirana ni Tuzlanska brigade. Javio sam se kada mnogi nisu ni znali da li trebaju biti angažovani i šta se događa. Ali eto.

Ovo što ste istakli negira i zato sam reko nije ni bitno šta sam. Zar je bitno šta ko je bio u odnosu na ono šta govori i šta predlaže? O tome se izjašnjavamo a ne o tome šta sam ja ili bilo ko drugi bio.

JOZO NIŠANDŽIĆ

Repliku ima gospodin Sabahudin Imamović, vijećnik Stranke demokratske akcije. Izvolite. Neka se pripremi Azra.

SABAHUDIN IMAMOVIĆ

Kolega Ajanović je pitao. šta je sa nama iz SDA? Obzirom da nas optužuju da smo eto krivi za sve u posljednji dvadeset godina. Ono što je glavni naš doprinos je što je u ti 20 godina u kojima je SDA vodila glavnu riječ, kolega Ajanović slobodno iznosio svoja mišljenja i stavove i nije mu falila dlaka sa glave.

A danas je napravio ovdje jedan skup inkvizicije da se ispituje šta je predsjednik Kluba govorio tamo nezvanično, na Kolegiju Vijeća i kad sam već izašao da kažem. Da ni jedan Sabahudin Imamović, ni jedan pojedinac ne može umanjiti i izbrisati istorijske činjenice.

2. oktobar je istorijska činjenica. Nekad je izabran kao Dan grada Tuzle i to podržavam. Dobronamjerno sam, u razgovoru sa gradonačelnikom, predložio s obzirom na kontinuitet grada Tuzle, s obzirom da je Tuzla imala status Grada i u 19. vijeku i da je dobila sada taj status, radi tog kontinuiteta možda da se izabere neki drugi dan.

Dakle, sasvim dobronamjerno, ne umanjujući niti partizanski vrijednost partizanskog pokreta, niti vrijednost 2. oktobra.

Evropa koliko se borila protiv fašizma, toliko se borila i protiv komunizma i totalitarni režima a imamo i deklaraciju Vijeća Evrope u kojima osuđuju totalitarne režime. I ovdje mi imamo na sceni ostatke ostataka tog režima. Na žalost. Da se na ovako jednoj važnoj sjednici sa toliko važnih tema raspravlja šta je ko rekao gdje.

Mislim, mi smo se tamo složili i zato smo ostali dugo, ja zahvaljujem svim onim kolegama koji su podržali ovaj stav i to govori da ovaj grad ipak ima perspektivu. Da nisu svi učenici Aleksandra Ivankovića.

Mi smo predlagali, ako je Sabahudin nešto rekao da se ide sa prijavom Etičkom odboru, koji će u skladu sa odredbama, Kodeksa ponašanja vijećnika ispitati moje ponašanje i izreći prema meni sankciju. Ja nemam ništa protiv. Ja stojim iza svojih riječi.

Ali ponavljam. Nije bila namjera da se umanji vrijednost bilo kojeg istorijskog dana, niti je bila namjera da se ismijavam sa tim Danom, ali je činjenica da je to sjednica Gradskog vijeća

gdje najmanje vijećnika ima i da se ta sjednica pretvori u proširenu sjednicu SUBNOR-a sa temama i sa protokolom koji nema veze sa sjednicom Vijeća.

I to se pretvori, obično, kao posljednji put, u jednopartijski skup. Dakle, bili su prisutni političari jedne stranke koji su bili na listama. I mi iz opozicije smo čak htjeli da napustimo sjednicu.

E to je bila moja reakcija na takvo stanje. Dakle, nama treba grad. Neka, naravno, neću ja o tome presuditi, ali ako je i 2. oktobar, želim da to bude pravi praznik grada gdje će se pozvati svi oni i koji se ne dopadaju gradonačelniku i SDP-u. Dakle, da se pozovu svi oni koji su ovaj grad zadužili u nauci, kulturi, umjetnosti, da to bude praznik svih građana općine Tuzla. Dan am gore djeca nekad zapjevaju, a da ne slušamo samo Konjuh planinom itd.

Dakle, ja razumijem tu partizansku tradiciju, ali treba napraviti. Drugo je ideologija, a drugo je historija. Istorijske činjenice se ne mogu osporavati, ali ideologije nastaju i propadaju.

Dakle, to je suština mog istupa i moram na kraju reći, s obzirom da je ovdje suđenje, organizovano protiv mene, moram vam reći da ne priznajem ovaj sud da samo priznajem sud partije. Hvala.

JOZO NIŠANDŽIĆ

Hvala. Azra izvoli.

AZRA GAZIBEGOVIĆ - vijećnik Socijaldemokratske partije

Poštovani prisutni, žao mi je što ste čekali dva sata, ali evo vidite zbog čega je ovo trajalo ovoliko.

Ja sam dužna ispred Kluba vijećnika SDP-a da iznesem stavove koje sam rekla i na sjednici Kolegija Gradskog vijeća, a i radi svih onih vijećnika koji nisu bili na sjednici Kolegija prije 15-tak dana.

Zbog čega smo mi bili zato da ova tačka dnevnog reda se uvrsti na današnju sjednicu Gradskog vijeća jeste upravo zbog izjave gospodina predsjednika Kluba vijećnika SDA.

Mi smo dobili Izvod iz stenograma gdje se tačno vidi dvije rečenice šta je to što je rečeno, a to je slijedeće, citiram: “Ko hoće da obilježava Dan oslobođenja Tuzle, neka to SUBNOR organizuje i neka se organizuju prigodni okrugli stolovi.” Završen citat.

Ja se samo pitam zbog čega ne Svečana sjednica Gradskog vijeća koja je i do sada bila? A zašto sad okrugli stolovi? To je moment koji meni nije bio jasan, a koji nije povukao predsjednik Kluba SDA, što sam ja očekivala na sjednici Kolegija gradskog Vijeća malo prije, da kažu da je to eventualno bio lapsus koji je izrekao, ali je on ostao na svojim stanovištima i stojao je iza tih riječi koje je rekao.

Dalje ću citirati- “Dakle, Grad, Dan Grada Tuzle mora biti rastereč mora biti rasterećen ideološki i svakih drugih boja. To mora biti dan koga će svi građani doživljavati na pravi način. A istoriju i ostale magluštine ideološke nek se neko drugi bavi.”

Ja se opet pitam, završen citat, ja se opet pitam koji je to pravi način? Je li to pravi način onaj koji je utvrđen od ranije i za koji se niko do sada nije bunio, ili je to neki novi način koji je apsolutno meni nepoznat. Nisam imala situaciju da je iko negirao to da se na svečanoj sjednici Gradskog vijeća čitaju prigodni referati i da svi oni koji dođu na Svečanu sjednicu Gradskog

vijeća i po prvi put, povodom Dana oslobođenja Tuzle da i čuju nešto novo od strane izabranih predstavnika, legalno izabranih predstavnika na lokalnim izborima, prije dvije godine.

Dakle, osporavalo je se i stavljala se primjedba na to što to rade izabrani zvaničnici SDP-a. Ja zaista nisam kriva zato što je gradonačelnik iz SDP, zato što je predsjedavajući iz SDP-a, zato što je zamjenica predsjedavajuća iz SDP-a. Zamjenica predsjedavajućeg i predsjedavajući su izabrani od strane ovog Gradskog vijeća. Gradonačelnik je izabran na direktnim Lokalnim izborima, tako da je to nešto što su građani tražili, a ne nešto što se nekom treba da sviđi ili ne.

Dalje, magluštine ideološke. Meni zaista kao mladoj osobi u ovom gradu teško padaju ovakve izjave, jer smatram da to nisu nikakve ideološke magluštine, da su to itekako značajni datumi u istoriji našeg grada koji, sa kojima itekako veliki broj mladih ljudi treba da bude upoznat.

Dakle, zbog čega smo isto tako pristali da ovo ide na današnji dnevni red jeste zato što se mi nećemo izjašnjavati, to je predlagač i sam rekao, da se mi danas ne izjašnjavamo o ovome, nego da se otvori rasprava i da vidimo šta je to što je rečeno.

Takođe isto da se uputi na Etički odbor, što smo isto tako podržali i smatramo da nema nikakvih prepreka da se o ovome raspravlja. Ali evo, mi smo već i ušli na neki način u raspravu i samo još jedan odgovor gospodinu Sabahudinu Imamoviću. Ovaj grad ima itekako perspektivu uz antifašističku tradiciju i vrijednosti koje njeguje grad Tuzla. Hvala.

JOZO NIŠANDŽIĆ

Hvala. Gradonačelnik Tuzle.

JASMIN IMAMOVIĆ – Gradonačelnik Grada Tuzle

Ovako molim vas. Prvo, istorijski fakat se ne može izbrisati ali se istorijsko naslijeđe izbriše ukoliko se to naslijeđe ignoriše.

Dat ću vam primjer. Foča je imala, bila slobodna krajem 41-ve i početkom 42-ge godine i tu su nastali Fočanski propisi. Ali od 92-ge godine Foča negira tu tradiciju. I više niko ne doživljava taj grad kao centar antifašizma, pogotovo i zbog onoga što se tamo događalo od 92. – 95.

Ili Mrkonjić grad. Tu je bilo zasjedanje ZAVNOBiH-a pa to je u ratu bio glavni grad BiH. Ali, zbog generacija koje negiraju tu slavni antifašistički fakat, sadašnje generacije građana Mrkonjić grada za to ne zna niko, kao za centar BiH antifašizma. U isto vrijeme, dakle kad je bila slobodna i Tuzla.

Ni Jajce se ne trudi, a u Jajcu je donesena, dakle Odluka, mi smo znate u Mrkonjić gradu izrazili volju da budemo ravnopravna republika sa drugima, ali u Jajcu su to svih drugih republika potvrdilo.

I tu su betonirane AVNOJ-evske granice. Ne bi nikad Bosna i Hercegovina bila priznata u nekim granicama koje nisu proizašle iz pobjede nad Hitlerom, jer svijetom je i tada i sada vladala antifašistička alijansa.

Nama su AVNOJ-evske granice prilika da kažemo evo uzet ćemo nekog koje daleko. Slovenije. Da joj je bolje da čuva AVNOJ-evske granice BiH, a kako bi u budućnosti mogla sačuvati AVNOJ-evske granice Slovenije.

Jer ako poremeti neko AVNOJ-evske granice BiH on će poremetiti svoje granice ko god to bio, koja god to bila država iz bivše Jugoslavije, jer se radi o jednome temelju.

Mi imamo recimo primjer Splita. Split je bio u septembru 43-će oslobođen nekoliko dana, ali velika greška Splita što to ne ponavlja, odnosno što ne obilježava taj značajan datum.

Ja smatram da je to velika greška. Suprotan primjer imamo Tuzle i Sarajeva, vezano za 2. oktobar i 6. april. Bogu hvala da je to suprotan primjer, u glavnom gradu Bosne i Hercegovine.

Kulturno-istorijsko se naslijeđe njeguje. Ako se ne njeguje, onda se gubi.

Mi imamo i drugih fakata koje njegujemo. Da nismo pokrenuli obilježavanje godišnjica bosansko-turskog riječnika autora Muhameda Hevaija Uskufija, ko bi za to znao da je Tuzlak otac bosanskoga jezika.

Baš kao što je Dante otac talijanskog jezika u Italija, tako je i Muhamed Hevaija Uskufi otac bosanskoga jezika. Ali mi o tome nismo mnogo govorili. To nismo mnogo ponavljali. Do koga je? Da li do onih koji to ne znaju ili do nas Tuzlaka koji o tome nismo dovoljno govorili u proteklim decenijama.

Moram reći da je to problem što se govori da je ovdje bio komunistički režim, pa se onda taj režim poistovjećuje sa stanjinizmom, pa onda je ljude pomalo stid da kažu da su njihovi preci učestvovali u velikoj antifašističkoj pobjedi nad Hitlerom. I to se stvorila neka autocenzura pa su neke pjesme zabranjene. Nigdje niko ne može da čuje nekim razvijanjem posebne korektivne svijesti da se ne smije neka partizanska pjesma otpjevati. Pa to je jedini dank ad se otpjeva ta partizanska pjesma.

Gdje još može to da se čuje? Pa to je antifašistička pjesma i to je, to su svjetski standardi, jer mi stalno gledamo filmove o II svjetskome ratu koji pravi Holivud. Mi stalno gledamo, hvala bogu da gledamo, na Nacionalnoj geografiji ili odnosno onome kanalu History dakle neprekidno ponavljanje o toj antifašističkoj pobjedi nad fašizmom o fašističkoj opasnosti, a kako se fašizam ne bi ponovio.

Kao što se na našu nesreću ponovio ovdje u vidu Miloševićevog koncepta koji se nipo čemu nije razlikovao od Hitlerovog i Musolinijevog koncepta.

I mi imamo tri datuma 25. novembar i 1. mart, to su državni. Ali govorim o gradskim. 2. oktobar 43-će godine, govorim hronološki, a zatim 4. april 92-ge i 15. maj 92-ge.

Ovaj grad je pun potomaka, žrtava fašizma 41. – 45. i 92. – 95.

Jer su članovi naših porodica u tom ratu izginuli kao branioci, a neki kao civili. Dakle, nije ovaj sistem bio stanjinizam. Naprotiv. Ovaj sistem je bio veliki protivnik Stanjina i stanjinizmu i svi znaju za sukob Tito, Stanjin. Ali ako to ovdje neko kaže, a mi ne obilježavamo i ne podsjećamo na te istorijske činjenice, onda će nastati generacije koje će misliti da je Tito jest jednako Stanjin i da je to stanjinizam, totalitarizam itd. što naprosto nije tačno.

Stanjin i Tito su bili veliki protivnici.

I ja smatram da treba ohrabriti te snage. Dakle, ovo je politički organ. Smatram da su 43-ća i 92-ga, odnosno 41-va i 92-ga skoro pa identične po naletu fašizma.

Smatram da je Armija Bosne i Hercegovine, to sam puno puno puta rekao to je prva organizovana vojna sila koja se suprostavila novom fašizmu u Evropi.

Jer nisu razumjeli ljudi u Evropi, dugo nisu razumjeli do 99-te godine da je Vukovar žrtva fašizma. Da je žrtva fašizma Dubrovnik. Da je žrtva fašizma Srebrenica. Tuzla. Dugo nisu, do 1999. godine tek smo tad vidjeli kada je bilo ono bombardiranje Nato pakta su oni shvatili ono čega smo mi bili, kao u ružnome snu, svjesni 92-ge godine, a ne možeš dokazati.

Jedan od razloga je u narodnoj izreci da sit gladnoga ne razumije.

Jako je važan 2. oktobar 43-će godine, jer da nije bilo 2. oktobra 43-ća, ne bi bilo ni 25. novembra 45-te. Jer ovdje je stvorena slobodna teritorija, da bi ovdje su vezane mnoge snage nacističke i fašističke da probaju uzeti Tuzlu od partizana da bi gore Tito mogao na miru organizovati ZAVNOBiH i AVNOJ.

Jako važan i jako su nam važne te odluke ZAVNOBiH-a i odluke AVNOJ-a. meni je žao to što ne razumiju ljudi da se mora AVNOJ obilježavati. Nije to obilježavanje nastanka Jugoslavije. To je obilježavanje definitivnog priznanja AVNOJ-evski granica.

I vezivanje nepovredivosti tih AVNOJ-evski granica za nepovredivost svih drugih AVNOJ-evski granica. Pa ko pipne naše granice, srušit će se i njegove.

Pretvaranje snaga koje ne poštuju dovoljno cjelovitost Bosne i Hercegovine u snage koje će dobro da se zamisle oko takve, oko takve politike.

Vidite sada šta se događa. Vidite šta se sada događa, pa ja ne znam zašto se to gospodine Imamoviću što ja govorim vama ne odgovara? Zaista smatram da u ovom Vijeću ne postoji ni jedna stranka, partija ili klub koji nije na putu antifašizma. Ja sam čuo govor člana Predsjedništva u povodu 25. novembra Bakira Izetbegovića. To je govor koji je bio u funkciji antifašizma.

A mislim da je on na većoj poziciji u SDA od gospodina Sabahudina Imamovića. I ja ne smatram da je bilo koja partija ovdje, da bilo koja partija ovdje nije na putu potpuno odlučnog i tvrdog antifašizma. Dakle, nemojte molim vas da neko pomisli. Ali zašto na ovom političkom organu, kada je već postavljeno ovo političko pitanja koje će stenogram ljudi znati i čitati i ljudi iz velikih sila, sad kad se odlučuje o sudbini Bosne i Hercegovine, gotovo je, ušlo je u eter, ozbiljno rade te diplomatije i nešto govorim vama, a nešto njima za ovom govornicom, jer je moj posao da zastupam sve građane Tuzle. Šta sam ja rekao, sa čime se složio svako. Ne znam. Nemam namjeru nikoga da povrijedim. Hoću samo da kažem da su svjetske sile sve istovremeno priznale Bosnu i Hercegovinu velike sile. I Amerika i Rusija su skoro pa u dan, istovremeno priznale Bosnu i Hercegovinu. To su dakle i Amerika i Engleska i Francuska i Njemačka koja je jako, jako osjetljiva na to ne bi li se oprala zbog tog tužnog dijela svoje istorije iz II svjetskog rata i Rusija i Kina. Ova mala zemlja ne može bez toga preživjeti.

Istovremeno su nas priznale. Kako može biti da istovremeno Bosnu i Hercegovinu priznaju Amerika i Rusija? Evo provjerite datume, možda u koji dan. Kako to može biti?

Pa zato što su tad priznavali u II svjetskom ratu u antifašističkom ratu i pobjedi priznate utvrđene granice i mi te granice kako bi bile čvrste moramo njegovati, pa makar dva puta godišnje, jednom što moramo jer državni praznik, jednom što hoćemo, jer je gradski praznik.

I dakle, u ta, mi kao žrtve, ta dva fašizma, evo uzeli smo iz ovoga rata 4. april i 15. maj a i II svjetskog rata, a vezano za državnost BiH i AVNOJ-evske granice 2. oktobar.

I samo smo nastavili to obilježavati. O čemu se sad odlučuje? Sad se odlučuje o prijemu, možda prijevremenom prijemu Bosne i Hercegovine u Evropsku uniju i NATO.

Pa vidite šta se događa. Već je bio ozbiljan govor gospođe Angele Merkel o jednom pretjerano povećanju uticaja Putina u Srbiji i u Bosni i Hercegovini. Pa vidili ste na Vijeću Evrope šta je rekao Papa, da treba što prije Bosnu i Hercegovinu primiti. Pa o tome odlučuju sile pobjednice u II svjetskom ratu. O Nato paktu odlučuju dakle te sile pobjednice i to vrlo važno mjesto zauzima u tome, ne smatram ja da ste vi Sabahudine tako moćni da to pobrkate, ali jako važnu ulogu, da znate, pridaju Tuzli i mišljenju Tuzle, veoma važnu ulogu, jako puno posljednjih mjesec dana pitaju mene kao predstavnika svih građana Tuzle, šta o tome mislim.

Ne misle oni da sam ja nešto pametniji od drugih ljudi u Bosni i Hercegovini i Tuzli, nego imaju poštovanje prema antifašističkoj Tuzli.

Ne stiće se to poštovanje lako. Teško se stiće, a lako gubi. I jednostavno se radi o tome da nije dobro. Ja lično ne mislim da su to bile sad neke specijalne, zle namjere Sabahudina Imamovića.

Ne mislim to. Ali je bilo izrečeno na Kolegiju dosta ljutitim tonom, dosta ljutitim tonom na Kolegiju Vijeća, zvaničnom organu Vijeća. Bilo. Prvo sam mislio da je huja, ali je bilo ponovljeno u razgovoru nimalo agresivno, nego eto uzgred. Kad ja razgovaram malo sa predsjednicima klubova ili klubovima, kako se ko opredijeli i ja lično bi još jednom porazgovarao i rekao da je to ozbiljna stvar, ljudi gledaju, ljudi prate, ljudi su na to vrlo osjetljivi. Kad kažem ljudi iz velikih sila sun a ovakva pitanja vrlo osjetljivi i kod nas mora biti neupitno, neupitno da nema ni jedne partije ni jednog kluba u kome nije nesporan antifaziizam. I ja ne bih nikakvim tonovima, ne znam, možda ovaj mikrofon, možda govorim preglasno, ali uopšte ne bi tu upotrijebio žuč.

Ovo može biti, jeste meni Sabahudin prigovorio 2. oktobar ovaj sad zadnji, da je sve SDP itd. I drugi su prigovorili. Mi smo tad zvali nosioce vlasti, pa eto jednom budu pa izgube odmah, nosioci vlasti iz SDP-a, dakle ja sam zvao predsjednika Predstavničkog doma i Doma naroda.

Predsjednik Predstavničkog doma gospodin Softić je imo neodložno u kampanji su ljudi. Dakle, predsjednik Predstavničkog doma je iz SDA. Doma naroda je iz HDZ-a. Htio sam da ti ljudi se obrate. Da se ja njima javno zahvalim za Zakon o gradu, a pogotovo za Zakon o, i zvao premijera federalnog koji je bio predlagač, zvao iz Skupštine Kantona Umihanića i Ilića, jedan predsjednik Skupštine, jedan predsjednik Vlade.

Jozo je predsjednik Vijeća. On govori na Svečanoj sjednici Vijeća i ja sam načelnik Tuzle. To je tako sada, to tako neće biti iduće godine. Da su nam se odazvali, razumijem što nisu jer su bili svi u kampanji, predsjednik Doma naroda onda bi bilo da je govorio jedan HDZ i Predstavničkog jedan SDA pa ne bi ostao takav utisak.

Ja sam se puno trudio. Meni je predsjednik Softić rekao da mora biti zajedno sa gospodinom Bakrom Izetbegovićem taj dan u na predizbornom skupu u Brčkom i ja to razumijem.

Da to nije i ne mora biti uvijek tako to zavisi od gospodin Martinović je rekao da će uraditi sve da će doći, a onda čovjek nije stigao doći, jer valja njemu doći, potegnuti maksuz u sred kampanje. I razumijem ja u kampanji svakog čovjeka iz svake partije, to uopšte mi ne pada napamet da ne razumijem, da je to vrijeme velike prezauletosti i tako da htio sam se ljudima zahvaliti, ja ću doći nekako do njih da im se zahvalim, jer smatram da im dugujemo zahvalnost, u zadnji čas su to uradili i ja mislim da to treba da bude nesporno, da ne može niko ovo shvatiti kao akt Kluba SDA ili zahtjev neki itd. Ovo je polemika o prijedlogu pojedinca. Ja jednostavno smatram da ovdje ništa nije sporno osim te jedne diskusije Sabahudina Imamovića sa kojim se ne bi složio niko ovdje, ali ja bi reko nion sam. Jer je njemu drugi u toj diskusiji jer on je mislio o 2. oktobru koji je nekoliko dana prije toga ovdje obilježen. Ja sam tako doživio to Sabahudina. Pa ko veli samo jedne partije dolaze, ali nema veze neka to kaže. Nemojte taj stav braniti.

Činjenica je da je izrečeno da treba 2. oktobar SUBNOR ili neko, da to treba neki drugi dan da bude dan, a da to nije u redu i jednostavno mi imamo našu Odluku. Trebamo ostati kod naše Odluke, ta tri praznika plus 1. mart, 25. novembar i nastaviti, nastaviti tako bez sukobljavanja.

Ali odavdje mora izaći nedvosmislen stav i istinit stav da je naravno Tuzla, kao i do sada i kroz svoje datume itd. će njegovati tradiciju antifaziizma i završena, završena priča, ako može da niko nikoga ne vrijeđa. Neko mi je reko nisam čito, došlo je od Predsjedništva Mirnese SDA

pismo, koje isto odprilike ovo govori, dakle nije. Ja bi volio da stvari legnu, ja ne znam jeste li vi dogovorili na Kolegiju da se nešto u vezi s ovim glasa, ili ste dogovorili samo diskusiju, ali ne sazna. Ako je samo diskusija da stvari legnu, da nema kluba ni jednog, ni jedne partije koji nije na, koji ne njeguje tradiciju antifašizma. Da se naprosto ne slažemo sa prijedlogom da bilo ko od ova tri datuma ili recimo konkretni 2. oktobar se dalje ne obilježava i da nekako izađemo iz ovoga, a da smo dovoljno jedinstveni oko potrebe razmatranja i ostalih i ostalih materijala.

Stvarno, neko će reći, je li kakva je reakcija. Ja mislim da se treba brzo reagovati. Možda je moglo, šta ja znam, odmah na toj sjednici, pa da se ne razidemo s te sjednice Kolegija, ali brzo reagovati na stvari koje mogu biti i izrečene namjerno ili nenamjerno sa dobrom ili pogrešnom namjerom ali su iznešene i mogu nam nanijeti veliku štetu.

Dakle, treba o tome govoriti otvoreno, demokratski, prijateljski i treba nastaviti njegovati tradiciju antifašizma koji je moro biti ispoljen jer je naletio fašizam. I u periodu 41. – 45. i u periodu 92. – 95.

Oprostite ako sam bio opštiran, ali ovo je politički organ i treba neko zavisno od svog karaktera reaguje burno, prema vani, neko reaguje burno prema sebi unutra i razlike su u našim karakterima, ali ja bi volio da se zna da nema među nama razlika, kada je u pitanju antifašizam i ovaj sam govor isto reko da ostane trag, između ostalog u stenogramu da se zna, šta o tome mislim.

Hvala vam. (MIRNES AJANOVIĆ – Replika.)

JOZO NIŠANDŽIĆ

Hvala. Beriz. Repliku ima gospodin Ajanović.

MIRNES AJANOVIĆ

Načelnik nije bio na Kolegiju. Niste ni vi uvaženi, poštovane poštovane kolege i kolegice vijećnici, ni ostali koji su ovdje prisutni. Dva sata se svašta reklo tamo.

I nije se imalo namjeru, ni na kakav način nešto dugo polemisati. Ja sam na samom početku, dakle u tih nekoliko minuta rekao, na prijedlog par klubova, ne insistiram na odluci danas, samo ćemo tražiti da se dostave stenogrami, da imamo sve informacije i da se možemo odrediti za mjesec dana. Sjednica će biti odprilike tamo negdje pred kraj decembra 29. decembra odprilike u to vrijeme. Mjesec dana prostora za svu ovu raspravu. Za svašta nešto u međuvremenu.

Ništa više ne bi bilo od svega toga. Zamislite u takvoj situaciji kad to predlažem dobijam napad i tamo sam nazvan podrumašem od Sabahudina Imamovića.

I svašta nešto je izrečeno. I onda se otvorila rasprava. Normalno. A načelnik nije slušao, kada je rečeno, ako to bude na dnevnom redu Vijeća, vi ćete imati političku krizu u Vijeću, od strane SDA, Sabahudina Imamovića, predsjednika Kluba vijećnika SDA, jasno izgovoreno, imat ćete krizu Vijeća.

Znači sve će uraditi da Vijeće ne radi. Kako bi vi reagovali načelniče? Lijepo je reagovati u vrijeme kada su ovde bili Hitler i ostali. Sluge Hitlera. Nema ništa dobijaš one njemačke marke, apenaže, pogodnosti, mnogima je bilo lijepo. Mnogi su uživali u tom režimu Hitlerovom u Tuzli. Mnogi, neki. Izvinjavam se. U Sarajevu, Mrkonjić gradu, Jajcu, cijeloj bivšoj Jugoslaviji, nekima je bilo dobro pod Hitlerovim režimom, radila je i specijalna policija, gestapo.

Je imo punu saradnju specijalne policije. Bilo je lijepo biti sluga okupatora. Tapšu po leđima, dobri ste, saradujete sa nama. Vidite kolika smo mi sila. I tad je najlakše biti sluga okupatora.

Vlast je bila tad u rukama Hitlera. Mi smo u Tuzli imali Pavelić je postavio svog gradonačelnika Tuzle. Seadbega. Ulicu su dali Muhamedagi. Palio, ubijao, silovao. Djecu palio. Prestali obilježavati 2. oktobar u toku agresije na Tuzlu. Je li i to znamo. Da bi pognuli glavu pred SDA, gdje ćeš slaviti aktifašističke praznike. Nekoliko godina se nije obilježavao 2. oktobar u Tuzli, tad sam bio u Predsjedništvu Reformista Bosne i Hercegovine, tad smo bili vlast u Tuzli, znao sam, imam sve te informacije. Suprostavio sam se tome.

I uspjeli smo i gradonačelnik tada, kao sekretar, suprostavio se tome. Upozoravao je i on da ne može da se ne obilježava 2. oktobar i počeli smo ponovo obilježavati 2. oktobar, kao Dan Tuzle.

Kako mislite da reagujem? Naravno gradonačelniče gleda nas antifašistička alijansa. Šta mislite koliko će biti zadovoljni ako mi kažemo hajmo mi radi mira u kući slegnut glavu i neka napada na antifašizam. Treba li tako? Pa ne treba tako. Kako mogu reći da je to normalno. Redi tog nekakvog mira u kući da imamo neku podršku i SDA recimo. Moramo dakle da kažemo u redu, eto de da budemo fino. Fino glas, ne daj bože da ne kažem, možda je jak mikrofon, da se ne naljute ovi iz SDA. Ne smijemo načelniče. Ja vas razumijem. Dužni ste čuvati jedinstvo grada.

Jel anti antifašizam jest jednako jedinstvo, sa našim antifašizmom? Nije. I ne smije biti ni po koju cijenu. Ako treba po cijenu novi izbora. (JOZO NIŠANDŽIĆ – Mogu li vas zamoliti Mirnese.)

Ako treba da građani saznaju i ako treba da raspišemo vanredne izbore da građani Tuzle odrede se o tome koje snage trebaju da budu u ovom Vijeću, antifašističke ili anti antifašističke. Pa da ne strahujemo od toga da li ćemo morati da pognemo glavu pred anti antifašističkim napadom na Tuzlu. Ja nisam pognuo glavu. I od mene je traženo. Od mene je traženo da povučem prijedlog, da popustim i tad nisam naravno pristao. Reko sam neću. Izaću za govornicu. Govorit ću. Ne treba biti. Samo sam povukao riječ da neću biti u Vijeću. Hoću.

Ostat ću da se borim. Očito treba da se borim na ovom Vijeću. Očito treba da progovaram na pravi način o stanju koje evo imamo. Nismo ga mi prouzrokovali. Niste ni vi gradonačelniče. Kome je u Tuzli dajte od 45-te naumpalo do danas da napadne na antifašističku tradiciju Tuzle? Ima li ijedan čovjek da je izašao sa stavom da 2.oktobar ne bude Dan Tuzle zato što je to ideološka magluština? I treba to da bude na okruglim stolovima, dan oslobođenja da se slavi.

Ima li ijedan Tuzlak, progovorite, je li iko rekao to? Ima li ijedan građanin Bosne i Hercegovine, pa ni Dodik nije izašao s tim stavom.

Nije se ni bavio time. Mi to danas imamo na dnevnom redu. U zvaničnom govoru, ne nezvaničnom, ne van sjednice, ne u holu, nego na zvaničnom Kolegiju ovoga Vijeća. U okviru zvaničnog stenograma evidentirano. Ponovljeno kasnije na drugom Kolegiju, ponovljeno kasnije u drugom formalnom razgovoru sa gradonačelnikom.

I sad treba da Amerika, Engleska, Rusija, Francuska, pa i današnja eto antifašistička Njemačka koja je zabranila bilo kakvu vrstu i sankcioniše žestoko bilo kakvu vrstu fašističkog djelovanja, da će sad na ovo što je otišlo u javnost, reagovati, eno vidi Tuzla slegla ramena. Prihvatila radi jedinstva. Čijeg jedinstva? Sa anti antifašizmom nema jedinstva.

Njihov teret neka nose na leđima i njihovu prijetnju da će napraviti krizu, evo neka je realizuju, neka naprave tu krizu. Idemo sa vanrednim izborima u Tuzli.

Imamo pravo donijeti odluku. Vanredni izbori u Tuzli. Neka se Tuzlaci odrede hoće li glasati za anti antifašiste ili će glasati za antifašiste. Nema sredine.

Da se zna ko šta radi u Tuzli. Možemo za dva, tri mjeseca organizovati, prihvatit će Izborna komisija, po našem zahtjevu, ako donesemo odluku idemo, pravo imamo donijeti odluku o raspisivanju izbora u Tuzli.

A nećemo pognuti glavu pred prijeljama. Ne dozvolite načelničje i vi. Ja vas znam kao čovjeka koji je zagrmio na sjednici Kolegija na ovaj antifašistički, anti antifašički napad na antifašizam Tuzle.

Razumijem da treba smiriti. I ja sam smirio. Nisam sve rekao što sam imao i smatrao da trebam reći. (JOZO NIŠANDŽIĆ – Molim vas.) Evo predsjedavajući, jeste vrijeme je. (JOZO NIŠANDŽIĆ – Imamo još prijavljenih.) Isteklo je vrijeme. Mislili smo da je 9. maja 95. pobijeden fašizam. Nije. Samos mo tada dobili pobjedu, a oni jače i (nerazgovjetno izgovorena riječ op.a.) na one koji šutimo.

JOZO NIŠANDŽIĆ

Hvala. Repliku ima gospodin Sabahudin Imamović.

SABAHUDIN IMAMOVIĆ

I ispravka krivog navoda s obzirom da je kolega Ajanović, ovaj Alić neće da. Znači ispravka krivog navoda u onom dijelu gdje je rečeno da sam ja rekao da će izbiti politička kriza, to je rekao kolega Alić i vi ste svi svjedoci toga.

Što se tiče ostalog nastupa mi u Stranci demokratske akcije, jedino ako neko želi da javno izađe i da kaže da smo mi eto ko fašisti. Pa izađite i recite to. Da znamo kako nas posmatrate. Mi smo prije svega demokrate, dakle, zalažemo se za vladavinu prava, na zakonu zasnovanu (nerazgovjetno izgovorena riječ op.a.) procedure gdje će se garantovati ljudska prava svakom pojedincu i koji će moći da njeguje svoje osobenosti i da slobodno djeluje, govori i radi u ovoj državi.

Dakle da nikome ne bude tijesno. Zato se mi zalažemo. A kolega Ajanović upravo svojim bahatim istupima, netolerantnošću, isključivošću, nepoštivanjem ljudi oko sebe, pokazuje osobine onih koje napada. Dakle fašizam je netolerantan, on je isključiv i spreman da eliminiše sve one koji drugačije misle i koji su zacrtani za eliminisanje. To nije osobina demokrate.

Dakle, netolerantnost i isključivost je fašistička osobina. Hvala. (MIRNES AJANOVIĆ – Replika.)

JOZO NIŠANDŽIĆ

Poslovničku intervenciju ima gospoda Nada.

NADA MLADINA – zamjenik predsjedavajućeg Gradskog vijeća Tuzla -vijećnik Socijaldemokratske partije

Poštovani vijećnici i predstavnici izvršne vlasti, gradonačelničje, predstavnici medija, dozvolite mi da vas pozdravim.

Ja imam ispravku krivog navoda i poslovničku intervenciju. Kao neko ko je član Kolegija Općinskog vijeća. I evo zamjenica predsjedavajućeg.

ispravka krivog navoda je gospodinu Sabahudinu Imamoviću, predsjedniku Kluba vijećnika Stranke demokratske akcije u smislu da niko u svojoj diskusiji ni podnosilac inicijative za uvrštavanje dnevnog reda ove tačke nije Stranku niti Klub prozvao za te stvari.

Samo iznesen lični stav, ali predsjednika Kluba. To je činjenično stanje da je gospodin Sabahudin Imamović, predsjednik Kluba Stranke demokratske akcije, dakle nikakvih insinucija u tom smislu na samu Stranku demokratske akcije i njene članove nema. Kao što nema insinucija ni na gospodina Sabahudina Imamovića, ukoliko tako ne misli.

Poslovnička intervencija je slijedeća. Mi smo na Kolegiju Vijeća, većinom glasova, prihvatili inicijativu Bosanske stranke, koju je iznio gospodin Mirnes Ajanović, da se ova tačka uvrsti kao prva tačka dnevnog reda. Iz razloga što svoj stav smo izgradili da glasamo tako da se kao prva tačka dnevnog reda raspravlja, koji su iznešeni u ovoj diskusiji sada za govornicom, jasno je svima da o tome trebamo progovoriti i kao politički organ.

Oni koji nisu bili za uvrštavanje dnevnog reda nisu članovi Kolegija koji se slažu s tim stavom, nego su zbog toga, što, kako sam ja doživjela, a sigurna sam da je to tako, da bi ovu sjednicu Vijeća mogli uraditi kvalitetno, tražili neki drugi modus jer su znali da će se oko ovoga dugo zadržati.

Mi smo se ipak dugo zadržali. Ja predlažem da stavimo pred Vijeće na izjašnjavanje, prijedlog Kolegija da se ovo uvrsti kao prva tačka dnevnog reda, a raspravu smo očito već imali i u okviru te tačke možemo samo neke zaključke i smjernice dati. Toliko.

JOZO NIŠANDŽIĆ

Hvala gospođo Nado. (MIRNES AJANOVIĆ – Odustajem od replike.) Hvala. Gradonačelnik ima. Ne znam šta je.

JASMIN IMAMOVIĆ

Malo, ma mislim da mi to možemo, ja sam mislio da vi odlučujete. (Ne.) Nije ni uvršteno aha. O dnevnom redu je. Ma evo i za tu narednu, ako se to vi usaglasite. Žao mi je stvarno što nisam biona Kolegiju, mislim sve biće gotovo, sve sam presjedio dole u onom bifeu.

Sve mislim još pet minuta, da popijem kafu, da popijem, ja sam u bifeu dole presjedio sa vijećnicima različitih partija i nije ništa koji smo ljudi iz različiti partija smo vrlo srdačno razgovarali i prijateljski.

I zato mi je žao da bude neka atmosfera, ma ja mislim da to može i kad to bude pomiriti ovaj zaključak da se Općinsko vijeće nastavlja, prvo da vam kažem odkud ova osjetljivost.

Pazite. Mi smo 93-će nastavili obilježavati. Ja sam to organizovo. Ja sam govorio na Banji ha 25. novembar 93-će, a Bešlagić je govorio u Domu Armije.

I morate znati da vraćanje u toku rata 2. oktobra nije ni jedna partija problematizirala od tadašnji 100 odbornika, pa ni SDA, da to znate. Ali je problematiziro Zmaj od Bosne. Ubije je, strašno je to bilo šta sam ja doživljavao od te novine. Strašno.

I onda ljudi misle, onda ljudi imaju predrasude. Dakle, samo zato što sam držo govor za 25. novembar 93-će i što sam ja inicirao nastavak Drugog i ovoga itd. 93-će. To je bilo strašno šta mi je ta novina uradila. Ne bi poželio nikome od vas da to doživite u sred rata, nemaš nikakve

nadležnosti nad policijom, nad vojskom i samo gledaš. Jednom sam pobjego sa jednog mjesta iz Živinica kad su ljudi Jasmin, Jasmin, sve u redu, a kad neko izgovori moje prezime, ljudi počeše popravljat one pištolje. I, a vidim teško je to vidjeti kako to sad svi onda, hajde drago mi je da vidim da svi obilježavaju. Šta ćemo, nema više te novine bogu hvala.

Mislim da bi to moglo pomiriti da Tuzla nastavlja njegovati antifašističku tradiciju BiH i Tuzle i dalje obilježavati 2. 10.; 25. 11. kao i 1. 3.; 4. 4. i 15. 5. 92-ge, ovo dvoje je iz 43-će, a ovo sve je iz 92-ge.

I nema šanse da ja ne mislim da bi to bila. Da ja mislim da to ne bi bila jednoglasna odluka. Niko to, nije nikad. E sada i da će da bi ove Tuzla osudila svaki pokušaj, recimo ugrožavanja njegovanja antifašističke tradicije i to je mislim nešto pomirljivo, nešto što nije niko protiv toga i jedna prilika. Ja kad govorim o jedinstvu Vijeća, ja govorim o jedinstvu Vijeća na planu antifašizma, a ne o jedinstvu Vijeća, gdje će biti jedinstvo Vijeća, višepartijski sistem. Neko će uvijek glasati za nešto, a neko protiv, to je normalno. Ali kod ove teme, ja vjerujem da možemo imati jednoglasnu odluku i da probamo to harmonizirati, da se malo probaju samo riječi ne zabadati do kraja, da se proba to malo stišat. Nema tog kluba i te partije koja nije za u Tuzli. Još nema. Možda ima neka van, ne znam parlamentarna ili ko zna, ali nema u ovom Parlamentu gradskom koja nije za njegovanje antifašističke tradicije obilježavanjem iz 92-ge 1. marta, 4. aprila, 15. maja i iz II svjetskog rata 2. oktobra i 25. novembra 43-će i da to jednostavno završimo tako, a da budemo oprezniji, kad su sve te stvari, kad su te stvari u pitanju, taj naš oprez je važan i za ovaj grad, a važan i za ovu državu.

JOZO NIŠANDŽIĆ

Hvala. Izvolite. Bilo je prijedloga ako nema možemo prekinuti. Utvrđivanje dnevnog reda.

BERIZ SAKIĆ – vijećnik Saveza za bolju budućnost

Ma ja ne vjerujem da ćemo mi na ovakav način i ovako donijeti boljitak išta ovom narodu danas i malo bolje donijeti šta na ovoj sjednici ovom narodu.

Ja vas sve selamim i pozdravljam. Ja sam dijete žrtva srpske agresije, moji preci su žrtva fašizma. U ovaj grad sam došao sa dvije kese u ruci i nastojim da obezbijedim sebi i svojoj porodici život u ovome gradu.

Prije dvije godine sam se prijavio i politički angažovo da bi doprinjeo boljitak i tadašnjoj Općini Tuzla, današnjem Gradu, narodu Podrinja kojem pripadam, narodu Simin Hana, boljitak.

I vi svi znate da ove dvije godine sam se trudio i pokušavao na svaki način, ma od koga dolazila bilo koja i kakva inicijativa sam podržavao, ma od koga dolazilo, samo ako je to imalo bolje za ovaj narod.

Ovakvim načinom, ja ne vjerujem da ćemo mi išta bolje donijeti narodu. Koga danas zanima 2. oktobar, 25-ti, 14-ti, 18-ti, 31-vi, ne znam koji? Narod danas zanima i ove ljude u Tuzli hoće li imat šta jest, hoće li imat sutra dijete da da marku. To narod zanima.

I zato narod pravi proteste ovde u Tuzli. Ne pravi proteste hoće li Grad Tuzla obilježavati Drugi ili 25-ti ili 18-ti. Dajte ljudi da obezbijedimo ovim ljudima, u skladu sa našim mogućnostima bolje sutra.

A onda poslije od toga možemo raspravljati hoćemo li vrednovati, ovaj ili onaj grad, a niko nije ni protiv bilo kojeg datuma.

I dajte molim vas da prekinemo više o tome i da radimo ovde, pa vidite koje su tačke dnevnog reda koje su bolje, vrednije za raspravljanje, da bi nekome bilo bolje i nama i svima ovome narodu koji nas je izabrao. Kako ćemo sutra otići onim ljudima koji su glasali za nas i reći šta smo danas napravili za njih dobro? Raspravljali četiri sata o 2. oktobru ili 25. novembru ili već ne znam o 4. aprilu ili o 15. maju. Pa to sav narod zna i Tuzle i države i svijeta više. Hvala vam.

Oprostite, zaboravio sam još samo da kažem ovde, ja kao moj kolega Mensur, razmišljam da li uopšte trebam sjediti na ovoj sjednici ovdje i da li uopšte trebam biti više član ovog Vijeća na ovakav način.

Kako ću opravdati ljudima zašto su glasali za mene i šta očekuju od mene ovde. Hvala.

JOZO NIŠANDŽIĆ

Ispravka krivog navoda Ajanović.

MIRNES AJANOVIĆ

Tačno. Kako ćemo ljudima objasniti? Što smo danas potrošili ovoliko vremena. Nebitno što je Vijeće najaktivnije, što radi deset puta više, što se o svemu bavimo što treba, pa i nečemu što je nadležnost viši organa, ali pošto oni ne rade, mi radimo.

Kako ćemo to ljudima objasniti? Što će onda Klubu SDA uopšte na Kolegiju rasprava o 2. oktobru? Nismo mi inicirali. Nisam ja predložio. Nije gradonačelnik. Ni jedna druga stranka. Klub SDA na Kolegiju kad smo trebali pričati o svim ovim problemima, o gladnim, žednim, razočaranim, prevarenim radnicima i svemu onome što znači problem i Tuzle, što će SDA pričati da treba ukinuti 2. oktobar? Šta ćete reći na to sad? Najlakše je izaći ovde pa demagogiju prosipati na način mi krivi. Mi krivi što imamo problem?

Nismo ga mi inicirali. Nisam želio da pričam danas o ovome. Rekao sam na Kolegiju bio bi najsretniji da sam ružno sanjao, probudio se, da nisam čuo da neko iz Vijeća traži ukidanje Dana Tuzle.

Iz razloga zato što je antifašistički praznik pa je to ideološka magluština? Ovo je realnost koju imamo pred sobom. Naturena nam je.

Možemo li malo da ne pokušamo se varati, da govorimo otvoreno, da imamo problem zato što ga je postavio predsjednik Kluba SDA, kao problem. Mi imamo veći problem, ako šutimo na to.

I nemojte to više. Ne može. Možete pričajte, ali neću dopustiti tu manipulaciju. Odgovorit ću.

I onda još jedna ispravka krivog navoda. Ružno je to reći. Znamo da smo prošli svega i svačega u II svjetskom ratu i Oslobojilačkom ratu 92. – 95., ali imamo s nama ovde Srba i Hrvata, Bošnjaka i ostalih. Meni je ružno reći srpska agresija. Agresija Srbije u redu. Hrvatske. Ali srpska agresija. Nije Nada izvršila agresiju na Bosnu i Hercegovinu. Nikola. (Replika.) Bilo ko drugi. Čovjek se, evo procesuirao u Beogradu zato što je branio Bosnu i Hercegovinu.

Je li Jurišić ne valja? Strašno je za ovom govornicom izgovoriti takav stav. Može se reći veliko-srpska agresija, ima oni koji u glavama namjeravali praviti takvu vrstu napada na Bosnu i Hercegovinu, ali vidite opet ja ne valjam. Odma ono jao. A izrečeno za govornicom ono što se

nije smjelo reći. Vodite računa, razmislite prije, napijte se vode vi iz SDA kad trebate govoriti. Odmorite malo. Sačekajte, promislite, pa onda izađite za govornicu i govorite i na sjednicama Kolegija. Ako vam se ne sviđa to, ako smatrate evo, oni su to reagovali, ovo je bilo ovako normalno da prođe, da nije žestoko reagovala javnost. Da ljudi nisu ogorčeni zbog ovog napada na antifašizam Tuzle.

Građani su žestoko reagovali, traže odgovor Vijeća. Odgovor Vijeća ne može biti, eto hajmo se praviti da nije ništa bilo. Odgovor Vijeća mora biti javna osuda. Možemo mi dalje staviti, dodat još, ovaj grad ovaj grad nikada neće dozvoliti napade na antifašističku tradiciju II svjetskog rata, Odbrambenog 92. – 95., nadam se da ih više neće trebati, ali neće ih trebati ako se budemo borili protiv napada na te tradicije antifašističke. E zato treba javna osuda. Ne možemo bez toga.

Mi ako pređemo bez javne osude ovog stave mi smo isti kao oni.

JOZO NIŠANDŽIĆ

Poslovnička ima prednost. Gospodin Alić.

MENSUR ALIĆ

Predsjedavajući, ja bi vas zamolio. Ako nemate sat da pošaljem nekoga da kupi. Zna se koliko traje replika, koliko poslovnička, koliko. Dajte da dozvolimo kolegama koji su se prijavili prije sat vremena, ne mogu doći na red da svoju diskusiju iznesu.

Dajte bilježite koliko ima replika. Nećemo danas. Ma ja sam reko da ćemo ući danas u krizu.

Ja sam to rekao ina Kolegiju sam rekao. I imamo jedan prijedlog jako dobar od gradonačelnika, dajte možda da pustimo još ova dva tri koji imaju bez replika da iznesu svoje diskusije, da napravimo pauzu, da načelnik tu bude i da napravimo nekakav zaključak oko ovoga, to je način i put kako ćemo završiti ovo, ovaj dio, ovoga što smo započeli da bi mogli nastaviti sa ostalim tačkama dnevnog reda.

Jer ne možemo se iscrpljivati ovde do. (NADA MLADINA – Nismo ni uvrstili u dnevni red.) Pa nismo upravo zbog toga što nismo ni uvrstili još u dnevni red, to je i problem, to je ključni problem.

Imamo nepoštivanja, evo tri minuta traje, ja sam govorio dva, kao poslovnička intervencija. Hvala lijepo.

JOZO NIŠANDŽIĆ

Hvala gospodine Aliću. (MIRNES AJANOVIĆ – Ispravka krivog navoda.) Ja vas molim, ja vas sve molim vijećnike. (Poslovnička.) Molim da se poštujemo. Rekli ste da se kao držimo vremena. Ne mogu ja oduzeti i skinuti nikoga sa govornice molim vas. (EKREM TOPIĆ – Poslovnička.) Poslovnička. Izvolite. Ekrem Topić ima ispravku krivog navoda. (Poslovničku.) Poslovničku.

EKREM TOPIĆ – vijećnik Tuzlanske alternative

Gospodine predsjedavajući, gospođo dopredsjedavajuća, poštovani načelnice, uvaženi

kolege i kolegice, poštovani mediji, poštovani gosti, ja vam se u svoje ime izvinjavam što ste čekali dva sata i odugovlačenje ove sjednice i što svi zajedno doživljavamo šta doživljavamo.

Ja vas sve srdačno selamim i pozdravljam i mislim da je vakat da ovo prekinemo, da ovo odgodimo za narednu neku sjednicu isključivo radi što nemamo svi materijale koje bi trebali imat pred sobom. Ja imam evo inicijativu BOSS-a, Bosanske stranke, koja je, koliko vidim poslata 21. 11. 2014. primljena u 14,10 to je u dva sata i deset minuta, a mi smo je dobili pred vratima.

Ja ne želim bit ni advokat ni tužilac, nit hoću, niti imam pravo. A kako će ko reagovat i kako će ko izjave davat, mislim da bi najpoštenije bilo, pošto je Kolegij inače sebi preuzeo puno toga, puno toga ja bi zamolio, možda ću i kasnije rijet, da od sad se malo pomakne održavanje sjednica Kolegija, prije Vijeća, da dođu prije na sat, dva ili nekim drugim danom da mi ne bi ovde čekali sahat, dva. Bez obzira kakva je tema i kakva je rasprava.

Nesmotrena ili na ovaj ili na onaj način izgovorena riječ, ona nosi svoju težinu, osobito ko je kaže i ko je rekne.

Mislim da je najpoštenije bilo, a koliko sam informisan i čuo sam da nema stav Kolegija o ovome jer nije Kolegij izišo sa prijedlogom te tačke već je pustio u raspravu. Znači da nema stav Kolegija? (Ima.)

Ja koliko znam nisam tu čuo informaciju. Mene predsjednik mog Kluba obavijestio na holu kako me obavijestio, dok ne uzmem stenogram u ruke i sve te argumente i dobro ne proučim, a Kolegij je to mogo sam osudit, bez nas, ako će osuđivat mogo je izić Kolegij sa svojim zaključkom, osuđujemo istup taj i taj. Ako ne zna neko šta je Poslovnik i šta je Statut, dobro bi bilo da uzme da to prouči i pročita.

Izmjena naziva ulice, obične ulice ima svoje procedure i zna se ko o tome raspravlja i na koji način. Vijeće ima svoja radna tijela, svoje komisije koje obrade materijale i daju Vijeću na usvajanje i izjašnjavanje.

Ja mogu slušat razne komentare, razne priče, za mene su bitna djela, bitna djela ko je šta radio, ko je šta uradio, historija, istorija ili povijest ko hoće da je uzme neka čita, ja sam jedan od bolji učenika bio iz tog predmeta 79-te u JNA sam dobio pet dana nagradnog odsustva na takmičenju, baš u ove dane 25-ti, 29-ti novembar, nisam završio ni obuku, dobio pet dana nagradnog, krenuo od voda, pa bataljon i na kraju moja ekipa u kojoj sam učestvovalo dobila pet dana iz histoje nagradnog odsustva. (JOZO NIŠANDŽIĆ – Isteklo je vrijeme, evo upozoravaju.)

Predlažem, predlažem iz najbolji namjera, ne želim braniti nikoga za sad ni napadati nikoga, ko je kako izgovorio, neka je izgovorio, ali dok mi svi ne dobijemo, treba i nas poštovati ostale vijećnike, dok svi ne dobijemo taj materijal i dok ne prođe procedura ja ovo uopšte ne bi stavljio na dnevni red da se ovo prolongira za slijedeću sjednicu imali mi vremena, neće biti propast svijeta, a Sabahudin može pričat šta hoće. On nit može prekrojit niti može promijeniti ovaj Dan. Hvala.

JOZO NIŠANDŽIĆ

Hvala. (Ispravka krivog navoda.) Dajte molim vas.

MIRNES AJANOVIĆ

Predsjedavajući. Nemojte pristajati na to da sad neko manipuliše na bilo kakav način.

Imate Poslovnik, ako je problem u vremenu, gledajte, uzmite na sat ograničite vrijeme i ko ima pravo, ima pravo. (JOZO NIŠANDŽIĆ – Šta je, je li?) Rekao sam, Ispravka krivog navoda. (JOZO NIŠANDŽIĆ – Izvolite, dvije minute.)

Eto, dvije minute. Da ispravim. Mislim da nije bilo jasno dovoljno rečeno od strane Mensura Alića kada je pomenuo da će doći do krize, a prethodno sam ja rekao da je Klub SDA istakao da će biti politička kriza, pa je Sabahudin Imamović izašao i rekao da nije tačno da je to rečeno, nego je to rekao Mensur.

I da ne bi bila zaista neistina. Imam snima, ako je sporno. Napraviti ću pauzu pa da vam pustim snimak. Mensur Alić jeste rekao da bi moglo doći danas do krize u ovom Vijeću, da dugo traje sjednica, neka me demantuje ako je ovo nešto neistina, ali evo vidim da potvrđuje glavom da je ovako, ali Sabahudin Imamović u ime Kluba SDA je rekao da će doći do političke krize u potpunosti ukoliko se ova tačka predloži na dnevni red i ukoliko bude usvojena.

Ovo je istina. Ako je neistinito ovo Mensura Aliću izađite i recite da nije istina. Hvala.

JOZO NIŠANDŽIĆ

Hvala. Dvije replike. Znači imate još tu pravo i.

BERIZ SAKIĆ

Jednu sam samo imao. (To je druga.) Prva je. Ja repliciram na prošli istup gospodina Ajanovića. Nisu to moje riječi da sam ja žrtva srpske agresije, to su riječi koje su puno prije mene izrečene i ja potičem sa obala rijeke Drine, ja dobro znam ko je napo Bosnu i Hercegovinu. Ja nisam ovde izjavio da sam ja žrtva srpskog naroda u Bosni i Hercegovini, kako se sjećam.

To je jedno. I hvala bogu pa se ove sjednice i javno snimaju i svako može da vidi ko ovde prosipa demagogiju, a ko zastupa narod u pravom smislu te riječi. Hvala.

JOZO NIŠANDŽIĆ

Edin Haračić. Izvolite. Pa Ivica Kovačević.

EDIN HARAČIĆ

Ma evo od momenta mog prvog javljanja, pa evo do sad, puno je vremena prošlo, a u suštini, svi koji su govorili i koji su pokušali, evo bar da doprinesu na ovaj način da prekinemo sa ovakvom vrstom rasprave. Dakle, nisu ni na koji način doprinijeli.

Imamo jedino mogućnost, ili kao što je kolega Topić, za što se i ja zalažem, da skinemo sa dnevnog reda i da nastavimo raditi ono što nam je prioritet i što nam je zadaća. Ili da ulazimo u ovo što ničemu ne vodi.

Dakle, ja sam i prvi put odprilike nagovijestio, a evo u razgovoru sa kolegom, dakle nije bilo nikakvog zvaničnog zahtjeva.

Mi pričamo ovde, ne znam o čemu pričamo. Je li ima ikakav zvaničan zahtjev da se raspravlja o tome treba li ukinuti ili promijeniti datum grada Tuzle?

Zašto se mi hvatamo ovde? Samo za mišljenje? To sam i prvi put rekao. Nema potrebe.

Ako hoćete da tako raspravljamo i da u nedogled smaramo jedni druge, a pogotovo da trpi grad i sve ono što treba da ovde kao vijećnici radimo, onda bujrum, ali mislim da to nije rješenje.

Jedino ispravno rješenje vidim, obzirom da nema nikakvog ni zvaničnog zahtjeva ništa, osim mišljenja na koje svako ima pravo, je da prekinemo s ovim, da ovu tačku povučemo, jer ona očigledno, zato i jeste dva sata i nešto se raspravlja na Kolegiju, ranije vjerovatno na ranijem Kolegiju je sve dogovoreno, ali obzirom da je ova došla, kao što reče kolega, pred samo Vijeće, onda je normalno stavila ovakvu situaciju.

I to je problem o kojem treba možda i pričat. Jednom smo to spominjali. Nije jednom, možda i više puta. Dakle, s tim tačkama koje se u međuvremenu ubacuju naprave problem.

Jedna od tih tačaka je upravo ova. Zato dajte da bezpotrebno ne raspravljamo, da je skinemo, da počnemo raditi. U protivnom sami ćemo biti krivi i dovodit se u situaciju i da pričamo o stvarima koje nemaju smisla.

Dakle, mišljenje šta ja mislim o Americi, o Izraelu, o ne znam čemu, je moje mišljenje, a ono što je zvanično, ako je u formi zahtjeva ili bilo čega drugog, je nešto što je zvanično. Ovdje nema ništa od toga. Znači, pričamo o nečem što nema smisla u konačnici. Prema tome, predlažem da se predsjedavajući presijeće ovo, da se skine ova tačka s dnevnog reda i da počnemo raditi svoj posao. Toliko.

JOZO NIŠANDŽIĆ

Poslovničku ima gospođa Nada. Molim vas ovo u skladu sa Poslovníkom i nemojte oko toga molim vas.

NADA MLADINA

Poslovnička intervencija. Upravo to hoću da kažem. Poslovnička intervencija sastoji se u slijedećem. Da pristupimo izjašnjavanju o uvrštavanju ili ne uvrštavanju, već kako ko misli, kao prvu tačku dnevnog reda, kako je to predložila većina Kolegija Općinskog vijeća. Dakle, ne kažem i ne insistiram da vijećnici private tu inicijativu.

Znači, da konačno utvrdimo dnevni red. A u okviru tačke, ako bude utvrđena, jer ne možemo je skinuti gospodine Haračiću, nismo je ni usvojili kao dnevni red.

Mislim da se držimo Poslovníka. Podnosilac inicijative za uvrštavanje u dnevni red nije odustao od prijedloga i on bi to predložio i da nije Kolegij izglasao, tako sam ja to shvatila.

Tako da predlažem da u tom smislu budemo racionalni, korektni prema Poslovníku, korektni prema sebi, korektni prema gradu, prema sadržaju dnevnog reda i da se izjašnjavamo, a za to postoji mogućnost da budemo za, protiv ili suzdržani.

JOZO NIŠANDŽIĆ

Hvala. Ja imam još prijavljenih. Ivica Kovačević. Izvolite Ivice, Hrvatska demokratska zajednica.

IVICA KOVAČEVIĆ - vijećnik Hrvatske demokratske zajednice

Cijenjeni predsjedavajući, zamjenice predsjedavajućeg, sekretaru Vijeća, kolegice i kolege vijećnici, predstavnici izvršne vlasti na čelu sa gradonačelnikom, predstavnici medija, gosti, sve vas srdačno pozdravljam u ime Kluba HDZ-a Bosne i Hercegovine.

Mislio sam mnogo toga reći, međutim, evo na žalost mislim da nas je već sve iscrpila ova dugotrajna rasprava. Želim svima vijećnicima i svima pobrojanima početku ispričati što smo evo dva sata već na Kolegiju raspravljali o ovome.

Smatram da smo trebali, viza vi, ovoga što je rekao gospodin Topić, budući da je ova inicijativa pristigla 21-vog, trebali smo ranije imati sjednicu Kolegija.

Znali smo što će ova i ovakva točka dnevnog reda napraviti na ovoj današnjoj sjednici. Trebali smo imati Kolegij ranije i onda bi se upoznali i vijećnici i svi ostali.

Mislim da je već tu napravljena prva pogreška. I sad evo imamo znači posljedice svega toga.

Što želim reći? Dakle, bojim se da je javnost, kroz sve ove naše istupe mogla steći jedan dojam i drago mi je da je to gradonačelnik rekao, upravo suprotno, dakle, mogla je javnost možda kroz istupe vijećnika nekih steći dojam da vi oni koji su sad na upravo održanom Kolegiju u stvari bili stali na stranu fašizma.

Nitko ovdje niti u jednom trenutku nije napao antifašizam. Bilo tko od vijećnika, ali stoji da svatko ima pravo na svoju, na slobodu mišljenja.

Mislim da nismo to trebali prijeći danas u 21. stoljeću. Podsjećam i podržavam ovo što je upravo rekla gospođa Mladina. Dakle, maloprije smo na Kolegiju, od osam klubova vijećnika, pet klubova nije bilo za to da ova točka dođe uopće na dnevni red.

Većina u Kolegiju je ipak, ne sastoji od broja klubova, ali većina u Kolegiju je dakle ipak odlučila da to dođe i predlažem dakle da idemo na glasovanje i da se o ovome izjasnimo. Hvala lijepa.

JOZO NIŠANDŽIĆ

Hvala. (Ispravka krivog navoda.) Izvolite gospodine Aliću. (IVICA KOVAČEVIĆ – Znam što ćete reći, da ne ide kao prva tačka dnevnog reda.)

MENSUR ALIĆ

Ja. Ispravka krivog navoda kolegi, samo neka se zna. Ja nisam bio protiv, ali sam bio protiv da bude prva tačka dnevnog reda. Samo zbog toga. Znači, bio sam protiv da bude i sad sam da bude prva tačka, ali neka se stavi na glasanje, pa bože moj, ali da se naravno da šansa i ostalim kolegama koji su se prijavili za diskusiju, ali najviše bi evo volio da napravimo pauzu, poslije toga pa da sjednemo sa načelnikom i da napravimo neke od zaključaka po ovome. Hvala.

JOZO NIŠANDŽIĆ

Gospodin Topić, vi ste se prijavili. Izvolite.

EKREM TOPIĆ

Ja ću u svoje ime, a dijelom u ime Alternative isključivo javnosti radi, jer smo totalno dovedeni u nezgodnu poziciju.

Nije nama nepoznata činjenica da se trebamo baviti ovim temama, međutim, mi smo sasvim drugi nijet i druge namjere imali angažmanom u ovome Vijeću istupajući većinu i razloge zbog koji smo to radili i uradili smo iznijeli ovde i naše inicijative su uvažavane i dolaze i sprovode se u djelo.

Međutim, istupanje pojedini predsjednika klubova i vijećnika stvoriće pogrešnu sliku u javnosti i sad, ja sam reko da neću se izjašnjavat nikav više što ne dobijem na vrijeme materijale i dobro hi proučim.

Suviše sam i ozbiljna i odgovorna osoba i prema bogu i sebi i narodu. Ne mogu sebi više luksuz ovaj dopuštati. Bez obzira sviđalo se većini, manjini ili ovim il onim, ja hoću da korektno da odradim svoj mandate i da završim s ovim političku karijeru, onako kako sam i počeo.

Bilo je vremena teški gdje sam obavljao funkcije. U ratu sam obavljao veoma značajnu funkciju u mjestu gdje nije bilo popularno djelovati, kako sam ja djelovao, ali je dugoročno se i pokazalo ispravnim.

I ne stidim se niti jedne sekunde, ama niti imam mrlje na sebi i ne želim ni sada imati.

Ukoliko bi ja sad bio suzdržan da ne dođe ova tačka do idućeg Vijeća kad prođe sve procedure moguće je da me svrstaju tamo ili vamo.

Moguće je. Ja sam zovte me kako hoćete, po prirodi trudim se i borim se da budem čovjek i to je teško zanimanje. Duže vrijeme teško je zanimanje biti čovjek. I uvijek sam bio na strani slabijeg, siromašnijeg, nejačeg, je li to socijaldemokratija ne znam, vi procjenjujte ali znam da sam uvijek na strani slabijeg, pomažem slabe, nejake, bolesne i veke i nake a zauzvrat i drugi i meni pomažu i svima fala na tome.

Dal sam antifašista pokazao sam svojim djelima, ko hoće nek u to vjeruje, ko neće ne mora.

Tražim i za sebe i za druge vijećnike da nas se malo više poštuje, da i mi to dobro proučimo. Najlakše je osuditi izjavu i treba osudit, ali da i mi dobijemo te sve argumente i najprihvatljiviji je prijedlog načelnika de to malo da dole to spustimo, ima vremena.

Tuzla neće propast, obilježavaće što obilježava i neka obilježava, to će građani odlučivati bez obzira šta ja htjeo il ovaj il onaj.

Građani Tuzle će odlučiti i građani Tuzle su rekli koga hoće u Vijeću i evo slike Vijeća.

Spominje se kriza Vijeća da će neko napraviti krizu Vijeća, ja mu odavde govorim nejma krize Vijeća, nejma. Sviđalo se opet kome ili ne sviđalo, nejma krize Vijeća. Dovoljno ima politički subjekata koji će učestvovati u tome. Ne može i da hoće neko prifatiti, to mu je uzaludan posao i bilo je pokušaja ovi ili oni, zbog ovoga il onoga, nejma, ima nas dovoljno koji ćemo izgurati ovaj mandat kako smo počeli i da ne bi dalje se nadmudrivali najkorektnije je, što neko reče, u stvari gospodin Alić da se napravi jedna pauza, da ponovo sjednete tamo, da ovo popeglate i da nastavimo dalje s radom. Hvala. (MIRNES AJANOVIĆ – Poslovnička intervencija.)

JOZO NIŠANDŽIĆ

Poslovničku ima gospodin Ajanović.

MIRNES AJANOVIĆ

Poslovnička intervencija. Čujem da ovde evo, Mensur Alić je rekao da je protiv da to bude prva. ja sam smatrao da treba nositi teret prve. Evo kompromis s moje strane. Evo povlačim prijedlog da bude prva tačka. Može li malo da šute ovi iz SDA. (Vijećnik Sabahudin Imamović govori s mjesta op.a.) Hoće li meni dozvoliti Klub SDA da govorim? Ili predjedavajući.

(JOZO NIŠANDŽIĆ – Izvolte.) Hvala predsjedavajući. Evo kompromisa. Povlačim prijedlog da bude prva. Neću da komentarišem. Povlačim prijedlog da bude prva tačka dnevnog reda. predlažem da bude druga tačka dnevnog reda.

Prva tačka dnevnog reda su vijećnička pitanja i molim da se izjasnimo po tom prijedlogu.

Prva je svakako redovna dakle, vijećnička pitanja. Nećemo doći u poziciju da vijećnička stavljamo nazad. Predlažem, pošto je prva već utvrđena u dnevnom redu koji je dostavljen na ovo Vijeće, da ovo bude druga tačka dnevnog reda i tražim da se izjasnite po drugoj tački dnevnog reda. Evo imate kompromis, šta hoćete? Evo nije prva. Je li problem bio što je prva? Evo sad je druga.

JOZO NIŠANDŽIĆ

Gospodina Aliću izvolite. Ja vas molim deset minuta je do dva još nije gotov ni dnevni red.

MENSUR ALIĆ

Evo ja predlažem da ova tačka bude pet. Pod pet broj. Na petom mjestu, da ne bude ni prva, ni druga, da ne bude ni po Mirnesovom, nego evo. (MIRNES AJANOVIĆ – Poslovnička.) Po nekakvom dogovoru sa kolegom da bude peta tačka dnevnog reda, a da prije ove tačke napravimo pauzu i da se dogovorimo da odma i da nema diskusije uopšte. Hvala.

JOZO NIŠANDŽIĆ

Izvolite gospodine Ajanoviću.

MIRNES AJANOVIĆ

Evo dakle ja sam za kompromise. Opet ezan. Evo i kindija došla. Allahu egber. Drugi ezan. Evo kompromis. Tražio sam prva. Evo odustajem od prve dakle, predložio sam druga, evo Mensur Alić predlaže peta.

Prevelika je simbolika u toj petici. To je ovo. (Vvijećnik pokazuje sisnutu pesnicu op.a.) Marš fašizmu. Ono žestoko udarit anti antifašizmu.

Prihvatom petu tačku. Predlažem dakle, povlačim, peta pesnica otpora, napada na antifašizam Tuzle, neka bude peta tačka. Ima sasvim dovoljno simbolike.

JOZO NIŠANDŽIĆ

Hvala. Zaključujem raspravu. Molim vas. Idemo na izjašnjavanje. Molim vas. Znači predložimo ovako. Znači ko je za to da uvrstimo u dnevni red rasprava o prijedlogu javne osude, odnosno zahtjeva-stava-izjave predsjednika Kluba vijećnika SDA da se 2. oktobar ne obilježava kao Dan Tuzle.

I to da bude tačka pet. Ko je za taj prijedlog, molim da digne ruku? (17) Ima li neko protiv? (8) Uzdržan? (Nema.)

Konstatujem da za glasalo 17 vijećnika, protiv je bilo osam, nema suzdržan. što znači da je dobilo potrebnu većinu.

Ko je za dnevni red u cjelini, molim da digne ruku? (17) Ima li neko protiv? (Nema.) Uzdržan? (8)

Za Dnevni red glasalo je 17 vijećnika, protiv niko nije bio, suzdržanih je bilo osam vijećnika što znači da je većinom glasova usvojen slijedeći:

DNEVNI RED

1. VJEĆNIČKA PITANJA

2. NACRT PROGRAMA RADA GRADSKOG VIJEĆA TUZLA ZA 2015. GODINU

3. ODLUKA O IZGRADNJI POSLOVNE ZONE „KREKA-SJEVER“ U TUZLI“.

4. ODLUKA O RASPISIVANJU DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA S NASTRADALIH PODRUČJA U SVRHU IZGRADNJE INDIVIDUALNIH STAMBENIH OBJEKATA (SA TEKSTOM DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA GRADA TUZLA)

5. RASPRAVA O PRIJEDLOGU JAVNE OSUDE OD STRANE GRADSKOG VIJEĆA IZJAVE - STAVA - ZAHTJEVA PREDSEDNIKA KLUBA VIJEĆNIKA SDA DA SE 2. OKTOBAR NE OBILJEŽAVA KAO DAN TUZLE

6. a) PROSTORNI PLAN GRADA TUZLA ZA PERIOD 2010. – 2030. GODINE

b) ODLUKA O PROVOĐENJU PROSTORNOG PLANA GRADA TUZLA ZA PERIOD 2010. – 2030. GODINE

c) ODLUKA O USVAJANJU PROSTORNOG PLANA GRADA TUZLA ZA PERIOD 2010. -2030. GODINE

7. IMOVINSKO-PRAVNA AKTA

a) Rješenje o utvrđivanju, uz naknadu, pravo vlasništva na gradskom građevinskom zemljištu, broj:

- 01/07-31-2102/14 (Ademović M. Mehmedalija, lokacija KO Solina)

- 01/07-31-8197/13 (Bajrić S. Azra, lokacija KO Tuzla II)

- 01/08-31-2241/13 (Dizdarević R. Abid, lokacija KO Tuzla III)

- 01/08-31-6819/13 (Čivić M. Bajro, lokacija KO Tuzla IV)

- 01/07-31-14/14 (Ibrahimović I. Damir, Atić Alisa i drugi, lokacija KO Tuzla

III)

- 01/08-31-5723/12 (Halilović H. Hava i Halilović A. Ferida, lokacija KO Tuzla III)

b) Zaključak o ispravci greške, broj:

- 01/07-31-6174/14 (Rješenje OVT br. 01/08-31-6628/10 od 15.07.2014. godine, Sultanić Izudin, lokacija KO Slavinovići)

- 01/08-31-1087/13 (Rješenje OVT, br. 01/08-31-1087/13 od 13. 03. 2014. godine, BH Telecom d.d. Sarajevo, lokacija KO Dobrnja)

8. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2013. GODINU:

a) JP Radio televizija 7 d.o.o. Tuzla

b) JKP Vodovod i kanalizacija Tuzla

c) "Centralno grijanje" d.d. Tuzla

9. INFORMACIJA O UPRAVLJANJU I ODRŽAVANJU ZAJEDNIČKIH DIJELOVA I UREĐAJA U ZGRADAMA SA PRIJEDLOZIMA MJERA

10. INFORMACIJA O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

11. INFORMACIJA O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLA

12. a) INFORMACIJA O PODRŠCI GRADA TUZLE PROJEKTIMA I AKTIVNOSTIMA MLADIH

b) INFORMACIJA O PODRŠCI GRADA TUZLE AMATERSKOM I PROFESIONALNOM SPORTU U 2013. GODINI

c) INFORMACIJA O PODRŠCI GRADA TUZLE ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI U 2013. GODINI

13. INFORMACIJA O STANJU KLIZIŠTA I EVIDENTIRANIM KLIZIŠTIMA NA PODRUČJU GRADA TUZLA

14. INFORMACIJA O ZBRINJAVANJU PASA LUTALICA NA PODRUČJU GRADA TUZLA

Predlažem da krenemo sa realizacijom Dnevnog reda.

Prva tačka dnevnog reda je:

VIJEĆNIČKA PITANJA

MIRZA TUPAJIĆ – vijećnik Stranke demokratske akcije

Ja imam samo jedno vijećničko pitanje. Nešto sam slično sam prije već postavljao, neću obrazloženje čitati radi dugo smo tu. Samo ću pročitati vijećničko pitanje.

Kada ina koji način će se riješiti akutni problem prebrze vožnje u Rudarskoj ulici i postoji li lista raskrsnica sa brojem sudara ili nesreća u ovom gradu i ako postoji što nije javna?

JOZO NIŠANDŽIĆ

Hvala. Gospodin Sabahudin Imamović. Izvolite gospodine Sabahudine.

SABAHUDIN IMAMOVIĆ

Znači na sjednici Općinskog vijeća Tuzla koja je održana u avgustu ove godine uputio sam vijećničko pitanje kojim sam tražio da mi se odgovori ko je vlasnik građevinskih skela na kojima se nalaze reklame koje prekrivaju bivšu zgradu općine i bivše kino Centar i koliko košta mjesečni zakup navedenih skela.

Dobio sam odgovor da je vlasnik navedenih skela firma Herzmedia d.o.o. iz Čitluka i da je cijena zakupa 1,00 KM za 1 m². Obzirom da se radi o prostoru od cca 1.000 m² znači da je mjesečno isplaćivano na ime zakupa oko 1.000 KM.

Shodno navedenom, Službi za komunalne poslove, izgradnju i poslove mjesnih zajednica upućujem vijećničko pitanje slijedeće sadržine.

Kada je zaključen ugovor o zakupu građevinskih skela i koliko je do danas na ime zakupa isplaćeno navedenoj firmi?

Ja mislim da to traje nekih pet, šest godina, pa svi znamo računati. Hvala.

JOZO NIŠANDŽIĆ

Hvala. Prelazimo na drugu tačku dnevnog reda:

NACRT PROGRAMA RADA GRADSKOG VIJEĆA TUZLA ZA 2015. GODINU

Obrađivač je Stručna služba Vijeća.

Predlagač je Kolegij Gradskog vijeća Grada Tuzla.

Materijal su razmatrali Komisija za statutarna pitanja i propise, Komisija za komunalna pitanja i pitanja mjesnih zajednica, Komisija za ekonomske odnose, Komisija za poduzetništvo, Komisija za prostorno uređenje i zaštitu okoline i klubovi vijećnika.

Otvaram raspravu.

Pitam vijećnike, da li ima potrebe za uvodnim izlaganjem? (Nema.) Nema. Otvaram raspravu klubova. Gospodin Mirnes Ajanović, Klub vijećnika Bosanske stranke. Izvolite.

MIRNES AJANOVIĆ – vijećnik Bosanske stranke

Program rada Gradskog vijeća, lijepo je ovo sad kad kažemo Gradskog vijeća, ovo je praktično prvi program rada za narednu godinu. I ovo je evo revolucija, dio istorije Tuzle i Bosne i Hercegovine.

Mi imamo ovdje za svaki mjesec predloženo šta je Vijeće dužno da raspravlja. Koji su to dakle materijali koji su obaveza da se raspravlja, kako bi Vijeće ispunilo svoj zadatak u interesu djelovanja svih građana grada Tuzle.

Vi znate i svi znamo da je gotovo u svim ostalim zakonodavnim tijelima i Vijeće je svakako zakonodavno tijelo, ne donosi zakone, ali donosi odluke sa zakonskom snagom i s te strane, kao predstavnički organ smatra se i zakonodavnim tijelom.

Da svi ostali nivoi zakonodavnog tijela, pogotovo na državnom nivou, ne mogu da ispune niti trećinu zadatog programa rada.

Dakle, onog osnova koji treba da se napravi kako bi Vijeće ili to zakonodavno tijelo moglo da funkcioniše u interesu građana.

(JOZO NIŠANDŽIĆ – Ja molim vijećnike koji su tamo iza, da se malo smire.)

Da se zatvore ova vrata. Treba vrata zatvoriti od hola. Hvala predsjedavajući, već je bolje.

Mi ovdje imamo generalni problem u ovom programu rada. Ovaj materijal, zamislite da moram skoro reći da, za nas je gotovo i nebitno, zato što je ovde sadržano, nisam brojao ali odprilike kao i za prošlu godinu, oko negdje, oko 80 do 90 tačaka.

Prošli put je bilo u prošlom Programu za ovu aktuelnu godinu 80, odnosno za prošlu 83. Koji kada smo imali posljednji izvještaj o radu Vijeća i realizaciji Programa rada Vijeća za prošlu godinu.

Dakle, imali smo 83. I ovde ima nekih eto maksimalno stotinjak tačaka, oko, cirka, što bi rekli i zašto je nebitan? Zato što mi radimo deset puta više. Sve ovo što stoji ovdje je relativno nebitno. Jer ako smo za taj izvještaj, izvještajni period za prošlu godinu imali isti ovakav program i obavezu da ga izvršimo da bi se smatralo da smo, kao Vijeće, dobro radili, uključujući i poziciju i opoziciju, nebitno, svi smo mi to zajedno radili. Ko je više ili manje gotovo da je i nebitno, a napravili 622 realizovana materijala, mjesto ovih ovdje koliko je pisalo tada 83. Onda to govori da ovo Vijeće zaista radi na način da pretjeruje u radu.

Ja sam to jednom nazvao nenormalnim radom Vijeća, u ovom opštem stanju kada je normalno raditi ništa, kada je normalno imati trećinu ispunjenog programa rada i da se to smatra dobrim radom da to oni CCA-i ili CCI kako već govore, karakterišu kao eto minimalno zadovoljavajuće. Šteta što ne prate nas.

Šta bi rekli kad bi nas pratili? To morali bi reći i oni da smo nenormalni po pitanju rada.

Ovo Vijeće dakle ima sada ovaj nacrt. Ko od nas želi još šta dopuniti, ali mi ćemo svakako redovno, kroz ove sve sjednice i mi kao Vijeće i Gradonačelnik kao predstavnik izvršne vlasti, dopunjavati ovaj program rada svim onim što je aktuelno potrebno, bitno za građane Tuzle, ne samo za građane Tuzle, nego i za građane cijele Bosne i Hercegovine jer naše reakcije, zaključci, prijedlozi i sve ono što mi i o čemu raspravljamo na sjednicama ovoga, evo sada i Gradskog vijeća pomaže i u interesu je svih građana, cijele Bosne i Hercegovine i kada bi bez ikakvog pretjerivanja 10% onoga što smo mi realizovali, razmatrali i zaključili, kao neophodno i bitno za interes građana Tuzle, a samim time i za interes građana Bosne i Hercegovine i upućivali, dakle višim organima vlasti, kada bi 10% od toga bilo realizovano Bosna i Hercegovina bi bila mnogo bolja, efikasnija država, sigurnija država po pitanju dakle i bezbjednosti građana, lične bezbjednosti, ali i ekonomske bezbjednosti, pa i na kraju političke. Hvala.

NADA MLADINA

Za riječ se javio gradonačelnik. (Ne, Ilija Jurišić.) Sad ste se dogovorili.

JOZO NIŠANDŽIĆ

Ilija Jurišić, a neka se pripremi gospođa Jasminka Mijatović.

ILIJA JURIŠIĆ - vijećnik Socijaldemokratske partije

Pozdravljam sve prisutne koji učestvuju i koji prate rad redovne sjednice Gradskog vijeća Tuzla.

Kolegice i kolege vijećnici, Gradsko vijeće Tuzla je obavezno, to je zakonska obaveza da za svaku kalendarsku godinu donese svoj program rada.

Ta obaveza zakonska odnosi se i za kalendarsku 2015. godinu. Zašto Vijeće donosi svoj program? Donosi ga zato, radi ravnomyernog i ujednačenog političkog i društvenog razvoja cijelog područja grada.

Programiranjem svoga rada, Vijeće izbjegava rad da ide po kolosijeku stihije, da ide po kolosijeku praznog hoda, već svoju aktivnost usmjerava na ključna životna i radna pitanja građana.

Odnosno programom rada Vijeće se vraća na svoj predmet rada, koji je definisan Ustavom, zakonom i Statutom, ali i drugim planskim dokumentima Grada Tuzle.

Izrada valjanog programa rada, ne traži samo vrijeme, već traži i određeno iskustvo. Traži umijeće i stručnost. Činjenica je da je naš program rada koga imamo danas i koga danas razmatrao, proizvod kolektivnog rada, počev od obrađivača pojedini materijala do Kolegija i stručnog Vijeća, Gradskog vijeća Tuzla.

Ali bi ja ovdje ipak izdvojio ulogu i sekretara Vijeća, koja je dala značajan doprinos njegovom konačnom uobličavanju, pokazujući pri tome solidno iskustvo, umijeće i stručnost.

Kada je riječ o sadržaju rada programa, planiranog za 2015. godinu treba napomenuti da on obuhvata preko 90 tematskih cjelina i to donošenje 13 odluka, plus dvije odluke u nacrtu, raspravljanje o 25 različitih informacija, raspravljanje o 25 izvještaja, donošenje 11 planova, 3 programa, jednog statuta, jednog budžeta i nedefinisan broj imovinsko-pravnih dokumenata koje ćemo naravno imati i čiji će broj biti definisan, zavisno od stvarne potrebe, kao i nedefinisan broj dokumenata Ministarstva unutrašnjih poslova Tuzlanskog kantona o temama koje tretiraju bezbjednosnu situaciju na području grada.

Kvalitet našeg teksta, našeg programa rada čini još jedna činjenica, da je u svaku tematsku cjelinu, uz svaki, uz svako pitanje rada, naveden i način realizacije, određen nosilac posla, utvrđen termin, odnosno rok izvršenja itd.

U oblikovanju našeg programa zastupljeni su i svi principi dobrog programiranja, kao što su princip realnosti, princip savremenosti, konkretizacije, racionalizacije, sveobuhvatnosti i princip programskog uvezivanja.

Kad je riječ o principu realnosti, potrebno je napomenuti da on obezbjeđuje sinergiju između stvarnih potreba i želja građana sa stvarnim ljudskim i materijalnim potencijalima grada.

Konkretnost obezbjeđuje da Vijeće u svom radu izbjegne nepotrebne pauze i zastoje. Selektivnost je jedna od osobina da se primijeni stečeno iskustvo i umijeće u programiranju. Dobra selektivnost naravno postiže se na kritičkom analiziranju dostavljenih materijala i ponuđenih prijedloga u tim materijalima.

Ne mogu a da ne pomenem ni princip racionalizacije. On zapravo je zastupljen u našem programu, a obezbjeđuje jedno domaćinsko, efikasno poslovanje na realizaciji zadataka koji stoje pred Gradom i Gradskim vijećem.

Na osnovu ovih svih činjenica može se zaključiti da je naš program rada solidan, da je dobar, o tome ima jedinstven stav i Klub vijećnika SDP i preporučuje Gradskom vijeću da ga usvoji. No, i pored te ocjene, ja bi predložio još tri zaključka i to:

Prvo, da se u tekstu NACRTA PROGRAMA RADA GRADSKOG VIJEĆA TUZLA ZA 2015. GODINU u poglavlju Uprava i samouprava iza pete tematske cjeline uvrsti i šesta cjelina koja bi nosila naziv Usvajanje poslovnika o radu Gradskoga vijeća.

Drugo, predlažem da se izvrši solidna priprema za donošenje kvalitetne odluke, sprovodive odluke o organizaciji lokalne samouprave i u skladu s tim izradi i donese odgovarajuća akta.

I treći zaključak da se izvrši korekcija u nazivima nekih tematskih cjelina, posebno cjeline u poglavlju Društvene djelatnosti, a odnose se na informaciju, citiram, jel, doprinos Grada razvoju amaterskog i profesionalnog sporta. Da se ove riječi “profesionalni sport” zamijene riječima “vrhunski sport”. Zato što se radi o dva različita bitno različita pojma. A o tome je za ovom našom govornicom u nekoliko navrata govorila i naša kolegica Merima Softić, koja je takođe u branši visokoga sporta.

Mi dozvoljavamo u Klubu SDP i prihvatamo i druge kvalitetne i konstruktivne prijedloge, koji će ići u prilogu poboljšanja i kvantiteta i kvaliteta sporta. Toliko.

JOZO NIŠANDŽIĆ

Hvala. Gospođa Jasminka Mijatović, Klub vijećnika Hrvatske demokratske zajednice. izvolite Jasminka.

JASMINKA MIJATOVIĆ - vijećnik Hrvatske demokratske zajednice

Zato što poštujem kolegu pa da ne bude zbog godina, nego baš što je riječ o kolegi. (Gospođa Mijatović je propustila da prođe gospodin Ilija Jurišić op.a.)

Hvala lijepa, ja pozdravljam sve nazočne, hvala gospodine predsjedavajući. Program rada Gradskog vijeća za 2015. je u biti sve ono što smo i do sada radili i nemam primjedbi na sadržaj programa Gradskog vijeća za 2015., ali smatram osnovanim predložiti i podijeliti sa vama istraživanja koja sam prilikom pripreme za današnju sjednicu pronašla u drugim općinama, gradovima i u regiji. Moram reći samo da nisam nikakva istraživanja radila u Republici Srpskoj, ali evo u nekom narednom periodu možda pogledati kako to oni rade, pa dobre prakse prepisati.

Imam jedan nacrt programa Općinskog vijeća koji takođe sadrži veoma mnogo i obiman je, veoma mnogo točaka za obradu i predmeta obrade čak 98 i smatram, mada ne moram insistirat, evo danas gradonačelnik je izašao, dobra praksa naših drugih općina i gradova i u regiji je da načelnik svake godine napravi izvješće o svom radu i program rada i taj program je čini mi se objavljen na web stranicama, pa nije loša praksa da i mi uvedemo, a u svakom slučaju biće osnova da imamo što manje pitanja možda nekad nepotrebno gradonačelniku.

Vidim da je obrađivač u pojedinim općinama Stručna služba za poslove Kabineta Općinskog načelnika, pa bi, a ukoliko se ostane na tom stajalištu mogla biti osnova i kod nas.

Takođe predlažem da se u programu rada, nevezano za termin, recimo obično su ta izvješća nekada četvrti, peti, šesti mjesec, pa da ne budemo insistirali na početku godine jer je nemoguće i Stručnoj službi da izvrši tako kvalitetnu pripremu za kratak period.

Nešto što mi se takođe dopalo, a što smatram osnovanim je informacija o realiziranju vijećničkih pitanja i inicijativa vijećnika, sad već u Općinskom vijeću, za proteklu godinu. Tako da ćemo imati sažetu informaciju o svemu onome što je zaključeno, što je realizirano i što nije realizirano, pa da možemo eventualno zauzeti stavove za naredni period i kao žena, ne

umanjujući značaj i potrebu isticanja naših muških kolega, ali mislim da smo manjina, predlažem da se inkorporira u program informacija o realiziranju Džender akcionog plana općine Tuzla. Obzirom da smo tad bili općina, evo grad, u narednom periodu. Nekako smo, čini mi se u petak od Saveza i općina gradova imali jedan, jednu konferenciju, jedan seminar na temu upravljanje imovinom u lokalnoj samoupravi i nešto što mi se takođe dopalo je da većina općina ima informaciju imovinu koja je u posjedu Općine i načinu realiziranja, pa čak i ostvarivanja dobiti od strane imovine kojom raspolaže Općina Tuzla.

Stajališta Savez općina, gradova ali i svih relevantnih stručnjaka USAID koji podržavaju taj projekat i da je imovina jedan od izvora prihoda u proračunu i da neke općine koje su sačinile neku analizu stavile tu imovinu u na tržište, evo možemo i tako reći, ili u upotrebu su ostvarile i značajne uštede kada je riječ o komunalnim problemima, znači ima nisu imali više troškova, struja, voda, telefon i sve drugo, a imali su veći priliv u svoj proračun.

Znači toliko od mene. Ja smatram da to trebamo inkorporirati, a u prvom dijelu, obzirom da je danas teška sjednica, ukoliko se druge kolege slažu, može, ali ne insistiram na prvom.

JOZO NIŠANDŽIĆ

Hvala. Gospodin Malikić, Narodna stranka Radom za boljitak. Neka se pripremi gospodin Sabahudin Imamović.

NEDŽAD MALIKIĆ – vijećnik Narodne stranke Radom za boljitak

Pozdravljam sve prisutne. Hvala predsjedavajući. Evo kad je u pitanju PROGRAM RADA GRADSKOG VIJEĆA TUZLA ZA 2015. GODINU znači u formi nacrt, on je planiran, kao prijedlog da dođe na januarsku sjednicu Vijeća.

Jako je bitno, ono što želim naglasiti da se držimo tih rokova. Mislim da je sve uzaludno pričati ako se ne budemo držali rokova i naravno, na neki način, evo moja sugestija, pa i neke sankcije prema nekim koji se ne budu pridržavali rokova.

Naravno postoje određeni problemi i može se napraviti obrazloženje, ako neki materijal ne može stići za neku od predviđeni sjednica Gradskog vijeća, ali isto tako ne smijemo dozvoliti da se ovaj program rada, koji bude usvojen, ignoriše i da se na taj način u više navrata, nešto što je planirano za februar, realizira se u nekom sedmom, osmom, devetom ili u drugoj polovini godine.

Znači, na neki način pokušati neku vrstu, pa evo sankcija, ne znam koje vrste. Ako se to ne bi pridržavalo.

Ono što želim reći, kao prijedlog koji će biti u januaru, možda, na neki način pokušati ovu, ona je planirana za maj informacija o stanju u Kolektivnom naselju Mihatovići itd. itd. pošto će to tek biti u januaru prijedlog, da bar sa ove sjednice kao neki zaključak, pokušamo tu informaciju, ako postoji mogućnost, bar za februarsku, ako ne može za januarsku, bar za februarsku sjednicu da je pripremimo.

Znači informacija o stanju u Kolektivnom naselju Mihatovići i smještaju u kućama holandske Vlade. Jer imamo informacije, možda čak tražiti i od Policijske stanice Zapad da nam do tad i oni pripreme ovo naredni mjesec, dva dana, neku informaciju, kad imamo saznanja da stanje svih oblasti nije dobro, pa bi bilo dobro da to objedinimo informaciju kako bi je imali što prije i da naravno prema njoj se tako i postavimo.

Ono što sam primjetio u ovom nacrtu da smo, evo ravnomjerno rasporedili kad su u pitanju naše javne ustanove, naša javna preduzeća i upravo što sam na početku naglasio, moramo se držati tih datuma i predviđenih rokova, jer da ne bi došli u situaciju da na jednoj sjednici Vijeća imamo po deset, dvanaest, što javnih preduzeća i javnih ustanova, a naravno i prolongiramo itd. itd.

Što se tiče nacрта, evo ja sam to ukratko neke stvari već sugerisao, a mi ćemo naravno, ako bude bilo potrebe do samog prijedloga dostaviti pisano svoje prijedloge.

Hvala vam lijepo.

JOZO NIŠANDŽIĆ

Hvala. Sabahudin Imamović, Stranka demokratske akcije. Izvolite Sabahudine.

SABAHUDIN IMAMOVIĆ - vijećnik Stranke demokratske akcije

Dakle, ovdje imamo PROGRAM RADA GRADSKOG VIJEĆA TUZLA ZA 2015. GODINU u formi nacрта. Klub vijećnika Stranke demokratske akcije će do januarske sjednice dostaviti svoje prijedloge na ovaj tekst.

Zahvaljujući našim insistiranjima u prethodnom periodu mi smo postigli visok stepen discipline u praćenju programa rada Vijeća, ali ne možemo još biti u potpunosti zadovoljni. Mnogi izvještaji ne dolaze u propisanom roku, a neke materijale nikada nismo dobili kao što je izvještaj o radu i poslovanju Direkcije za obnovu i izgradnju Tuzla.

Kao što je odluka o izgradnji i korištenju, zaštiti i održavanju i upravljanju mjesnim vodovodima i javnim bunarima i javnim česnama na području grada Tuzle 2009. godine u aprilu sam uputio inicijativu za donošenje ove odluke u skladu sa federalnim Zakonom o vodama i do dana današnjeg ta odluka nije donijeta.

Ne mogu da shvatim da ovo Vijeće nije dobilo informaciju o stanju okolice na području grada Tuzle sa prijedlogom mjera i ne mogu da shvatim da nismo dobili informaciju o radu stanica za monitoring slijevanja i informaciju o aerozagađenju na području grada Tuzle s obzirom na stanje zraka u našem gradu.

Dakle, radi se još uvijek o vrlo važnim materijalima i mislim da ćemo biti zadovoljni kada obezbijedimo 100 procentno praćenje i disciplinu praćenja rada programa rada Gradskog vijeća. Toliko od mene. Hvala vam.

JOZO NIŠANDŽIĆ

Hvala. Niko se više ne javlja od klubova. Zaključujem raspravu klubova. Zamolit ću gradonačelnika da izađe, pa ćemo nastaviti sa raspravom vijećnika.

JASMIN IMAMOVIĆ – gradonačelnik Grada Tuzle

Ja mislim nemam ništa posebno replicirati govornicima, predsjednicima klubova. Onome kolegice Jasminka, jedno pravno pitanje, izabrali građani, kome da podnesem izvještaj, mi smo smatrali izvještajem, recimo izvještaj svih službi.

Ali možda ćemo mi i napraviti jedan odgovor na to pravno pitanje, možemo i zajedno. Možemo. Ne moramo sad ovdje diskutovati za govornicom da to može biti, na primjer na prvu samo kažem.

Nisam ništa, ne idem do kraja. Informacija, recimo o radu načelnika u kojoj bi bili sadržani izvještaji o radu službi.

Ali eto ne moramo, imamo mi kad do recimo decembarskog Vijeća o tome razgovarati ili do januarskog.

Mislím da, ovo što sam htio vama da kažem, slažem se sa svakim ko kaže da se ne smije u rokovima kasniti u odnosu na programom Vijeća utvrđene rokove i ostalo.

Čestitam Vijeću, ja ne znam je li to tačno da je u odnosu na Program urađeno 10 puta više? Ali ja se bojím da to ne uspori rad izvršne vlasti, jer mi sve te tačke, imali smo mi, moje kolegice i kolege i ja analizu šta se ovo događa, pazite, na kraju ćemo imati neke općine imaju pet šest sjednica, godišnje a mi ćemo sa sjednicom 29-tog imati 16 sjednica.

A programirali 11. Da u avgustu odu ljudi iz službi, uostalom i vijećnici na godišnji odmor. I onda mi tu imamo jedan kooperativan odnos sa Vijećem, da bude što prije ta u julu sjednica, pa da mogu otići na godišnji oni koji bi išli druga polovica jula, uglavnom 90% ide druga polovica jula i avgusta.

Dakle, predlažem da se razmisli o nekoj vrsti balansa, jer ne može se stići službe pripremaju sve materijale za Vijeće.

Sve službe na koju se određeno pitanje, inicijativa, materijal odnosi. Stručna služba, skoro pa puca po šavovima. Spašavaju stvar volonteri pripravnici. Jer ne može se stići i to je isto jedan od razloga kašnjenja.

Znači ako imamo ovaj program mora se zadovoljiti ovakav. Ali preko toga, ako mi dobijemo deset puta više zadataka, kao izvršna vlast, onda naprosto nije moguće stići jer ima teških materijala.

Imajte u vidu da najmanje deset dana prije, samo se radi za Vijeće koje predstoji. Glavnina službi sun a tijelima Vijeća itd. itd. Do je li konačno sjednice Vijeća.

Ako bismo mogli imati mjeru. Jedan smo od rijetkih parlamenata bilo kojeg nivoa vlasti koje i u broju sjednica i u količini materijala do te mjere prebacuje mjeru, normu. Samo hoću da zamolim da damo prilike manjim brojem sjednica izvršnoj vlasti da realizuje ovaj program kojeg vi u decembru, evo sad hoćete usvojiti.

I da ne pretjerujemo. Da bude manje sjednica. Trebalo bi da ih bude 11. A ove godine će ih biti čak 16.

Dobro, nekada nas nužda natjera. Znamo šta je bilo u ovoj teškoj 2014-toj godini.

I da je moralo biti vanrednih zasjedanja i ostalog. Ali ja se nadam, nedo nam bog da iduća bude tako teška.

Da stignemo te zahtjeve, jer ako je previše inicijativa i pitanja, ne može se stići još ako je uz to previše sjednica.

Malo samo da smanjimo taj tempo, da se ne pretjera, jer onda izvršna vlast neće moći sustići, a cilj nam je dakle, da izvršna vlast sustigne. Eto to sam htio samo da kažem. Hvala vam.

JOZO NIŠANDŽIĆ

Hvala. (MIRNES AJANOVIĆ – Replika.) Repliku ima gospodin Ajanović.

MIRNES AJANOVIĆ

Hvala gradonačelniče. Ja do sad nisam čuo neobičniju čestitku zahvale jednoj zakonodavnoj instituciji od strane predstavnika izvršne vlasti, kao ova sada koju smo čuli.

Čovjek moli da malo manje radimo. To ja ne znam postoji li u regiji? U Evropi?

Ne mislim negativno što je načelnik rekao, nego mi zaista pretjerujemo u radu, nenormalno radimo, da ljudima smo natovarili na leđa toliko obaveza da ljudi ne mogu stići.

Ali, pokazuje koliko je dobar rad ove zakonodavne institucije, pa možemo reći i izvršne vlasti koja uspijeva sa ovakvim teretom da uopšte egzistira.

Da nosi ovakav teret. I za mene je ovo sad, dok sam slušao, je bilo impresivno.

Zaista hvala na ovakvoj pohvali radu ovog Vijeća. Mi razumijemo da teret izvršna vlast nosi veliki teret. Ja se još jednom zahvaljujem evo i gradonačelniku koji je javno na press konferenciji, na zahtjev, evo stranaka parlamentarne većine, izrazio stav da će sa svoje strane dati i on dodatni maksimum, iako se zaista maksimalno radi i kad gledamo obavezu koja se mora realizovati i oni rade preko te realizacije koja je idealna, višestruko više, ali opet je izašao na press konferenciji i zajedno sa nama i rekao da će dati maksimalan doprinos da službe, pa i sam gradonačelnik radi više.

Iako ja ne mogu reći da je mali rad ako se vidim načelnika, odnosno gradonačelnika i ujutro i naveče i u šest i u sedam svjetlo gori, rade službe određene, saradnici, radi se.

Ovaj Grad radi i izvršna i zakonodavna vlast. Da ne bi bilo samo zabune, da neko ne misli da evo čak i veći broj sjednica Vijeća, ili veliki broj tačaka rezultira bilo kakvom naknadom dodatnom u odnosu na paušale koje imamo. Ni jednu jedinu marku ne dobijemo više.

Dakle, nebitno je li to bilo još deset sjednica Vijeća, ni jedna jedina marka se ne dobije više. Nebitno je li bilo realizovano 83 ili 622. Ni jedna jedina marka nema više.

To je samo naš dobrovoljan rad i način djelovanja da se zahvalimo građanima koji su glasali za nas. Dan a jedinstven način u ovoj Bosni i Hercegovini, gdje svi ostali manipulišu, ne rade, ne čitaju materijale, ne pripremaju se. Mi evo pokažemo konkretno kako može biti bolje u Bosni i Hercegovini i da ovaj primjer djelovanja ove zakonodavne institucije, uključujući izvršnu vlast, treba biti primjer djelovanja zakonodavne i izvršne vlasti na svim nivoima Bosne i Hercegovine.

JOZO NIŠANDŽIĆ

Hvala. (JASMINKA MIJATOVIĆ – Imam i ja repliku.) Replika. Izvolite gospođo Jasminka.

JASMINKA MIJATOVIĆ

Hvala gospodine predsjedavajući. Ja sam istakla da je ovo primjer dobre prakse, istina u Federaciji Bosne i Hercegovine, ali i u gradovima koji su čini mi se, bratimljeni sa Tuzlom.

Nisam inzistirala, obzirom da se ne shvati da su danas tenzije i pogrešno, ali imam primjer dobre prakse u Federaciji, neću reći, ne zna načelnik iz koje općine, odnosno iz koje je političke opcije, nije iz HDZ, ali primjer dobre prakse, vizije i misije objavljene program rada načelnika usvojen na 35. sjednici Općinskog vijeća održanoj 28. 12-tog. Program obuhvata sve ovo što je načelnik rekao.

Znači nešto što je program i rada Vijeća i nešto što načelnik ima svoju viziju i misiju, a što će biti realizirano u 2015-toj i iz tog razloga sam smatrala osnovanim da to pomenem, ali kažem, ne inzistiram, obzirom da nije u programu, možemo se dogovoriti ali je primjer itekako dobre prakse kako u Federaciji, tako i u okruženju. (JASMIN IMAMOVIĆ – Šapnite mi molim vas.)

JOZO NIŠANDŽIĆ

Hvala. Merima Softić.

MERIMA SOFTIĆ - vijećnik Socijaldemokratske partije

Dobar dan, pozdravljam vas sve. Evo kratko ću. Naime, volila bi samo da se u nacrtu vidi mogućnost da se ubaci informacija o radu i poslovanju Javne ustanove Dom za djecu bez roditeljskog staranja obzirom da znam da je Grad Tuzla, a u dosadašnjem evo slučaju, kao Opština Tuzla, općinske službe radili puno na saradnji sa ovom Javnom ustanovom na različitim projektima. Da su vrlo vjerovatno najveći, na žalost korisnici, evo djeca iz ovog našeg grada i da i mi vijećnici sami u određenim svojim inicijativama, do sad i vijećničkim pitanjima koje smo upućivali vezana je i za onaj nadvožnjak ili podvožnjak koji se tiče federalni cesta.

Nadam se evo, na neki način, da i mi možemo doprinijeti mnogo ako budemo raspravljali o samoj ovoj informaciji o radu znači ove Javne ustanove, evo rekla sam Dom za djecu bez roditeljskog staranja, naravno ako ste za.

I još jedna druga informacija je, do sada smo raspravljali o njoj, imali smo je jednom u programu rada, radi se o informaciji o radu o maloljetničkog Disciplinskog centra, čini mi se evo da je sad trenutno nismo vidjeli u programu rada, pa bi voljela da i ona bude sastavni dio ovog našeg programa koji ćemo raditi i realizovati slijedeće godine.

JOZO NIŠANDŽIĆ

Hvala. Nikola Slavuljica, vijećnik Socijaldemokratske partije.

NIKOLA SLAVULJICA - vijećnik Socijaldemokratske partije

Zahvaljujem predsjedavajući. Gospođo dopredsjedavajuća, uvažene kolegice i kolege, poštovani gosti, predstavnici sredstava javnog informisanja, o ovoj tački dnevnog reda ću nešto da kažem. Biću kratak, zato vas kratko i pozdravljam sve skupa.

Ono što bi želio da predložim u ovaj program rada, to je pod jedan, ili prije svega smatram, pošto je Tuzla postala Grad, i sve ovo, ili većina ovih programa koji su ovdje upravo su na tom pravcu i tom sadržaju, da bi Tuzla trebala u okviru Statuta ili sa jednom drugom odrednicom donijeti, kao Grad svoj protokol gradski.

Svaki veliki grad, pa i manji gradovi imaju protokole kojima se uređuju već, zna se šta konkretno od ponašanja gradskih nekih da ne kažem funkcionera i organizacija, pa do posjeta gostiju ili posebno obilježavanja nekih datuma značajnih iz istorije grada.

Na to me podstaklo i ranije sam o tome razmišljao, me je podstakao zadnji slučaj obilježavanja 2. oktobra na Spomen platou Slane banje tamo gdje je nastala mala pometnja oko

toga gdje treba, gdje ne treba polagati vijence i cvijeće. Da bi za 2. oktobar stali, da tako kažem, goli, bista druga Tita bez cvijeća i bez vijenaca, kao najvećeg antifašiste 2. svjetskog rata, a obilježavali smo 2. oktobar kao upravo Dan oslobođenja Tuzle u II svjetskom ratu.

I isto tako Spomen kosturnica, odnosno Spomenik partizanima nije na njega položeno cvijeće ili vijenac. Nekoliko, hajde ka kažem, nas antifašista, neću da kažem da nema ovde puno, i inače u gradu antifašista, da je bilo gore možda desetak nas da položimo to cvijeće. Sredstva informisanja o tome nisu bila obaviještena i nikoga nije bilo da to zabilježi.

U svakom slučaju to je samo jedan od primjera ili razloga da se mora urediti gradski protokol pogotovo sada kada je u pitanju grad i da se u njemu preciziraju sve oni događaji, radnje, vrijeme itd. u kome će se nešto odvijati, neko obilježavanje ili je riječ o žrtvama iz II svjetskog rata ili ovog rata i da se ti protokoli, kao dokumenat, da se dostave, prije svega sredstvima informisanja da i oni budu blagovremeno o svemu obaviješteni a i drugim nekim institucijama kako bi znali kada je riječ o nekim značajnim datumima kako se ponašati i šta obilježavati.

Eto to je prva stvar koju smatram da bi trebalo da se uradi u toku ove godine jer će se raditi još neki drugi dokumenti kada je riječ o Gradu Tuzli.

I slijedeće što bi htjeo da predložim, to je ima ovdje Oblast privrede i poduzetništva, pa između ostaloga ima i informacija o realiziranim projektima i poticaju turizma na području Tuzle.

To se očekuje od kantonalne Turističke zajednice informacija. Bili smo svjedoci, nadam se da neću biti strog i svi ste vi pročitali te informacije, u njihove zadnje dvije godine procijenili smo da ta informacija nije dobra, odnosno ne odražava u potpunosti podatke koji su vezani za turizam i aktivnosti Tuzle u toj oblasti, a u protekloj godini, tako da cijenim da Turistička zajednica nije sposobna i stručna da prati sve one potrebe grada Tuzle za turizmom i bilo bi potrebno, a imali smo već na raspravi i tu temu da se pokuša u narednoj godini raditi na otvaranju turističkog biroa grada Tuzle. Iako je to sada onemogućeno da pod navodnicima kažem, da je Turistička zajednica na jugu kantona, drži cijeli taj turizam, ali ne bi rekao da to najbolje radi.

I na kraju krajeva, za to je potrebna i ove godine, iako je kratko trajala ta turistička sezona kada je riječ ljeta, da su mnoge stvari i oko Panonike koje su trebali urediti, odnosno Turistička zajednica trebala urediti, nisu uređene.

Zbog toga predlažem dakle da i naravno predlažemo u toku ove godine, ako postoji mogućnost da otvorimo turistički biro grada Tuzle. Zahvaljujem.

JOZO NIŠANDŽIĆ

Edim Kadić, Bosanska stranka.

EDIM KADIĆ – vijećnik Bosanske stranke

Prvo da vas sve pozdravim. Da nam zaželim uspješan nastavak rada sjednice. Mislim da ako budemo radili kao po prvo tački da ćemo završiti do deset sati, ali zato i jesmo ovdje.

Ja ću vrlo kratko. Mi danas imamo na dnevnom redu informaciju o podrški Grada Tuzle amaterskom i profesionalnom sportu. Ja predlažem da ovu informaciju iduće godine obrađujemo najkasnije do juna mjeseca iz razloga što je evo već kasno.

Znači, sezone se završavaju polovinom juna u većini sportskih klubova, pogoto onih koje mi pomažemo i mi tad treba da imamo informaciju gdje tražimo od klubova koji su na budžetu Općine, odnosno ne na budžetu, koje Grad Tuzla pomaže, da dođu predsjednici klubova, da nam kažu kako je završena sezona, šta predviđaju u narednoj sezoni, da mi u zavisnosti od toga možemo da zauzmemo svoj stav i da smo informisani.

Takođe da uzmemo učešće da pomognemo našim klubovima. Mi smo zaista u prethodne dvije godine pomogli mnogo našim klubovima i u fudbalu i u košarci i u rukometu, međutim, svjedoci smo, ja ću govoriti kada bude ova informacija više o Slobodi, mislim da je krajnje vrijeme da se uključimo i da pomognemo da se ne desi ne daj bože da Sloboda bude u Drugoj lizi jer imamo najave da će ove godine četiri kluba najmanje otići u Prvu ligu Federacije, što Grad Tuzla ne bi smio nikako dozvoliti.

Prema tome, ja smatram da mi treba da smo informisani kad nekome damo 30, 300.000 u Budžetu, kakvo je stanje u klubu, šta se predviđa da mi možemo u skladu s tim i da djelujemo. Hvala lijepo.

JOZO NIŠANDŽIĆ

Hvala. Gospođica Dajana Bakić, Socijaldemokratska partija izvolite.

DAJANA BAKIĆ - vijećnik Socijaldemokratske partije

Hvala. Poštovani predsjedavajući, zamjenice predsjedavajućeg, poštovana sekretarko, vijećnice i vijećnici predstavnice i predstavnici izvršne vlasti, medija i gosti, sve vas srdačno pozdravljam s obzirom da se prvi put javljam.

Iskreno se nadam da ćemo u nastavku sjednice biti produktivni, kao što smo bili do sada, jer je bilo potrebe da se raspravlja o materijalu koji je bio pred nama.

Kada je u pitanju PROGRAM RADA GRADSKOG VIJEĆA TUZLA ZA 2015. GODINU ja predlažem da se u program rada uvrsti informacija o dobrovoljnom darivanju krvi, koju će nam pripremiti Zavod za transfuziologiju UKC-a Tuzla.

Ne samo što Opština, kao institucija i naše mjesne zajednice učestvuju u ovim aktivnostima, nego zato što mi svojim raspravama u tom materijalu možemo (NADA MLADINA – Gradu, ne opštini.) Grad pardon, rasprava o tom materijalu možemo aktuelizirati dakle ove humane aktivnosti koje su izuzetno potrebne, jer znamo je li da zalihe krvi na UKC-u nisu dovoljne. Toliko.

JOZO NIŠANDŽIĆ

Hvala. Nemam više prijavljenih. Izvolite.

NIKOLA SLAVULJICA

Zahvaljujem se predsjedavajući, izvinjavam vama. U pravu je neko što kaže nešto je zaboravio.

Zaboravio sam da kažem još ovo, da u protokolu koji će nadam se napraviti će se, da treba da bude sastavni dio, ili bolje rečeno, regulisano da se uvede i knjiga utisaka.

Tuzlu je do sada posjetilo ko zna koliko stranih delegacija, državnika, predstavnika međunarodnih organizacija i sigurno kao grad će posjećivati će i dalje, bilo bi vrlo značajno da ta knjiga utisaka postoji, jer to ne samo da je istorijski dokumenat budućim nekim generacijama, nego i knjiga utisaka je znak jedne vrste uređenosti same administracije i to će svi strani predstavnici koji budu dolazili, rado se mogu upisati u tu knjigu utisaka. Zahvaljujem.

JOZO NIŠANDŽIĆ

Hvala. Zaključujem raspravu. Idemo prvo na izjašnjavanje prijedlog nacrtu. Samo da vidimo koliko nas ima. Ima dovoljno.

Idemo znači na usvajanje NACRTA PROGRAMA RADA GRADSKOG VIJEĆA TUZLA ZA 2015. GODINU. Ko je za, molim da digne ruku? (19) Ima li neko protiv? (Nema.) Uzdržan? (Nema.)

Konstatujem da je NACRT PROGRAMA RADA GRADSKOG VIJEĆA TUZLA ZA 2015. GODINU usvojen 19 vijećnika je glasalo za, nema niko protiv, nema suzdržan.

Predlažem da sekretar Vijeća nam pročita prijedlog zaključaka molim vas.

MEDIHA NUHBEGOVIĆ – sekretar Gradskog vijeća Tuzla

Ako mi predsjedavajući dopusti, prije nego što pročitam prijedlog zaključaka, treba da dam jednu informaciju vijećnicima.

Znači kada je u pitanju analiza realizacije zaključaka ovog Općinskog vijeća nije istinita informacija da to trebalo uvrstiti jer to nije urađeno. Naime, na inicijativu, čini mi se, gospodina Ajanovića Stručna služba Vijeća je uradila jednu analizu zaključaka za cjelokupan mandatni period Općinskog vijeća Tuzla. Mi smo sad Gradsko vijeće. To je neki kilu materijala, pa bi ja zamolila predsjednike klubova da s tim materijalom, da se ne izlažemo troškovima, upoznaju vijećnike. Eto toliko.

Dalje, predlažemo slijedeće zaključke:

1. Nacrt Programa rada Gradskog vijeća Grada Tuzla za 2015. godinu upućuje se na javnu raspravu, koja će trajati 30 dana.

2. Za provođenje javne rasprave, zadužuju se Stručna služba Vijeća i Komisija za statutarna pitanja i propise.

3. Kolegij Gradskog vijeća Grada Tuzla će analizirati, razmotriti primjedbe i sugestije na nacrt Programa rada Gradskog vijeća Grada Tuzla za 2015-tu godinu, koje su iznesene na ovoj trećoj redovnoj sjednici Gradskog vijeća Tuzla i iste predstavljaju sastavni dio javne rasprave. Stručna služba Vijeća će kao osnovu za izradu prijedloga Programa rada Gradskog vijeća Grada Tuzle za 2015. godinu uzeti izvod iz stenograma sa ove sjednice, između ostalog.

4. Traži se od obrađivača materijala da blagovremeno informiše Gradsko vijeće Grada Tuzle o razlozima eventualnog kašnjenja izrade materijala, tokom naredne godine.

JOZO NIŠANDŽIĆ

Evo čuli ste prijedlog zaključaka, ko je za to da prihvatimo? (EDIM KADIĆ – Da ne bi bilo nesporazuma informaciju za 2014-tu, do 2015. da ubacimo.) Evo ubacit će se. (19) Ima li neko protiv? (Nema.) Uzdržan? (Nema.)

Konstatujem jednoglasno da smo prihvaćeni prijedlog zaključaka 19 vijećnika je glasalo za, nema niko protiv, nema suzdržan te smo usvojili slijedeće zaključke:

1. Nacrt Programa rada Gradskog vijeća Grada Tuzla za 2015. godinu upućuje se na javnu raspravu, koja će trajati 30 dana.

2. Za provođenje javne rasprave, zadužuju se Stručna služba Vijeća i Komisija za statutarna pitanja i propise.

3. Kolegij Gradskog vijeća Grada Tuzla će analizirati, razmotriti primjedbe i sugestije na nacrt Programa rada Gradskog vijeća Grada Tuzla za 2015-tu godinu, koje su iznesene na sjednici trećoj redovnoj sjednici Gradskog vijeća i iste predstavljaju sastavni dio javne rasprave. Stručna služba Vijeća će kao osnovu za izradu prijedloga Programa rada Gradskog vijeća Grada Tuzle za 2015. godinu uzeti izvod iz stenograma sa ove treće redovne sjednice.

4. Traži se od obrađivača materijala da blagovremene informiše Gradsko vijeće Grada Tuzle o razlozima eventualnog kašnjenja izrade materijala.

Ja predlažem pauzu od pola sata. Jeste li za to? (Pauza.)

Idemo dalje. Treća je tačka tek na devnom redu.

Prelazimo na treću tačku dnevnog reda:

ODLUKA O IZGRADNJI POSLOVNE ZONE „KREKA-SJEVER“ U TUZLI

Predlagač je Gradonačelnik Grada Tuzla. Obradivač je savjetnik Gradonačelnika Bahto Mekić i Služba za razvoj, poduzetništvo i društvene djelatnosti.

Materijal razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo, Komisija za komunalna pitanja i pitanja mjesnih zajednica i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem ili čitanjem izvještaja komisija?

Ako nema, otvaram raspravu klubova molim vas. Evo gospodin Alić Mensur. Pa je li ima potrebe? Ja pitam molim vas. Ima. Pa recite jače brate. Gospodine Bahto izvolte. Samo recite jače. Ja pitam ima li? Izvolte Bahto.

BAHTO MEKIĆ - savjetnik Gradonačelnika za razvoj, ekonomsko-finansijska pitanja

Hvala predsjedavajući. Sve vas srdačno pozdravljam. Pošto ste u materijalu dobili odluku i obrazloženje koje je na nekih sedam stranica napisano, mislim da u tom obrazloženju imate detaljno opisano o čemu se radi. Ja ću ovom prilikom ukazati na neke najbitnije stvari vezano za ovaj projekat.

Naime da bi donijeli ovu odluku na Gradskom vijeću mi smo trebali da uradimo neke prethodne pripremne radove i aktivnosti, tako da mi na ovom projektu radimo od početka ove godine i do danas smo uradili sledeće poslove i aktivnosti.

Odabrali smo lokaciju od sedam lokacija koje su bile na raspolaganju za Poslovnu zonu Kreka-sjever jer smatramo da je to najatraktivnija lokacija i htjeli bi odmah sa samom lokacijom da privučemo domaće i strane investitore.

Zatim na Kolegiju Općinskog načelnika usvojena je prva faza koncepta izradnje i uređenja Poslovne zone Kreka-sjever. Usaglašen i potpisan Ugovor o saradnji na razvoju poduzetništva Grada Tuzla sa Gold projektom kojeg realizuje agencije USAID SAD i SIDA Švedska. Na Gradskom vijeću usvojena je Odluka o donošenju i provođenju Regulacionog plana Poslovna zona Kreka-sjever u Tuzli sa Idejnim projektom. Tokom septembra mjeseca sačinili smo i predali aplikaciju sa pratećom dokumentacijom za dobijanje grant sredstava od USAID-a, a na osnovu uspostavljanje grant linije USAID-a pod nazivom „Government to government“ to je „Država prema državi“ u iznosu od 700.000KM.

Ova aplikacija je usvojena od predstavnika USAID-a u Sarajevu i poslata je u Washington na obradu i mi očekujemo svaki dan da dobijemo informaciju. Očekujemo pozitivnu informaciju. Da li će to biti 700.000 ili manje to ćemo viditi. Mi smo tražili 700.000.

Urađena je Studij izvodljivosti od strane Ekonomskog instituta Sarajevo u saradnji sa predstavnicima Grada Tuzle. Tokom septembra izvršena je revizija i ispravka Studija po zaključcima usvojenih od strane Revizione komisije i usaglašavanje sa projektantima. Formiran je Koordinacioni tim od strane Gradonačelnika za realizaciju projekta Poslovne zone Kreka-sjever.

Kad smo sve ove prethodne poslove završili onda smo mogli da predložimo Gradskom vijeću na usvajanje ove odluke.

Takođe da kažem da aktivnosti na ovom projektu ne prestaju. Non-stop se radi na tome. Trenutno se radi na izradi glavnog projekta Poslovne zone Kreka-sjever, tako da planiramo da i ostala dokumentacija bude pripremljena zajedno sa glavnim projektom u prvom kvartalu 2015. godine kako bi dobili građevinsku dozvolu za ovaj projekat.

Nosilac investicije kao što ste vidjeli iz odluke je Grad Tuzla. Za aktivnosti, koordinacije, planiranje, vođenje i realizaciju kompletnog projekta zadužuje se Koordinacioni tim, a za administrativno-tehničku realizaciju projekta izgradnje Poslovne zone Kreka-sjever u Tuzli zadužuje se Služba za razvoj i poduzetništvo zajedno sa ostalim resornim službama.

Osnovni razlog za donošenje ovakve odluke, odnosno za ulazak u izgradnju ovog projekta je privlačenje domaćih i stranih investitora, kreiranje novih radnih mjesta i zapošljavanje nezaposlenih. Znači smanjenje broja nezaposlenih.

Na ovom lokalitetu veličine 14 hektara zemljišta, planirano je 29 pojedinačnih parcela za građenje prosječne površine 3.800 metara kvadratnih, s tim što smo se dogovorili da to podijelimo u dvije faze, I i II fazu, iz dva razloga.

Prvi razlog jeste što svo zemljište nije gradsko zemljište, a u I fazi kako smo planirali to je nekih sedam i po hektara zemljišta, to je 85% gradsko zemljište, tako da idemo u tu I fazu, a drugi je razlog što nema dovoljno sredstava da bi se išlo u kompletan projekat jer kao što ste vidjeli iz ove odluke, I faza će koštati nekih cirka 2.100.000 konvertibilnih maraka.

Ključne vrijednosti ove lokacije jeste da se lokacija nalazi u urbanoj zoni, da je ta lokacija praktično nastavak na industrijske velike komplekse kao što je Termoelektrana, GSP, zatim Poslovna zona Šićki Brod i komunikacija za Brčko, Zvornik, Doboj i tako dalje i blizina Aerodroma Dubrave.

Mi smatramo da ova loakcija biće jedna od ključnih razloga za privlačenje domaćih i stranih investitora.

Samo da kažem da je ovo kontinuitet Grada Tuzle i ovog Gradskog vijeća u kreiranju poduzetništva. Pored Poslovne zone Šićki Brod gdje je stacioniran veliki broj velikih preduzeća kao što su: Bingo, Konzum, Violeta, Riva, Deling, Carinski terminali i tako dalje, RPC Lipnica

koja radi već deset godina, trenutno u njoj radi 25 preduzeća, BIT centar koji radi nekih sedam, osam godina, u njemu trenutno radi 20 privrednih subjekata i 3.000 mladih osoba je educirano da samostalno mogu realizovati svoje poslove i projekte.

Što se tiče tehničke strukture ulaganja samo da napomenem da najviše će se uložiti u saobraćajnice, preko milion maraka, zatim elektroinstalacije preko 400.000 maraka i tako dalje. Kao što ste vidjeli u odluci to je ukupno 2.111.000 maraka zaokruženo ugovorom.

Izvori finansiranja su tri izvora finansiranja. Znači iz Budžeta Grada 1.011.000 maraka, tako da smo u Nacrtu budžeta za 2015. godinu planirano 500.000 maraka a 2016. godine planirano 500.000 maraka, znači realizacija ovog projekta bi se produžila i na 2016. godinu.

Od međunarodnih donatoriskih sredstava prije svega od USAID-a mi očekujemo 700.000 maraka i od viših nivoa vlasti znači ministarstava zaduženih za poduzetništvo Kantona i Federacije 400.000 maraka, s tim što za ovih 400.000 maraka možemo aplicirati tek kad se formira vlast na federalnom nivou i kod Kantona i kada se usvoje ti budžeti pa ćemo onda ići kod tih ministara da se dogovorimo oko aplikacija za ta sredstva.

Moram da ovdje kažem što je vrlo bitno ovdje za Gradsko vijeće, da ovaj projekat ima svojih slabosti a osnovna slabost jeste u konstrukciji finansiranja.

Postoji mogućnost, moramo tu biti otvoreni, da recimo mi ne dobijemo ovih 700.000 od USAID-a, ali mi ćemo također aplicirati na druge izvore domaćih i međunarodne da bi obezbijedili ta sredstva, kao i ova sredstva od viših nivoa vlasti.

To je onaj najcrnji scenarij, ne vjerujem da će tako ići. Nadam se da će i drugi prepoznati prednosti ovog projekta i da će učestvovati u sufinansiranju jer su u usmenim razgovorima to i sami rekli.

Bez obzira na sve to, mi smo opredjeljena da se ovaj projekat realizuje pa i pod cijenu da sami moramo sve to finansirati Projekat jer smatramo da je ovo projekat koji je neophodan ovom gradu, da je projekat koji omogućava novo zapošljavanje, a naša nezaposlenost ne samo grada Tuzle nego i u Federaciji Bosni i Hercegovini je najveći proble. Ja bih reko problem svih problema.

Kada je u pitanju ova I faza, to smo i strancima u razgovorima objasnili, ne ulaže Grad Tuzla miliona maraka za ovu I fazu nego ulaže jedan resurs zemljište, koje se procjenjuje na nekih šest, sedam miliona maraka.

Znači značajna su ulaganja i odricanja Grada Tuzla da bi se otvorila radna mjesta i kreirala radna mjesta i to su prije svega ovi predstavnici USAID-a to podržali i prihvatili našu argumentaciju, s tim hoću da kažem i zbog medija da Gradu Tuzli nije u interesu 6.000.000, iako bi bila ona više nego dobrodošla, nego je u intersu da se kreiraju nova radna mjesta, da se stvore nova radna mejsta, da se vrši novo zapošljavanje. To je i cilj i Grada Tuzle i ovog Gradskog vijeća i svih nas koji ćemo raditi na ovom projektu.

Ono što je vrlo bitno jeste da kažem, da u narednom periodu mi ćemo za raspodjelu ovih lokacija, način raspodjele, uslovi korištenja i tako dalje, koristiti jedan sasvim novi model koji je u Zapadu sada uveliko u upotrebi. Znači nećemo prodavati građevinsko zemljište nego ćemo iznajmljivati to građevinsko zemljište na 25, ili 40, ili 50 godina kako se u ovom pravilniku dogovorimo, koji će također biti ovdje usvojen kad se pripremi na Gradskom vijeću.

Time hoćemo da pomognemo investitorima da ne mora on odmah ulagati recimo u zemljište 200, 300.000 maraka, nego da ta sredstva uloži u građevinski objekat i nabavku mašina da bi se moglo odmah krenuti sa radom a taj nekakav najam koji bi trebo biti po vrlo, vrlo

povoljnijim uslovima taj investitor će plaćati u mjesečnim nekakvim ratama polugodišnjim, godišnjim kako se ugovorom i dogovorimo.

Normalno ovo će se sve raditi transparentno po pravilima i odlukama koje će donijeti ovo Gradsko vijeće i biće tu osnovni uslov da dođu poduzetnici, investitori koji će otvarati radna mjesta i takođe da kažem da radna mjesta, odnosno pogoni u ovoj industrijskoj zoni, Poslovnoj zoni biće prevashodno za proizvodnju i proizvodne usluge.

Ne želimo da se tu grade kojekakva skladišta gdje će se zauzeti 5, 6.000 kvadratnih metara prostora i zaposliti jedan ili dva čovjeka, nego želimo da se upravo razvijaju nove grane industrije koje će zaposliti što više ljudi.

Na kraju da kažem da je plan da se završi ovaj projekat 12 do 15 mjeseci, što će uvoliko ovisiti i od konstrukcije zatvaranja finansija. Ukoliko bi se desilo da izostanu ovi izvori finansiranja koje smo planirali od strane donatora i naših viših nivoa vlasti zasigurno to bi uticalo i na produženje ovog roka.

Velike su prednosti ovog projekta. Mi smo Studijom izvodljivosti dokazali u svakom pogledu prednosti ovog projekta. Ja vas ne bi puno oko toga zamario. Samo da kažem da se u I fazi planira 600 novih radnika, u II 800 novih radnika ili 1.400 radnika. Ako računamo da je prosječna porodica broji četiri člana, to bi znači bilo zbrinuto 2.400 građana Grada Tuzle.

Takođe očekujemo i značajna investiciona sredstva preko 30.000.000 maraka znači za ulaganja i izgradnju ovih objekata, a što se tiče finansijske dobiti to su višestruka evo kažem višestruka korist, počev od prihoda od poreza i doprinosa na oko 10.000.000 godišnje.

Pomenuo sam investiciona sredstva koja će biti preko 30.000.000 gdje će se uposliti građevinska i ostala operativa Grada Tuzle i okolnih mjesta.

Zatim doprinos BDP će biti jako veliki na neki skoro 2% u odnosu na ostvarenje u 2013. godini.

Eto toliko u kratkim crtama. Pošto smo dosta na ovome radili a izgubili smo i dosta vremena a imate materijale, mislim da bi bolje bilo ako ima nekih pitanja pa da odgorim na ta pitanja.

JOZO NIŠANDŽIĆ

Hvala. Ispred Kluba prvi se javio gospodin Alić Mensur, Tuzlanska alternativa. Izvolte gospodine Aliću.

MENSUR ALIĆ

Hvala. Evo uglavnom ono sve što bih ja rekao Bahto je iznio sve, tako da ostaje mi malo za diskusiju. Ali možda bi samo bilo dobro da ovakve materijale da, ovo jeste bilo prijedlog načelnika da, Gradonačelnika da uđe u ovaj dnevni red, ali da dođe bar prije par dana kod vijećnika da bi mogli, oni su tek ja mislim danas ovo dobili u materijalu, da bi mogli dobro razraditi, to pročitati, da se pripreme za diskusije, jer kratak je rok kad dobijete ujutro pola deset a imate već tačku u dnevnom redu koja je uvrštena danas.

Ali to nije smetnja onome što radimo dobro. Ja ovdje samo želim da predložim par zaključaka na ovu odluku. Naravno da odluka će biti podržana sigurno i bilo bi dobro da ima još

pitanja, onima kojima nije mnogo štošta jasno u ovoj odluci jasno da postavljaju pitanja da do kraja to dovedemo kvalitetno diskusiju oko ove odluke.

Ja sam na Komisiji dugo obrazložio članovima Komisije i mislim da oni članovi koji su u Komisiji za poduzetništvo su prenijeli u svoje klubova o čemu i kako smo, na koji način smo raspravljali o ovoj odluci.

Pod broj jedan, želim da predložim zaključak a on glasi, da bez obzira da li dobili sredstva od UNDP-a ili od drugih nivoa vlasti, da mi ne smijemo stati sa ovom realizacijom, da moramo krenuti sa izgradnjom čim bude projekat bio gotov a on će biti negdje krajem trećeg mjeseca, da se krene u izgradnju kolko god ima sredstava ovo što je planirano u Nacrtu budžeta a nadam se da će biti usvojeno, da krenemo sa dijelom tih sredstava da vidimo, da se vidi da se to radi, da damo i građanima nekakvu dobru poruku da smo krenuli u jedan dobar projekat kad je u pitanju Grad Tuzla.

Znači bez obzira da li ćemo dobiti sredstva ili ne od drugih da i naravno ako bude rebalans budžeta u 2015. godini da možemo i dio sredstava još izdvojiti kako bi što više uradili u narednoj godini jer otprilike ovo bi trebali da završimo negdje za godinu dana.

Drugi moj predlog bi također bio, ja sam razgovarao sa pomoćnikom Načelnika za poduzetništvo sa Vedranom i dogovorili smo otprilike i on je na tome već radi na tome, ali evo da to bude jedan i zaključak, da se otvori kancelarija jedna u Službi za poduzetništvo gdje će samo biti primani tamo privrednici koji dolaze, koji imaju problema i naravno koji će biti zainteresovani za ove lokacije da na jednom mjestu dobiju sve informacije, kad dođe da se javi na portirnicu dole da ga uputi portir gdje on tačno ide u koju kancelariju a tamo da se odrede stručni ljudi koji će baratati stručno sa ovom problematikom.

Znači da jedan od tih zaključaka da bude. Ja sam to govorio da to bude kancelarija posebna ali evo ona može biti u sastavu Službe za poduzetništvo.

Drugi zaključak bi takođe predložio odmah. Da ono što sam ja i govorio i imamo, imamo zaključke Komisije za poduzetništvo, da u roku kojeg smo postavili i dali i Vijeće ovo usvojilo to je da se izvrši inventura, da se izvrši inventura šta to Grad Tuzla ima. Šta ima i šta je to vlasništvo Grada Tuzle. Od zemljišta, građevina, puteva, svega, da na jednom mjestu imamo jednu inventuru šta to imamo.

Da nam se ne desi da ulazimo u projekat Poslovne zone a da ne znamo čije je zemljište. Da nije opštinsko, nije ni zadružno, da li pripada restituciji ili ne pripada restituciji, čije je i kako, ali da to imamo tačno na papiru.

I moj jeste prijedlog zaključka u ovome baš na ovome tragu da mi krenememo već u realizaciju, da krenemo polako pripremati odluku za drugu poslovnu zonu.

Mi smo ovo već skoro privodi se kraju projekat će biti, evo radi se projekat, radi se sve, biće završeno to u trećem mjesecu, zašto bi sad čekali dalje kad možemo odmah tražiti drugu poslovnu zonu koju možemo započeti sa predlogom regulacionog plana. Nacrta, pa ostalo dalje, sve ono što smo radili u ovome, sad imamo urnek kako smo to radili. I ne treba sad izmišljati ništa. Ovo urnek kako smo ovo dosad radili treba nastaviti sad dalje sa primjenom na sledeće poslovne zone.

Da ne stanemo sad na ovome i zakopamo se godinu dana i ništa dalje. Nama nije interes da otvorimo novih 600, ili 800, ili 1.200 radnih mjesta, naš interes treba da bude u narednih šest, sedam godina bar 5.000 uposlenih radnika novih na području grada Tuzle.

I da to bude zaključak a ima, imaju tačno prijedlozi gdje su koje lokacije određene, već koje su potencionalne lokacije, ali da dobijemo informaciju je li to zemljište gradsko ili nije gradsko i kome pripada. I da krenemo sa tom realizacijom.

I naravno još jedan zaključak koji trebamo samo ponoviti, obnovit ga, a imamo ga već donesenog, to je inicijativa prema Federalnom parlamentu o izmjeni građevinskog, o izmjeni Zakona o građevinskom zemljištu. U stvari dopuna, ili dopuna Zakona o stvarnim pravima koji je skoro izašao.

Tamo, to je najlakše bi bilo uraditi jer kad smo bili sjedili kod premijera, on je tad nama rekao da je najlakše uraditi izvršiti dopunu ovog postojećeg Zakona koji je donešen, da se samo stavi, ima tamo odluke kome se zemljište može dati, na koji način i kako, da samo stavi i poslovne zone. Ništa više ne treba uraditi. To je kraj priče. Zakon na Parlament i Dom naroda i evo ga usvojen, ali ako bude volje onih ljudi i ako prepoznaju ovo što mi radimo, ako prepoznaju da je to dobro naravno da će i krenuti ka tom Zakonu da izvrše izmjene i dopune tog Zakona.

I ono što sam još želio reći ali evo to je Bahto dosta oko toga govorio. Ovdje je u pitanju je nešto što ja kažem uvijek treba dati nadu građanima samo nadu nekakvu da mi krećemo sa nule. Nadu kad date ljudima onda će prepoznat da ovo Gradsko vijeće radi u interesu svih građana, a naravno u interesu što je najvažniji ključni problem u ovoj državi jeste ekonomija i zapošljavanje.

Evo ja ću vam dati samo jedan primjer u kakvoj se situaciji nalazimo a to sam govorio prije par godina da ćemo doći u ovu situaciju, da je raspisom konkursa za osamdeset i nešto da se u Rudnik Kreka prima da je se prijavilo 2.100 kandidata.

To govori dovoljno u kakvom se stanju nalazimo i zato trebamo ozbiljno pristupiti ovim projektima kako bi koliko toliko mi iako ono uvijek kažu nismo nadležni ali jesmo evo nadležni i pokazali smo da možemo biti nenadležni nego da želimo da pomognemo da iznađemo kako i na koji način što bolje ekonomski razvijat Grad Tuzlu. Zahvaljujem.

JOZO NIŠANDŽIĆ

Hvala. Mirnes Ajanović, Bosanska stranka. Izvolte. Nek se pripremi Elvir Mahmuzić.

MIRNES AJANOVIĆ

Evo konkretno demantujemo priče da se mi ne bavimo bitnim stvarima a da ona prva tačka, odnosno sad ona peta, ona sa pesnicom, kad se stisne jače je, tad boli malo više, da je kao eto bila nebitna. Bitna je i jedan i druga. Ali konkretan demant. Tuzla, Grad Tuzla, Gradsko vijeće ide dalje.

Evo i Mensur Alić sam kaže čak relativno brzo je izvršna vlast po našem zahtjevu da radi što može i što je moguće brže ovaj projekat i da sve ovo što smo zahtjevali bude već u fazi realizacije i okončanja.

Evo doveli su nas u situaciju da praktično pred Vijeće dobijamo ovakvu vrstu materijala. To je za svaku pohvalu. Dakle bez obzira na terete, obaveze one koje mi namećemo evo ovaj dio izvršne vlasti uspijeva i u ovakvom segmentu da ide naprijed. To je dobro i pozdravljam u ime Kluba još jednom.

Problem je sad u ovim propisima. Kako bi mogli prevazići problem koji je istaknut sredstava. Ne može opština, odnosno Grad sama obezbijediti ova sredstva. Možda i mognemo ali upitnost toga onemogućava nas da djelujemo ka otvaranju drugih poslovnih zona.

Pošto zakonski ne možemo ući u nešto što se zove udruživanje sredstava kao što je to recimo gradnja objekata poslovno-stambenih, gdje vi imate priliku da sa građevinskim firmama uđete u dobijanje jeftinijeg prostora, poslovnog ili stambenog, udruživanjem sredstava prije izgradnje objekta, to nam se ne dozvoljava, da pokušamo bar nešto drugo da uradimo.

Hajde da ovo sad što imamo izvučemo iz ovog najvažnije informacije. Ono što je najbitnije, što treba neko da zna jednostavnim kratkim uvidom u nekakvu vrstu prospekta. Da izvijestimo ne ovako samo s Vijeća pa to izgubi se u masi ostalih tačaka ili informacija sredstvu informisanja da se raspravljalo i o tome, to većina privrednika ili oni koji bi možda potencijalni bili zainteresovani za ovo možda i ne čuju. Ne vide.

Da idemo do svakog od njih, imamo evo ako treba i BIT centar mogu se i oni uključiti, internetom, to je jeftino nema ni papira, nema ničega, da sve firme koje bi mogle biti potencijalni ulagači ili korisnici ovih poslovnih zona izvijestimo u kojoj smo fazi.

Da od njih praktično prezentacijom onog što smo uradili dobijemo jednu vrstu subvencioniranja, kojeg ćemo mi kroz eventualno izmjenu Zakona ili kroz druge forme koje su zakonom dozvoljene prilikom realizacije konačnog projekta i tog njihovog dakle angažmana u okviru tih poslovnih zona ispoštovati.

Jer ništa nismo uradili ako stanemo ako ne bude novca. Da pokušamo kroz taj dio saradnje, recimo dajte evo naumpadne mi prva najjača naša trgovinska firma pa sad i proizvodna Bingo, dajte direktoru Binga da sve svoje privrednike, saradnike sa svima kojima učestvuje u poslovnom aranžmanu dostavi tu jednu vrstu prospekta.

Da i njega dodatno zamolimo kad dođe od njega nekome ako on shvati da je to recimo dobro ili neka bilo koja druga firma. Samo sam jednu naveo. Njegovo povjerenje u realizaciju tog projekta će dati povjerenje i njegovog drugog poslovnog saradnika da će od toga zaista biti nešto.

Da pokušamo, ovo je prijedlog zaključka, da pokušamo kroz taj vid djelovanja sada unaprijed obezbijediti dovoljno sredstava, pa čak i za realizaciju ove druge poslovne zone koju planiramo kad uspijemo ovu privesti kraju.

Ja sam siguran da će veći broj ljudi biti zainteresovan za ulaganje ako taj projekat sagleda na način da ga vidi. Ne kroz 20, 50 stranica, nego kroz jednu, dvije tri stranice šta smo uradili, šta to znači, na kakav način će otprilike to moći uraditi, kakve su pretpostavke a kako možemo još poboljšati i kakvo je sad trenutno stanje.

Nećemo nikoga varat. Reć mu tu smo u ovim okolnostima, biće na raspolaganje, sa svoje strane će Grad uraditi sve, ali ne možemo dok ne dobijemo još dodatnu podršku. Ne želimo da rizikujemo da nećemo moći.

Možda dobijemo sredstava zainteresovanih privrednika. Recimo evo Menprom bi sigurno na jedan ovakav poziv bilo koga odgovorio pozitivno i u većini takvih situacija jeste odgovarao i tako sigurno postoji više firmi koje nisu samo patriote, nego su zainteresovane za širenje svog poslovanja, načina djelovanja, angažmana poslovnog, pa i sa ostalim privrednicima jer oni sami znaju čim postoji više konzumenata, zaposlenih ljudi odmah je svima bolje. I tom Bingu i Menpromu i svima ostalima da te svoje proizvode distribuiraju i prodaju, ili usluge zavisi kako ko i čime se ko bavi. Ali mi moramo to uraditi.

Ovo što se sad događa na Vijeću sad će gledati jedan mali dio građana, otkud ko zna u Visokom, Bihaću ili slično da se u Tuzli otvaraju ovakve poslovne zone. Ne prati. Mi smo dužni doći do njih.

Hajmo sad onim najjednostavnijim besplatnim načinom. Nema ni markice. Ne treba ništa. Internet, napravimo prospekt i pošaljimo. Zadužimo par ljudi u Stručnoj službi, evo BIT centru nek budu korisni kroz ovaj način, pošto svakako se bave tom informatikom, nek svim privrednicima u Bosni i Hercegovini dostave.

A onda, što da ne, prevedimo to na par jezika. Obavezno Turski, Engleski, Njemački, pokrивamo i Austriju govorno područje, Švajcarske. (EDIM KADIĆ – Kineski. Kineski.) Pa i Kineski. Naravno. Dobro kaže Edim Kadić.

Zašto to ne prevest svakako se to sad. (NADA MLADINA – I na Arapski.) I na Arapski. Tačno. Nada dobro daje prijedlog. Na sve one koje bi mogli dakle privući kroz to. Jer imamo ljudi koji kada vide tu ozbiljnost uložiti će.

Drugo. Evo ne mora niko ni marku dat, ali ćemo mi naš projekat prezentirati svima. Pa će neko možda ne dati nijednu marku ali biti u pripravnosti i čekati kada bude taj projekat gotov reći e odo ja sad uložiti i reći vidiš uspjeli su, napravili su.

Već u startu sad zainteresovat ćemo privredne subjekte, privrednike, pa i neke koji nisu privrednici. Evo u Lukavcu koliko ima hiljada ljudi koji rade u angažmanu u Avganistanu ili gdje već. Imaju novaca. Hoće praktično da taj svoj novac koji su tamo na vrlo težak način zaradili. Jednom sam dobio dopis od jednog, evo kaže upravo sad smo ležimo pod napadom granata. Nije to ni jednostavno.

Ali kada dođu oni razmišljaju kako da taj novac ulože da kasnije mogu sebi obezbijediti sigurnu budućnost da opet ne moraju ići u takve zone koje su ratne zone. I njima što ne bi na aerodromu postojao jedan prospekt kad dođu oni svi, izvolte, da možete uzeti prospekt poslovnih zona da možete ulagati.

Ulažite u svoju budućnost ulaganjem u poslovne zone Tuzle, koja je ozbiljan grad, koja pokazuje za razliku od drugih koji samo sjede, čekaju, ne rade ništa, evo uradila je te ogromne korake ka obezbjeđenju ogromnog broja ili većeg broja radnih mjesta.

Nećemo sad govoriti, ne volim govoriti o brojevima, zbog toga što je ispalo sad u kampanji malo od strane građana prihvaćeno kad se pominju brojke vrlo negativno.

Evo mi imamo priliku da obezbijedimo određen broj zaposlenja građana, ne samo Tuzle, nego i ostalih koji mogu doći u situaciju da mogu biti zaposleni. Dakle onaj iz Lukavca kad ulazi u svoju privrednu zonu napravi poslovnu zonu u Tuzli može, niko mu ne može osporiti, zaposli ljude iz Lukavca.

Bitno je da se počne zapošljavati, da radimo, da se pune budžeti, da penzioni budžet se puni i da država krene ekonomski na način da se pokaže da može biti drugačije, da tu bude input ostalim da rade.

Evo dajte ovo kao obavezan zaključak i dobijemo informaciju do sledećeg Vijeća šta se uradilo po tom pitanju. Ima li kakav odgovor od tih privrednika. Da to pratimo kao analizu realizacije ove vrste zaključka, koja može rezultirati i novčanim sredstvima potrebnim za, ne samo ovaj projekat nego i drugi projekat poslovnih zona, a i samim time da će svi ti ljudi biti adekvatno upoznati da vrlo brzo, za otprilike najkasnije godinu dana, u Tuzli će postojati brojni objekti koji će biti na raspolaganju, odnosno priprema za brojne objekte, u potpunosti dakle završene infrastrukture, da mogu krenuti sa realizacijom utroška svojih novaca na najbolji mogući način da budu korisni i sebi i drugima. Hvala.

JOZO NIŠANDŽIĆ

Hvala. Elvir Mahmuzić. Izvolte. (MENSUR ALIĆ – Replika.) Samo repliku ima, izvinjavam se, gospodin Alić. (MENSUR ALIĆ – U pozitivnom smislu. Ne moraš slušati Mirnese nije negativna.)

MENSUR ALIĆ

Mirnes je ovo odlično predložio, ali morat ćemo sačekati prvo da donesemo odluku o kriterijima dodjele ovog zemljišta.

Prvo to moramo utvrditi da bi onda privrednici znali o čemu se radi i kako se radi. (MIRNES AJANOVIĆ – Nek se već pripremi.) Jeste. Ali moramo na sledećem Vijeću ja mislim da će biti, ne znam Bahto hoće li biti pripremljena odluka ili. (BAHTO MEKIĆ – Dat ću ja odgovore.) Možeš dati odgovore kad će biti.

Jer osnovni problem je to. Kako i na koji način će se to zemljište dodjeljivati. Ako to ne budemo kvalitetno odradili ovo je, sve smo džaba radili.

Prema tome ne bi ja u javnost išao dok se ne donese ova odluka na Vijeću, tek onda možemo raditi ovo o čemu je Mirnes govorio a to je ja mislim pomoćnik Načelnika za poduzetništvo jako dobro zna uraditi i iskoristiti. Evo hvala. Dopuna je ovo bila.

JOZO NIŠANDŽIĆ

Hvala. Elvir. Izvolte. Elvir Mahmuzić, Socijaldemokratska partija. Izvolte.

ELVIR MAHMUZIĆ – vijećnika Socijaldemokratske partije

Pozdravljam sve prisutne. Pa cijeneći vrijeme evo pretpostavljam da smo svi umorni, jako iscrpljujući prvi dio sjednice, ovo je treća tačka dnevnog reda, moram samo da izrazim jedno žaljenje što drugi predstavnici medija, RTV servisa, kako privatih medija, nisu prisutni na današnjoj sjednici jer ovo je jedan značajn projekat za razvoj Tuzle, nova razvojna šansa.

Mi kao Klub vijećnika SDP-a smo se i ranije izjasnili povodom ovog kad je bila i ranije Odluka o pristupanju izrade Regulacionog plana, pa i na sjednici Kolegija Načelnika kad je bio prvi koncept izgradnje i tako dalje.

Znači naš stav Kluba vijećnika SDP-a je pozitivan. Mi ćemo kao što smo to i dosad radili, kao što to sad radimo, kao što ćemo to raditi u budućnosti, dat punu podršku ovakvim i sličnim projektima.

Ovo je jedna velika razvojna šansa koja prioritet ima kreiranje jednostavno otvaranje novih radnih mjesta, kako posredno tako i neposredno. Evo poslije Bahte je nezahvalno pričati jer je dosta tih informacija i obrazloženja sa stručnog aspekta već izneseno.

Ono što je pozitivna stvar da je opština Tuzla, odnosno Grad Tuzla u ranijem periodu davala podršku razvoju malih i srednjih preduzeća. Ja sam i u par navrata i ranije govorio, da su i u konceptu Strategije razvoja Evropske unije mala i srednja preduzeća su jednostavno generator za razvoj ekonomskog, društvenog, političkog i bilo kojeg drugog smisla. Tako i u strateškom razvoju opštine Tuzla, odnosno Grada Tuzle za 2026. stoji isto podrška malim i srednjim preduzećima što se sad pokazuje.

Evo ovdje smo čuli neke parametre, nove parametre u odnosu na ranije. Da je to kroz I fazu 600 radnika koji će raditi na tom projektu i tako dalje. Da je to otprilike kreiranje i novih 150 radnih mjesta koji će biti zastupljenost zaposleno u tim poslovnim jedinicama.

A ono što moramo da budemo svjesni a i praksa je pokazala ranije, da je ovaj grad dosta zavisio od ulaganja investitora kako domaćih tako i međunarodnih investitora. Praksa je pokazala dosad evo kad su u pitanju grant sredstva za Vodovod, da smo mi jednostavno i još uvijek zavisimo od tog granta a koji se ulaže je li tako u razvojnu, odnosno u strategiju razvoja kad je u pitanju ta problematika.

Tako isto evo čuli smo da zavisimo od sredstava jednim dijelom i USAID-a, odnosno međunarodnih ulagača investitora oko 700.000 maraka. Mi moramo da budemo oprezni, moramo da stvaramo takvu klimu u ovom gradu da pokazujemo sinergiju rada i ovog Vijeća gradskog, zajedno sa Načelnikom, zajedno sa službama i da pokažemo tim strancima koji imaju novac, koji ulažu u ove razvojne projekte, da se stvori jedna pozitivna klima, jedna pozitivna sinergija, kako bi privukli i ostale strane pa i domaće investitorre.

Klub vijećnika SDP-a će podržati ovu odluku o izgradnji Poslovne zone Kreka-sjever i u narednom periodu ko što sam reko će raditi na tome kroz zaključke koje smo i dosad predlagali a kad je u pitanju ovaj projekat i dalje ćemo raditi kako bi unaprijedili tako i ekonomski i društveni i bilo koji drugi život u našem gradu. Toliko. Hvala.

JOZO NIŠANDŽIĆ

Hvala. Gospodin Elvir Kasumović, Savez za bolju budućnost.

ELVIR KASUMOVIĆ – vijećnik Saveza za bolju budućnost

Nas ste vi ovamo u čošak smjestili pa jedva se izvuko. Malo šale. Prije svega jedan veliki pozdrav našim gledateljima i svim prisutnima ovdje.

Klub vijećnika Saveza za bolju budućnost će podržati ovu odluku, čak što više ja se nadam da će u budućem periodu biti što više ovih odluka i kažem sa ovog mjesta, dabogda se svaki kvadratni metara pretvorio u ovaj prostor.

Smatramo da će ovdje biti najviše domaćih ulagača zato što Bosna i Hercegovina kao država još uvijek nije u pravom smislu uređena onako na onaj način, nije još stabilna, ja se nadam dolaskom NATO-a da će biti tu što više stranih ulagača.

Sad se ja mislim moramo pogotovo osloniti prevashodno na domaće snage i dobar je prijedlog da se pošalje je li našim investitorima domaćima ali eto da se i otvori prema i međunarodnom faktoru.

Malo prije je neko pomenuo da će se tu zaposliti jedan dobar dio i Tuzlaka i ostalih. Ja smatram da mi moramo napraviti neku evidenciju reciprociteta. Prije jest bilo pravilo da se to nije brojalo koliko dolazi iz drugih općina u Tuzlu i tako dalje, međutim slušajući svakodneve

priče u gradu Tuzla dolazimo do tih podataka da građani Grada Tuzle uopšte prilikom apliciranja u drugim općinama ne razmatra se njihovo pitanje samo zato što dolaze sa područja grada Tuzla.

O tome se mora, o tome se mora otvoreno popričati, ukoliko bude trebalo i mi ćemo nešto tako uraditi na bazi reciprociteta i nemojte da građani Tuzle budu građani drugog reda na područjima drugih općina i u Kantonu i na području Bosne i Hercegovine.

Prema tome, mi kao ovo, ovo zakonodavni organ morat ćemo iznaći neko rješenje da zaštitimo ovdje građane Grada Tuzle, uz to kažem opet na bazi reciprociteta koliko nam se bude ponuđeno tako ćemo im i vratiti. Drugim.

Ne mora naravno da ovo bude uslov ali kažem mi smo ovdje kao gradski vijećnici, kao zakonodavni organ dužni da štitimo prava i interese građana Tuzle i kao takvi se moramo i ponašati.

Kažem ne da pozdravljamo danas donošenje nego je trebalo i ranije je li već da se donese ovakva odluka i mi ćemo uvijek biti uz one odluke koje će je li našim građanima donijeti bolju budućnost, odnosno bolje sutra. Hvala.

JOZO NIŠANDŽIĆ

Hvala. Od klubova se više niko ne javlja. Zaključujem raspravu klubova. Otvaram raspravu vijećnika. Prvi se javio gospodin Edim Kadić, Bosanska stranka.

EDIM KADIĆ

Drago mi je da raspravljamo o zapošljavanju i ekonomiji s obzirom na situaciju kakva je u našoj državi i zaista raduje me ovako ubrzan rad na otvaranju poslovnih zona.

Ja imam par vrlo kratkih zaključaka. Prvi je zaključak da predložimo Predsjedništvu Bosne i Hercegovine, Vijeću ministara, da ukinemo vize recimo Saudijskoj Arabiji, Katru i svim bogatim zemljama.

Jer vi zamislite u Saudijskoj Arabiji ima 5.000 njihovih ljudi koji su jako bogati i on hoće čovjek da ulaže ovdje on mora da ide tamo da vadi vizu. Mislim što je zaista van pameti i mislim da se zaista moramo zapitat zašto mnoge države ulaže u naše susjedne države umjesto u Bosnu i Hercegovinu.

Imamo primjer Kosova. Kosovo i Srbija normalno trgovina, prelasci granica, a mi da bi otišli u Prištinu mi moramo otići u Tiranu da bi izvadili vizu da bi otišli na Kosovo. I tako dalje i tako dalje.

Znači da bi bilo jako korisno da se to ukinu vize koje su po meni zaista sa mnogim državama bespotrebne i da je to samo stvar ljudi da vide, da sjednu sa kojim to državama imamo vize i koje je potrebno ukinuti. Pogotovo sa bogatim zemljama.

Ako imamo problem sa Evropskom unijom za neke zemlje zbog prelaska to je nešto drugo.

Drugo. Predlažem da odemo u firmu Rentex, ja ne znam jeste li čuli, to je firma na području općine Tuzla koja izvozi 100% svoju proizvodnju, međutim oni nemaju puta 200, 300 metara nemaju puta. Mislim da bi bilo korisno da odemo i napravimo jednu posjetu toj firmi.

Inače ne samo toj formi nego mnogim privatnim firmama na području općine Tuzla mi kao vijećnici ili da ih jednom godišnje pozovemo na kafu da vidimo koji su to ljudi, da im se zahvalimo što zapošljavaju ljude i da ih počastimo jednom kahvom.

Drugo što se tiče ove odluke, mislim, i kriterija, mislim da bi bilo dobro da predvidimo da prvo ljudi koji su zainteresovani da mogu uzeti manje zemlje od 4 duluma. Ima ljudi, znači da malo tu budemo fleksibilni. Ima ljudi koji na 2 duluma mogu da naprave fabriku, ne treba im 4 duluma, mi smo ovdje predvidjeli 3, u prosjeku oko 4 duluma, 15 parcela, mislim da tu moramo biti fleksibilni kao i da predvidimo mogućnost da ljudi mogu kupiti tu zemlju. Ne samo da idemo rentu.

Jer ima ljudi koji imaju novac, koji neće da rentaju, oni hoće da kupe, da je to njihovo i tako dalje. Da u tim kriterijima, naravno da to bude tržišna cijena ako hoće čovjek kupiti i uslov je prvi zapošljavanje i da se dobro ogradimo ako bi čovjek nakon dvije godine ne bi ispoštovao ugovor onaj što ima, znači koliko ljudi da zaposli pa da on kaže ja ću zaposliti prve godine a onda druge godine neće biti toliko ljudi.

Tako da vodimo računa kada budemo tu kriterije raspisivali i na kraju predlažem da pošto sam imao priliku da vidim jednu poslovnu zonu i radio sam s tim ljudima kod Beograda, stara, odnosno Nova Pazova, da, da li pomoćnik Načelnika i par ljudi odu malo u posjetu Novoj Pazovi, da vide koji su to sve proizvodni kapaciteti tamo, da snime, možda ćemo i obaviti posjetu nekim fabrikama, možda će neki od njih i uložiti ovdje u Tuzlu.

Ljudi su zaista napravili nešto što. Vidio sam da ima i Engleskih, Njemačkih, Britanskih firmi i tako dalje. Hvala lijepo.

JOZO NIŠANDŽIĆ

Molim. Gospođica Azra Gazibegović ispred Socijaldemokratske partije. Izvolte Azra.

AZRA GAZIBEGOVIĆ

Hvala predsjedavajući. Evo uvodničari su dosta toga rekli pa ja neću ponavljat ono što se nalazi u samom ovom dokumentu, odnosno tekstu ovog projekta.

Ja ću samo ukazat na jedan dokument koji je, koji je nastao zalaganjem alumnista Škole političkih studija Vijeća Evrope u Bosni i Hercegovini i koji je kreiran u okviru zajedničkog Programa Vijeća Evrope i USAID-a, pod nazivom „Jačanje uloge žena i mladih političkih lidera u Bosni i Hercegovini“ a čije smo aktivne članice Dajana Bakić vijećnica iz ovog Općinskog vijeća i ja.

Dakle u ovom dokumentu koji je urađen u martu 2014. godine i koji se naziva „Od Jačanje efikasnosti javnih službi do zapošljavanja do manje stope nezaposlenosti mladih u Bosni i Hercegovini“ se kaže:

Analizirajući problem nezaposlenosti mladih u Bosni i Hercegovini, može se zaključiti da su dostignuti historijski maksimumi izuzetno visoke stope nezaposlenosti i neaktivnosti mladih i nemogućnosti ekonomske emancipacije mladih, postaju jednim od ključnih faktora koji usporava i čak onemogućava društveni rast i ekonomski razvoj.

S obzirom na to da mladi bez mogućnosti ekonomskog osamostavljanja sve kasnije zaključuju brakove, te u sve kasnijim godinama života dobivaju djecu, u narednih nekoliko desetljeća ukupan broj stanovnika Bosne i hercegovine mogao bi se prepoloviti, a struktura tog stanovništva bi mogla biti ekonomski neodrživa jer bi najveći broj osoba bio u poznim godinama i ekonomski neaktivan.

Za otvaranje novih radnih mjesta potrebno je stvarati uslove za lakše pokretanje biznisa i poslovanja općenito, pokretanje kapitalnih infrastrukturnih projekata, te privlačenje stranih investicija.

Razvijati učenje za poduzetništvo kao ključnu kompetenciju na svim nivoima obrazovanja, te postići samozapošljavanje, odnosno pokretanje malog biznisa za mlade. Formirati fondove za razvoj i poticanje omladinskog poduzetništva, kreirati poduzetničke inkubatore za mlade sa inovativnim biznisima.

Omladinsko poduzetništvo još uvijek je u začecima i nije prepoznato kao adekvatan odgovor na nezaposlenost mladih.

Dakle mi ovdje govorimo o jednom projektu koji negira ili ide u dobrom pravcu, u smislu da smo mi u informaciji koju smo dobili za današnju sjednicu Vijeća i koju ćemo razmatrati a koja je informacija po prvi put gdje se, gdje možemo da vidimo koje su to i koliko sredstava izdvojeno za aktivnosti mladih.

Kaže se tamo da je za poduzetništvo izdvojeno oko blizu 20.000 konvertibilnih maraka a to vjerujem o tome ćemo nešto kasnije govoriti.

Takođe Inkubator Lipnica i BIT centar su jedni dobri projekti koji su se pokazali da su dobri u posljednjih nekoliko godina i da su uspješni i da u tom pravcu treba i da idemo.

I upravo danas još jednom Tuzla pokazuje da itekako ima kapaciteta za razvijanje ovakvih projekata i za povećanje novih radnih mjesta.

S tim u vezi kao što je rečeno i u zaključku, realizacijom ovog projekta koji se zove Poslovne zone Kreka-sjever u Tuzli moglo bi se očekivati u prvoj fazi zapošljavanje oko 600 radnika u preduzećima koja će investirati u Poslovnoj zoni kao i otvaranje oko 150 radnih mjesta u povezanim malim i srednjim preduzećima.

Tako da meni je zaista drago i čast mi je što mogu danas da dam svoj doprinos na ovakav način i nadam se devo Dajana Bakić i ja kada budemo na jednom od ovih sastanaka sa predstavnicima alumnista Škole za političke studije Vijeća Evrope koji se predstavnici svih stranka, većine stranaka sa područja Bosne i Hercegovine, dolaze iz raznih gradova i općina Bosne i Hercegovine, da ćemo moći reći da mi imamo još jedan projekat koji itekako ide u prilog zapošljavanju mladih. Toliko. Hvala.

JOZO NIŠANDŽIĆ

Hvala. Ekrem Topić, Tuzlanska alternativa. Izvolte gospodine Topiću.

EKREM TOPIĆ

Javljam se isključivo radi teme koja je na dnevnom redu. Zbog ovog se isplati i raditi u ovom Vijeću i na drugim nivoima vlasti, a shodno onome što gledamo svaki dan pred Skupštinom Tuzlanskog kantona i na drugim mjestima.

Mislim da smo, neki diskutanti su otišli malo u krivi smijer. Ne želim nikom replicirati ni ispravljati krive navode, mi smo počeli priču na sasvim drugim osnovama i na drugi način, prije tri, četiri, pa i pet godina, a shodno u vremenu kojem se nalazimo i u krizu u kojoj se nalazimo spominjat tržišnu vrijednost mislim da je nerearno.

Naša je namjera bila da omogućimo, da stvorimo klimu, da stvorimo uslove, da stvorimo priču i ambijent pozitivnu priču da ohrabrimo potencionalne ulagače. Ja bi najvolio, lično ja, bi

najvolio da je ovdje 100% domaći ljudi, slični Delingu, slični Menpromu, slični Bingu, koji će ozbiljno ući u ovaj posao i ozbiljno se baviti ovim poslom a mi ćemo spriječiti svojim odlukama i pravilnikom da tu nema mešetarenja i preprodaja i onog ostalog.

Bez obzira na sve drago mi je što je ovo već došlo na dnevni red, što ćemo ovo danas usvojiti, a da ne kvarim ovu temu ne bi bilo loše pokrenuti odmah drugu, a da iskoristimo ovu priliku, drugu jednu sličnu, sličnu ideju a to je određivanje lokacija za individualno-stambenu izgradnju.

Da ne doživljavamo često ove katastrofe, da ne pravi objekte kako kome gdje naumpadne a i Komunalna služba po meni je nemoguće ono više pratiti, napravi se dvije, tri kuće negdje gore na brdu, idi sad za njim daj put, daj kanalizaciju, daj vodu, daj rasvjetu, što je ekonomski uopšte neopravdano i ekonomski neisplativo.

Moramo u ovom djelu uvest malo reda i odrediti par tih zona gdje će se isključivo graditi individualna stambena izgradnja. Hvala.

JOZO NIŠANDŽIĆ

Hvala. (EDIM KADIĆ – Replika.) Edim Kadić ima repliku. Izvolte.

EDIM KADIĆ

Kratku. Možda sam ja bio nedorečen ali kad smo govorili o kriterijima ja sam spomenuo da bi prvi kriterij trebao da bude broj zaposlenih, ali drugo da predvidimo pošto je gospodin Bahto rekao da ćemo izdavati zemljište na 25 godina, pošto ima, već sam pričao sa nekima, koji kažu koji imaju novac koji hoće da kupe tu zemlju da to bude neka realna tržišna cijena. Pod uslovom znači da mu tu cijenu možemo smanjiti u zavisnosti onoliko koliko ljudi zaposli.

Tako da ne bi bilo da ostane da sam ja rekao da bude samo po tržišnoj cijeni. Hvala.

JOZO NIŠANDŽIĆ

Hvala. Gospođica Erna Mešić, SDP, Socijaldemokratska partija.

ERNA MEŠIĆ – vijećnik Socijaldemokratske partije

Srdačno pozdravljam i ja sve prisutne s obzirom da sam danas prvi put za ovom govornicom. Dopunila bi jedan od zaključak koji je ja mislim kolega Ajanović predložio a to je vezano za pravljenje vodiča ili, za poduzetnike.

Dopunila bih i puno puta je to rečeno za ovom govornicom na prethodnim sjednicama Vijeća, da je Javno preduzeće Biznis-invacije-tehnologije već ima postojeći vodič za poduzetnike koji se sastoji od dva vodiča. Vodič o osnivanju obrta i Vodič o osnivanju Društva sa ograničenom odgovornošću.

Naglasila bi da je pomenuti Vodič preveden već na Engleski jezik. Pa bi dopunila vaš zaključak, evo da ide prema Javnom preduzeću da isti taj Vodič dostavi informatičkoj službi gradske uprave kako bi taj Vodič mogao biti dostupan i na zvaničnoj stranici Tuzla.ba. Hvala.

JOZO NIŠANDŽIĆ

Hvala. (MIRNES AJANOVIĆ – Mogu li ja repliku?) Izvolte Ajanoviću.

MIRNES AJANOVIĆ

Nije sporno. I ja sam za da ovo bude na stranici opštine Tuzla ovo što već BIT centar radi. Ovo je posebno. Dakle da ne bude ovdje generalno šta mi nudimo, pa ovo, pa ono. Nego ovo konkretno svim privrednicima u zemlji i inostranstvu gdje god možemo poslati svima, gdje god ima zainteresovanih, dakle u svim državama, ovu konkretnu stvar, konkretan ovaj projekat.

Evo uz predlog Mensurov kad ovo sledeće sjednice Vijeća ali da već sad imamo zaključak, da se pripremi to. Da oni pripreme bazu koja će dobiti. Da ne čekamo od naredne sjednice pa da onda to tad šaljemo i pripremamo.

Nego da naredne sjednice dobijemo od njih kratku informaciju sa kolikim brojem raspoložu privrednika u Bosni i Hercegovini i stranim privrednika kojima mogu dostaviti ovakvu vrstu konkretnog projekta. Bez ovog drugog.

Nek ide nek se vidi da mi imamo i ovaj jedan ovakav eto nekakav projekat koji je napravljen u nekakvom aranžamanu na dvije, tri, četiri stranice, nebitno, ali da ima i ovaj konkretniji dakle gdje idu direktno poslovne zone a ne ovo samo uopšteno. Svi se mi bavimo privredom na nekakve razne načine, sve firme, odnosno sve opštine, gradovi, države, nebitno.

Ali ovo je specifično. Imamo nešto što nudimo direktno na jednu vrstu prodaje, odnosno jednu vrstu ponude svima koji su zainteresovani i da svako zna da sutra ne može reći e nisam zna. E znao je. Pa kad prođe, kad, jer vjerujem da će biti puno zainteresovanih, da sutra dođu neki da nam nude sami dajte otvorite još takvih poslovnih zona evo i mi smo zainteresovani za ulaganje u takve vrste projekte, da oni nas praktično još malo ohrabre da idemo dalje da ne bude samo ova zona dole na zapadu, da idemo i prema istoku, na sve strane, dobro mada je Tuzla istok, zapad najviše, ali postoji mogućnost da možemo i u ostalim dijelovima Tuzle i prema sjeveru naravno može se, pa i kad se pređe preko Ilinčice tamo s druge strane, prema istoku može takođe biti, jugo-istoku, ide se u mogućnost sa poslovnim zonama. Hvala.

JOZO NIŠANDŽIĆ

Hvala. Gospođica Merima Softić, Socijaldemokratska partija. Izvolte.

MERIMA SOFTIĆ

Pozdravljam vas sve ponovo. Evo ovako drago mi je što evo na neki način nakon niza rasprava u nekom periodu koji je iza nas smo, danas imamo zaista nešto konkretno, znači što nije samo mrtvo slovo na papiru, što je dobar i zajednički rad, znači dobra sinergija između službi i ljudi koji su radili uopšte na ovoj ideji, nas vijećnika, evo ljudi koji evo rade u gradskoj službi i ponosna sam uopšte što danas možemo da pričamo uopšte o kreiranju radnih mjesta na području našeg grada. Znamo koliko je to bitno i koliko je to uopšte problematika na području cijele naše države.

Znači ovo je jedan najbolji dokaz stimulativnog modela podrške razvoju poduzetništva u našem gradu i sigurno će predstavljati značajan segment ukupnog razvoja grada i upravo s tim u vezi želim da predložim jedna zaključak.

Znači da se svi zajedno moramo potruditi da se viši nivoi vlasti efikasnije uključe i finansijski pomognu ovaj projekat srazmjerno nadležnostima i pripadajućim prihodima u oblasti poduzetništva. Eto to.

JOZO NIŠANDŽIĆ

Hvala. Gospodin Alić Mensur kao vijećnik.

MENSUR ALIĆ

Zašto ja izlazim treći puta? I moramo izlaziti i trebate izlaziti i vijećnici treba izlaziti. Mora da ovo dođe do medija. Da dođe do medija da vide šta to radimo. Ako ne budemo o ovome pričali svaki dan u društvu, s prijateljima, ništa nismo postigli.

Mora se znati odakle i kako i na koji način smo to krenuli. Ako kažem da ovaj Koordinacioni tim u kojem sam i ja, da su sve službe, pomoćnici Načelnika svih službi koje su vezane za ovaj projekat uključene i rade.

Prvi put sam vidio na jednom mjestu toliko pomoćnika Načelnika ali da jednom riječju govore svi. E to je ključ. I takav uspjeh mora, takav, mora biti uspjeha kad se tako radi.

I zato hoću stalno da ponavljam i stalno ću ponavljat, moramo krenuti dalje. Nema stajanja. Vjerujte da su daleko ove druge poslovne zone će biti jeftinije od ovih što sad radimo. Zato što imaju i bolji pristup na mjestima. I što, negdje se neće, daleko je pa se ne mora grijanje voditi. Tako da, ima, ima, to će daleko jeftinije biti, ali samo mora vidjeti čije je to zemljište. Samo čije je zemljište.

Je li to gradsko ili nije gradsko. Ponavljam. Inventura onoga što imamo jednom za sva vremena. Ako to ne uradimo opet ćemo lutati. Imamo navodno nekih sedam još lokacija, daj da ih odredimo već i da kažemo prioritarno idemo sledeću, ova ide za dva mjeseca.

A ovo kad je u pitanju da li oko vodiča i ovoga. Pa ja mislim da ima, evo Vedrana moram prozvati ponovo, zato što stalno s njim oko ovoga kontaktiram, ja mislim da ima pet, šest firmi koje su se već prijavile. Koje su se prijavile da će učestvovati u ovome.

Ali ne možemo ništa dok ne donesemo kriterije na osnovu kojih, na koje način ćemo to zemljište ili prodavati, dodjeljivati, ne znam na koji način uz zakup, kako na koji način, a to ovo Gradsko vijeće mora donijeti takvu odluku da ne bi, i morat ćemo izbjeći, morat ćemo izbjeći sve moguće špekulacije, špekulacije oko zloupotrebe ovoga.

Biće ljudi koji su spremni, koji su spremni da to zemljište dobiju pod nekakvim povoljnim uslovima i da ga za godinu, dvije dana prodaju po velike pare. I toga će biti. To moramo o tome strogo moramo voditi računa, ako treba čitav dan o tome da raspravljamo, da radimo, ako treba da bude to posebna sjednica da radimo da isključimo sve moguće malverzacije oko ovog.

Zašto to govorim? Ovdje par puta je spomenuta moja firma. Ona nikad neće učestvovati u ovome. Ni na jednom ovome. Zašto neće? Pa neće zato što sam ja bio inicijator ovoga. Da ne bi sutra neko reko to je Mensur uradio za sebe. Nikad neće.

Mi smo spremni kao Kompanija platiti duplo više zemljište na drugom mjestu i razvijati svoju proizvodnju i ostalo ali nećemo ovdje ulaziti zato što je to naša ideja, moja bila ideja. Da ne bi neko sutra rekao zlouputrebio položaj svoj zato što je gradski vijećnik. Od toga se već ograđujem danas.

I ja bi vas zamolio da ovu priču širite u pozitivnom, u pozitivnom na svim mjestima gdje god možete i naravno treba medije, treba medije dovesti ovdje da poprati ovo. Treba napraviti i press konferenciju zašto ne sa predsjednicima klubova sa pomoćnicima na jednoj od gledanih televizija.

Neka me pogrešno ne shvati ovi iz TV 7 naše kuće, ali moramo izaći na Kanton ili na neku drugu televiziju i reći šta to mi radimo oko ove Poslovne zone. Suština je da saznaju i građani i naravno pod broj jedan da privrednici saznaju šta to mi hoćemo i kako i na koji način da nam se javljaju.

Ne možete sutra kad vas nazove, javite se, evo vi ste donijeli odluku imate Poslovnu zonu recite mi kako se ona može kupiti to zemljište ili kako se može dobiti. Mi ga nemamo još.

E zbog toga sačekajmo da to uradimo i onda da krenemo u pravu akciju da tih 16 lokacija ode da kažem za sedam dana, a za taj dio rente koji ćemo dobiti zakonski. Rentu ne može niko smanjiti. Zakonom ne može je niko smanjiti. Renta će se naplatiti za sve izgrađene objekte. Od te rente mi idemo dalje u finansiranje sledeće poslovne zone. Jedna drugu gradi. To je pravilo. Hvala još jednom.

JOZO NIŠANDŽIĆ

Hvala. Ekrem Topić. Ne znam u kom smislu izlazite? (EKREM TOPIĆ – Kratko.) Izvolte. Izvolte.

EKREM TOPIĆ

Pa dobro gospodin Alić ima pravo u svoje ime da kaže da njegova Kompanija neće se na to. Ja ne bi tako radio. (MENSUR ALIĆ – Ja bi.) Ja bi možda i predložio ali eto kad usvojimo kriterije, bitno je samo točak pokrenut, pošten nijet, pošten nijet, pošten naum, upornost, rezultat mora doći.

Ja sam se sinoć gledao jednu emisiju Dragan Karić, od braće, oni Bogoljub i oni, iz Rusije na Ćirilici gledao. Bila Sonja Biserko i ne znam još neki bili. Baš o privredi, izvoz, Rusija, Turska, odnos, ovi, oni, globalni, ekonomski, istočni, zapadni.

Čovjek je čitavo vrijeme, nije dao nikom progovoriti, priča o privredi, o ulaganjima, o ekonomiji, o državi, o smanjenju nameta, poreza i mislim da ovo Vijeće u narednom periodu kad je zakotrljalo ovaj točak, u pravu je Nedim Kadić, Edim je li, Edim Kadić, da vršimo pritisak na veće organe i nivoe vlasti koji donose zakone i propise i da bude to naš doprinos ko vijećnika privrednicima.

A ja bi predložio kolegi Aliću i nasamo ću mu to predložiti, što da ne kahva kod Načelnika sa pomoćnicima jednom u mjesecu. Nije to Bog zna nešto po sata, da ne nabrajam neke ću možda izostaviti, u ovo uključeni i građevinari i njima je dobro došlo, znamo da nam je građevinarstvo na kolapsu, učestvovat će u toj izgradnji.

Deling, Menprom, Bingo, ne znam ko, Alpam, euro ovaj, Euroargent što se dole bavi, kahva jedna a možda vam se rodi ideja da zajednički vi nešto nekog konzorcija stvorite pa da jednu od fabrika ili ne znam nečega pokrenete. Hvala.

JOZO NIŠANDŽIĆ

Hvala. Nemam više. Zaključujem raspravu. Bahto javlja se, ima obrađivač nešto. Izvolte Bahto.

BAHTO MEKIĆ

Prvo da vam se zahvalim na iskrenoj podršci i želji da ovaj projekat uspije jer zasigurno tu sinergiju moramo imati sa Gradskim vijećem i na dobrom smo putu da u tome uspijemo. I svi ovi diskutanti bili su maksimalno i iskreni i u najboljoj namjeri.

Ali da vas uvjerim eto imao sam tu privilegiju da od početka radim na RPC Lipnica, na BIT centru i na ovim drugim projektima. Ima odgovarajuća metodologija kako se ovi projekti radi. I mi već o čemu ste ovo pričali mi već to neke stvari radimo ali nisu one još zrele da dođu na Vijeće. Znači treba to sve staviti u nekakve zakonske okvire i slične okvire pa doći na Vijeće.

Ova Mirnesova diskusija, ona je dobrodošla, ali evo da vam kažem sledeće. Prilikom izrade Feasibility studije, odnosno Studije izvodljivosti, mi smo vršili sondiranje interesa poduzetnika vezano za ovu Poslovnu zonu, jer su to na kraju krajeva metodološki nepohodne radnje za Studiju izvodljivosti.

Ima posebno poglavlje marketinga koje obrađuje kako ćemo to i na koji način urediti i izradu prospekata i animacija i upoznavanje i tako dalje i tako dalje, da ne širim diskusiju oko toga, ali da bi to napravili mi smo obavili i konkretne razgovore sa nekim poduzetnicima.

Mi imamo pismeno pristanak nekih sedam, osam poduzetnika znači u toj predpreliminarnoj radnji da vidimo njihov interes koji su iskazali konkretan interes da bi tu participirali sa nekih pet, šest ili više duluma zemlje za svoje objekte.

Što se tiče same aktivnosti na izradi ovih prospekata i tako dalje, to ne možemo napraviti Mensur je već dijelom dao odgovora, trebamo tri stvari riješiti prvo.

Prvo odluku o korištenju gradskog zemljišta koja još nije usvojena na ovom Gradskom vijeću. Vi znate da je usvojen novi Zakon o stvarnim pravima. Ta odluka o korištenju gradskog zemljišta je urađena već prije da kažemo dva mjeseca, možda više, ima posebna Komisija koju je Načelnik formirao. Ima tu stanoviti problema sa kojim se susrećemo i neki su diskutanti to pomenuli.

Ako ne uspijemo mijenjati zakonsku legislativu na nivou Federacije bar vezano za zemljište, građevinsko zemljište, teško da mi možemo privući bilo kojeg investitora domaćeg ili stranog. Jer neko je pomenuo hajde da to bude po nekakvoj najpovoljnijoj tržišnoj cijeni. Nema najpovoljnije tržišne cijene. Ona je tržišna i takva je.

Ali mi da bi nekog privukli vi znate da je Beograd dao nekoliko miliona kvadratnih metara u da ne kažem u samom centru Beograda za samo jedan eur da bi privukli strane investitore za izgradnju i upošljavanje preko 200.000. Mi u ovoj državi nemamo za to razumjevanja.

Ovo je Gradsko vijeće jedno od rijetkih ja bih rekao da je dosad čini mi se tri ili četiri pisane inicijative se usvajalo u tom pravcu da se mijenjaju ti zakoni, upravo da bi pružili priliku

domaćim i stranim investitorima da ulažu svoj novac i kreiraju nova radna mjesta i time zapošljavanju.

A mi smo napravili nešto suprotno. Mi smo napravili to da kažemo možeš kupiti to zemljište ali da ne kažem po najvećim nekim mogućim cijenama i normalno investitori idu tamo gdje je bolje. To je samo kad je u pitanju zemljište. Ima i niz drugih pretpostavki koje državna vlast, da kažemo viši nivoi vlasti moraju odraditi jer nažalost na lokalnoj zajednici, lokalna zajednica nije u mogućnosti, jedino da pokreće inicijativu da se ti zakoni prilagođavaju tržištu i to i radimo.

I ova inicijativa je opet dobrodošla da ne znam po ko zna koji put da idemo ponovo prema višim nivoima vlasti da se mijenja taj Zakon o građevinskom zemljištu. To je broj jedan.

Ova odluka ja se nadam da ćemo je uskoro i dati ovdje na Vijeće ali je daleko bi bilo bolje kad bi taj Zakon prije se izimijenio pa da onda idemo sa tom odlukom. To je sad ovako šta ćemo uraditi vidit ćemo.

Drugo jeste pravilnik o uslovima i kriterijima za lokacije. Mi kad bi sad oglasili to, evo to radimo i tako dalje, svako od poduzetnika domaćih ima par elementarnih pitanja. Kad će to biti završeno? Znači kad ćemo mi moći ući u taj posjed? Pod kakvim uslovima? I na koji način?

Mi nemamo te odgovore. Znači moramo sačekati ovaj pravilnik da se uradi a da bi se ovaj pravilnik uradio moramo prvo ovu odluku donijeti, znači ima redosljed, i taj pravilnik ja sam na ovom Timu reko i svi smo se oko toga složili, da moramo tražiti modalitete, normalno u skladu sa zakonom jer mi ne možemo van zakonskih okvira ići, ali moramo tražiti modalitete da to budu najbolji mogući uslovi da bi upravo privukli investitore. Evo dajemo tako važan resurs ali nemoj da nam sutra taj propadne projekat pa da investitori zbog loših uslova ne dođu da grade tu. Onda imamo stvarno fijasko i ne bi to želio da doživimo.

I treće. Konstrukcija finansiranja. Mi moramo te nekakve stvari prvo poredati jer ako vam dođe neko ko je zainteresovan on kaže, okej kad će to biti završeno? Mi kažemo za 12 mjeseci. Ja sam zainteresovan idem u to.

Ako mi ovu konstrukciju finansiranja ne obezbijedimo kakva je ona ovdje planirana zasigurno da će ti rokovi biti prolongirani.

Znači o tome se vodilo računa i imamo cijelu koncepciju kako da taj dio završimo oko animacije, upoznavanja i tako dalje i tako dalje.

Sledeće pitanje je bilo, sačiniti mehanizam za upošljavanja sa pravom prvenstva građana Tuzle ili u tom smislu. Mislim da je to gospodin Kasumović iznio.

I na komisijama ovim na kojim sam ja prisustvovao bilo je postavljeno takvo pitanje. Mislim to je prije svega političko i pravno pitanje. Znači da po Ustavu mi ne možemo ući u takvu jednu kako da kažem, zabranjenu zonu što bi se reklo. Možda možemo neke modalitete kroz ove kriterije i tako dalje.

Znači rado bi i mi to tako napravili ali teško je sada vizavi Ustava, pa evo da to ostavimo da malo vidimo kao ćemo i šta ćemo.

Kad je u pitanju ove posjete firmama što je gospodin Kadić rekao Rentex i tako dalje. Ja moram reći ja sam u tom Timu bio do juče, u stvari to je „After care“ kako je se zove taj Program koji providi FIPA i IFC Odjel Svjetske banke, sa nekih osam ministarstava federalnim, gdje smo dosad već dvije godine radili na tom Projektu, ubuduće će Vedran biti u tom sada Timu, gdje smo obilazili upravo ove investitore koji imaju stanovitih problema kako i na koji način da im otklonimo te probleme.

Pa smo u tom smislu obišli i Rentex i niz drugih firmi. Tako da znači radi se na tome, nije da se ne radi i te firme koje dođu i traže pomoć mi stvarno nastojimo da prontno djelujemo koliko je to u našoj mogućnosti.

Kad je u pitanju mogućnost kupovine zemljišta. Ja lično ne bježim od toga da se to zemljište prodaje ali iz ovih nekakvih razgovora koje smo imali sa tim investitorima svi su rekli, vi nama uzmete hajde da tako se figurativno izrazim 300 ili 500.000 maraka za zemljište i onda mi moramo u kredite, pozajmljivati sredstva da bi izgradili halu, pa mašine i tako dalje. I svima se dopalo ovaj koncept da se daje u najam to zemljište po vrlo povoljnim uslovima da tako kažem, to podvlačim po vrlo povoljnim uslovima, problem je kako ćemo naći modalitete zakonske za te povoljne uslove, a je li to na 25, 30, 40, 50 godina to će kad se bude ovaj se pravilnik usvajati to ćemo se dogovoriti oko toga šta, kako i na koji način.

Što se tiče usitnjavanja ovih lokacije, ukрупnjavanja, tu ćemo biti jako fleksibilni. To ne treba da nikoga brine. Mnogi su rekli nama je malo 3.800, a onda smo tamo rekli može se to spajati i šta ja znam, ali i to ćemo evo da kažem riješiti.

Znači još jedanput se zahvaljujem na ovim pitanjima i podršci i ovaj Tim gdje evo i Mensur kao predsjednik ove Komsije Gradskog vijeća za poduzetništvo uključen i ove resorne službe radimo intenzivno na ovome i svaka nova ideja je dobrodošla bez obzira je li to na Gradskom vijeću ili u razgovoru u kancelariji. Hvala.

JOZO NIŠANDŽIĆ

Hvala Bahto. Idemo molim vas. Znači idem na izjašnjavanje. To radi se o usvajanju odluke o izgradnji Poslovne zone „Kreka-sjever“ u Tuzli.

Pitam vijećnike ko je za, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da je ODLUKA O IZGRADNJI POSLOVNE ZONE „KREKA-SJEVER“ U TUZLI, jednoglasno usvojena.

Ja ću zamoliti uvaženu našu profesoricu Nadu da pročita prijedlog zaključaka. Slabije vidim na ovom dijelu pa ne mogu ipak. Nekad zamolim Medihu, nekad ćemo Nadu, pa tako do.

NADA MLADINA

Dobro predsjedavajući ne treba da se pravda. Tu predsjedavamo zajedno svako nešto nek napravi. (JOZO NIŠANDŽIĆ – Tako. Tako je. Tako je.)

Predlažemo sljedeće zaključke vijećnicima:

1. Gradsko vijeće Grada Tuzle, traži da se odmah krene u realizaciju izgradnje Poslovne zone “Kreka-Sjever”, bez obira da li će se obezbijediti sredstva međunarodnih i domaćih fondova (USAID, grantovi viših nivoa vlasti itd.), kako bi se što prije stekli uvjeti za raspisivanje konkursa za dodjelu prava građenja na navedenom lokalitetu. Traži se od organa vlasti viših nivoa, da se uključe u realizaciju projekta Poslovne zone “Kreka-sjever” u Tuzli i daju svoj doprinos u skladu sa nadležnostima i pripadajućim sredstvima.

2. Traži se od Službe za razvoj, poduzetništvo i društvene djelatnosti, da što prije otvori kancelariju za pomoć poduzetnicima, koji namjeravaju aplicirati za Poslovnu zonu “Kreka-

sjever” u Tuzli, a prilikom otvaranja kancelarije voditi računa, da u istoj rade kompetentne i stručne osobe.

3. Gradsko vijeće Grada Tuzle, traži od nadležnih službi za upravu, da u razumnom roku i što prije izvrše analizu (“inventuru”) i uspostave registar nekretnina (Odnosi se na zemljište i zgrade.) u vlasništvu Grada Tuzle, kako bi se što prije našla nova lokacija za novu potencijalnu proizvodnu zonu.

4. Gradsko vijeće Grada Tuzle traži od nadležnih službi da pripreme internet prezentacije i prospekte (Vodič za poduzetnike u Poslovnoj zoni “Kreka-sjever”), koje će promovisati Poslovnu zonu “Kreka-sjever” u Tuzli. U navedenu aktivnost uključiti JP BIT Centar Tuzla, poduzetnike iz Tuzle i Bosne i Hercegovine, a sve sa ciljem animiranja potencijalnih investitora za ulaganje u ovu Poslovnu zonu.

5. Gradsko vijeće Grada Tuzle urgira na realizaciji ranije inicijative o potrebi izmjena Zakona o građevinskom zemljištu Federacije BiH i Zakona o stvarnim pravima Federacije BiH, koji će omogućiti bolje uvjete za potencijalne investitore u pogledu ostvarivanja prava na građevinskom zemljištu.

6. S ciljem iznalaženja funkcionalnih rješenja za osnivanje Poslovne zone “Kreka-sjever” u Tuzli neophodno je koristiti iskustva poslovnih zona zemalja u okruženju, te ukoliko to bude potrebno obići poslovne zone, koje su pokazale dobre rezultate rada.

JOZO NIŠANDŽIĆ

Evo to su ti predlozi zaključaka. (EDIM KADIĆ – Šta ćemo za vize? Ništa.) (NADA MLADINA – Nećemo sad to.) Pitam vijećnike ko je za to prihvatimo ove zaključke, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da su zaključci jednoglasno usvojeni.

Tek je četvrta tačka molim vas. Da malo ubrzamo.

Prelazimo na četvrtu tačku dnevnog reda:

ODLUKA O RASPISIVANJU DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA U SVRHU IZGRADNJE INDIVIDUALNIH STAMBENIH OBJEKATA (SA TEKSTOM DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA GRADA TUZLA)

Obrađivač je Služba za geodetske i imovinsko-pravne poslove. Predlagač je Gradonačelnik Grada Tuzla.

Materijal razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Otvaram raspravu. Pitam vijećnike, ima li potrebe za uvodnim izlaganjem i čitanjem izvještaja komisija? Ako nema, otvaram raspravu klubova. Ima. Ima. Evo ima. Izvinjavam se. Gospođica Azra Gazibegović, ispred Kluba Socijaldemokratske partije.

AZRA GAZIBEGOVIĆ

Evo ja ću kratko povodom ovog javnog oglasa, odnosno odluke o raspisivanju. Samo sa Komisije za odabir korisnika pomoći za rekonstrukciju stambenih objekata i održiv povratak, kao i nekoliko predstavnika udruženja dali su preporuku da svjesni smo činjenice dakle da ne može se mijenjati postojeći tekst ove odluke, odnosno javnog konkursa iz razloga što je potrebno da se urade radnje u pripremi, pa samo dajemo preporuku prilikom izrade tećeg javnog konkursa da se uzme u obzir Mjesna zajednica Požarnica jer iz razloga što je gore dosta kuće koje su nastradale a nisu se našle, ova Mjesna zajednica nije se našla ni u tekstu prvog a ni ovog drugog javnog konkursa, pa evo samo da se vodi računa o tome prilikom izrade trećeg. Hvala.

JOZO NIŠANDŽIĆ

Hvala. Ako nema više zaključujemo raspravu klubova. Otvaram raspravu vijećnika. Evo gospodin. Izvolte. Beriz Sakić. Izvolte.

BERIZ SAKIĆ

Evo na prethodnim tački onog dnevnog reda dokazali smo da smo mi iz opozicije ko i pozicija. Kad je nešto u interes sviju građana ovoga grada mi naravno svi to jedinstveno podržavamo.

Ali javio sam se za ovu tačku dnevnog reda, da mi na, kad smo imali prošli put ovu Odluku, prva ona koja je bila, imali smo jedan problem oko toga i nakon toga smo napravili prekid sjednice, napravili smo pauzu da bi napravili jedan zaključak i taj zaključak smo donijeli, složili smo svi oko tog zaključka i naravno onda smo i podržali ovu Odluku.

Danas imamo evo na Vijeću i ovu drugu odluku i opet imamo isti sporni momenat. Ništa se poslije toga nije promijenilo i evo ja ću ponovo da isčitam to.

Pravo učešća na drugom javnom konkursu imaju: vlasnici stambenih zgrada, pravni ili faktički, koji su u momentu proglašenja stanja prirodne nesreće, odnosno na dan 04. 05. 2014. godine imali prijavljena mjesta prebivališta na području općine Tuzla.

Znači ponovo imamo isti taj sporni momenat i sad naravno treba li bi izgleda opet prekinuti sjednicu da isti onaj zaključak donesemo. Ali da ne bi prekidali ja predlažem da onaj zaključak se ponovo isti takav ugradi u ovu odluku, da bi imali podršku i ovi drugi građani a znamo zašto se nisu mogli na taj dan biti prijavljeni na ovome a naravno imaju svoje objekte urađene tu u Tuzli. Eto toliko. Hvala.

JOZO NIŠANDŽIĆ

Izvolte dalje. Zaključujem raspravu. Sekretaru molim vas ima neki prijedlog. Izvolte.

MEDIHA NUHBEGOVIĆ

Ja kolko se sjećam znači to je bilo sporno prilikom usvajanja Programa zbrinjavanja. Međutim, mi smo tom prilikom donijeli zaključak da ćemo razmotrit da li je to u skladu sa zakonom.

Međutim, analiziranjem vidjeli smo da Zakon o finansiranju pomoći za postradale, a takođe i Zakon o postupku prenosa prava raspolaganja na nekretninama u vlasništvu Federacije, kantona, grada ili općine, jedan od uvjeta stavlja da se radi znači o licima koji su imali nekretninu na području one opštine na koju je zadesila prirodna nesreća.

Mi smo dosad rezultati pojedinih konkursa su pokazali da su nam se javljali i ljudi sa drugih opština koji znači nisu uopšte imali faktičku zajednicu življenja na prostorima općine Tuzla, nego su živjeli na nekim drugim općinama, pa da eventualno vidimo da možda napravimo neku malu anketu među takvim potencijalnim da vidimo koji su to ljudi.

Rekli smo prošli put to su bili ljudi koji su se odjavili u vrijeme popisa stanovništva a nisu se ponovo prijavili kad je bila prirodna nesreća da vidimo koliko ima takvih ljudi pa da ih probamo rješavat. Biće, ovo je drugi, biće još javnih konkursa.

Mislim da je to jedno komplikovano pravno pitanje a ne smijemo baš prekršiti zakon.

JOZO NIŠANDŽIĆ

Hvala. Evo čuli ste ali ostaje da se ipak to ispita i da se vidi koji su, da se još jednom. Izvolte. Izvolte. Shvatili smo mi. Upravo govorite o tim ljudima je li tako. Koji su otišli i odjavili se.

BERIZ SAKIĆ

Naravno ja sam ovdje izašo iz tog razloga. Ja govorim o ljudima o kojim ste vi upravo sad pričali. Govorim o ljudima koji su za vrijeme popisa. Ja ne govorim o ljudima koji su to zloupotrijebili.

Naravno ja, nit ja, nit bilo ko od nas ne podržava takve ljude, nego upravo one koji se za vrijeme popisa stanovništva odjavila a imaju nekretninu na području općine Tuzla i naravno čak i vjerovatno su i platiti samo sve prema dadžbine prema Općini Tuzla, ali prema ovoj odluci oni sad nemaju pravo na to jer nisu bili prijavljeni na teritoriji opštine Tuzla a imaju nekretnine ne području opštine Tuzla. Njihovo vlasništvo, ne znam tamo one dozvole su sve vjerovatno izvadili a onda na osnovu toga oni nemaju sad pravo da dobiju novu parcelu ako nisu bili prijavljeni na taj dan. I o tim ljudima ja govorim.

Naravno ja sad ovdje ne znam tačan podatak koliko tih ljudi ima i da li ih ima, ali ja govorim ako ih ima i kolko ih ima da i oni budu ugrađeni u ovu odluku. Da i oni imaju pravo na ove parcele. Ako budu podnijeli naravno tamo zahtjeve i ispunjavaju sve te uslove koji ovdje pišu.

JOZO NIŠANDŽIĆ

Hvala. Ali ja kolko vidim znači mi idemo da usvojimo ovaj predloženi pa ćemo vidjeti šta s time. Dobro.

Ako nema molim vas više prijavljenih, znači idemo na usvajanje odluke o raspisivanju drugog javnog konkursa za prenos prava vlasništva bez naknade na nekretninama u vlasništvu Grada Tuzla licima sa nastradalih područja u svrhu izgradnje individualnih stambenih objekata (Sa tekstom drugog javnog konkursa za prenos prava vlasništva bez naknade na nekretninama u vlasništvu Grada Tuzla licima sa nastradalih područja grada Tuzla.).

Pitam vijećnike ko je za, molim da digne ruku? (26) Ima li neko protiv? (Nema.) Suzdržan? (Nema.)

26 vijećnika je glasalo za, niko nije bio protiv ni suzdržan, te konstatujem da je ODLUKA O RASPISIVANJU DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA U SVRHU IZGRADNJE INDIVIDUALNIH STAMBENIH OBJEKATA (SA TEKSTOM DRUGOG JAVNOG KONKURSA ZA PRENOS PRAVA VLASNIŠTVA BEZ NAKNADE NA NEKRETNINAMA U VLASNIŠTVU GRADA TUZLA LICIMA SA NASTRADALIH PODRUČJA GRADA TUZLA), jednoglasno usvojena.

Idemo na tačku pet. (BERIZ SAKIĆ – I uz ovaj zaključak koji smo mi donijeli.) (MEDIHA NUHBEGOVIĆ – Sačekajte samo malo. Neću staviti zaključak, nego ćemo ga drugačije formulirati. Jer je to ne, izvinjavam se, ali je nezakonito ali imaju pravo vijećnici nezakonito da izglasaju.)

(JASMINKA MIJATOVIĆ – Ne mora biti nezakonito, može biti inicijativa za dopunu zakona. Izvinjavam se.)

Neka pripremi da vidimo sekretar šta će pripremiti. Čut ćemo. Da se pripremi molim vas. Evo predlog zaključaka molim vas pa evo da saslušamo.

NADA MLADINA

Predsjedavajućem ne odgovara font slova Mediha. Dakle mi smo Odluku usvojili. Predlažemo sljedeći zaključak:

Preporučuje se nadležnim službama, da prilikom pripreme trećeg javnog konkursa za prenos prava vlasništva bez naknade na nekretninama u vlasništvu Grada Tuzla, licima sa nastradalih područja u svrhu izgradnje individualnih stambenih objekata, iznađu lokacije u Mjesnoj zajednici Požarnica, pogodne da građani navedene mjesne zajednice mogu aplicirati i da se sagledaju mogućnosti otklanjanja pravne smetnje za apliciranje građanima, koji su zbog popisa stanovništva mijenjali mjesto prebavališta uključujući i zakonske inicijative prema višim nivoima vlasti.

Je li imate dopuna?

JOZO NIŠANDŽIĆ

Evo čuli ste.

Pitam vijećnike ko je za ovaj zaključak, molim da digne ruku? (26) Ima li neko protiv? (Nema.) Suzdržan? (Nema.)

26 vijećnika je glasalo za, niko nije bio protiv ni suzdržan, te konstatujem da je zaključak jednoglasno usvojen.

Prelazimo na petu tačku dnevnog reda:

RASPRAVA O PRIJEDOGU JAVNE OSUDE OD STRANE GRADSKOG VIJEĆA IZJAVE-STAVA-ZAHTJEVA PREDsjedNIKA KLUBA VIJEĆNIKA SDA DA SE 2. OKTOBAR NE OBILJEŽAVA KAO DAN TUZLE

Podnosilac prijedloga je Predsjednik Kluba vijećnika BOSS. (MIRNES AJANOVIĆ – Mogu li ja ko predlagač?) Izvolte. Izvolte.

MIRNES AJANOVIĆ

Peta tačka, izvinjavam se ja sam tražio prije kao predlagač, to je ova rasprava o prijedogu javne osude od strane Gradskog vijeća izjave – stava - zahtjeva predsjednika Kluba vijećnika SDA da se 2. oktobar ne obilježava kao Dan Tuzle.

Obzirom da smo mi u uvodu ove sjednice prilikom rasprave o utvrđivanju dnevnog reda praktično većina nas istakli svoje stavove, ja predlažem da dalje ne otvaramo raspravu po tom pitanju, ako neko želi naravno to neću sporiti niti slučajno, ja neću raspravljati, osim ako bude bilo potrebe da ispravim krivi navod ili repliciram naravno, predlažem da obzirom da sam ja dostavio i taj službeni Stenogram, ne mora to biti ispravno, može neko reći i sumnjat da taj Stenogram nije regularan, da pečat nije ispravan, da neko nije napravio dobro, ja predlažem da usvojimo zaključak.

Da odložimo raspravu po ovoj tački dnevnog reda za sljedeću sjednicu a da se u međuvremenu pripremi izvod iz Stenograma od 22. 10. 2014. godine, u dijelu dakle gdje je predsjednik Kluba SDA govorio o ovom predlogu, stavu, nebitno kako je već izjavi da 2. oktobar ne bude Dan Tuzle i dalje što je već prezentirano nebitno je da ne ponavljam, da se uzme izvod iz Stenograma sa Kolegija pred ovu treću sjednicu, kada je Gradonačelnik govorio da je predloženo od strane predstavnika Kluba SDA i njemu da se mijenja 2. oktobar da ne bude Dan Tuzle, da ne bi bilo zabune stenogram sa ove sjednice gdje je predsjednik Kluba SDA Sabahudin Imamović takođe praktično i potvrdio da je predložio načelniku prijedlog da 2. oktobar ne bude dan koji će se obilježavati kao Dan Tuzle.

Da se to sve dostavi svim vijećnicima. Dakle sa službeno ovjerenim pečatima stenograma, tonskim zapisom da ne bi bilo dileme da je neko napisao nešto što nije bilo tako kako piše u Stenogramu, dakle sa tonskim zapisom.

Te da se takođe zaduži i Etički odbor da raspravi i donese svoju odluku o ovoj stvari i po pitanju samih osnova po Kodeksu ovoga Vijeća, jer smo smatram dužni i po tom osnovu da utvrdimo kad već imamo tijelo, Radno tijelo praktično ovoga Vijeća.

Da se zna da ne bi bilo zabune, sve su ovo besplatne naknade, nema ovdje naknade nijedne marke ovim radnim tijelima, to su naše obaveze kroz status vijećnika.

I da to sve pripreмимо za sjednicu koja će biti održana naredna, dakle 29. decembra, i tad se možemo izjasniti o prijedlogu kakav je definisan u tački dnevnog reda.

Možda se neke okolnosti i promijene do tada, vidićemo šta će biti. Imamo prostor mjesec dana svi da možemo dakle i od stručnih službi tražiti da pripreme ove stenograme, umnože, dostave klubovima. Ne moraju čekati praktično prijedlog novog dnevnog reda za decembarsku sjednicu, odnosno kraj decembra već imamo jednu, evo biće još jedna, dakle ukupno dvije u

ovom mjesecu, nego da se po pripremi tih materijala dostave ti materijali klubovima vijećnika ili ako je potrebno ne bude zabune svakom vijećniku.

Bolje je dostaviti ja predlažem i putem mail-a, dakle i tonski zapis u MP3 formatu da svi imaju da ne moraju se praviti CD-ovi, nebitno je, ako neko želi, insistira, može se dostaviti, ali ipak treba službeni Stenogram biti ovjeren i potpisan od ovlaštenog lica dostavljen svakom vijećniku.

Dakle ne samo klubovima, svakom vijećniku, da svaki vijećnik može pročitati. Da se ne desi da neko kaže, kao što je bilo danas opravdano, naravno i to je sasvim logično, da neko nije bio upoznat s time, nije znao o čemu se radi i većina vijećnika nije znala jer je to bilo u okviru Kolegija, nije bilo u okviru dakle nečega što su ostali vijećnici mogli imati priliku da vide i čuju, te ovakva vrsta obavezuje nas da svaki vijećnik dobije i potpiše prijem tog materijala. Da se ne desi sutra nisam dobio, nisam znao.

Ja bi vas zamolio da prilikom dostave te vrste materijala, kroz internet nije ni problem uvijek postoji dokaz da je materijal dostavljen putem mail-a, ali i ove druge vrste pisanog dokumenta i onda ćemo raspravljati o tome kad budu svi znali sve.

A pošto smo već raspravili ne bih ja da ponovo raspravljam. Predlažem ja da i ostali ako je moguće, opet kažem ne insistiram ali da se uzdržimo od toga, da to raspravimo kada budemo imali prostor dobijen u ovih praktično mjesec dana.

JOZO NIŠANDŽIĆ

Hvala. Evo javio se prvi gospodin Sabahudin Imamović. Izvolte Sabahudine. Čuli smo predlog koji je podnosilac inicijative iznio. Izvolte Sabahudine.

SABAHUDIN IMAMOVIĆ

Ja sam očekivao da će u ovom Gradskom vijeću pobijediti razum i da se ovakva jedna tačka neće ni naći na dnevnom redu ovog Vijeća. Kad se već našla i kad je moje ime u pitanju ja ću se ovdje samo osvrnuti na neke gole činjenice.

Prvo nije javnost se zgražavala nad onim što sam ja rekao nit je zapanjena jer nije imali priliku ni da čuje šta sam ja rekao na Kolegiju Vijeća. Dakle jednog tijela koje priprema sjednice Vijeća. Dakle tamo utvrđujemo dnevni red, razmatramo da li ćemo neku inicijativu prihvatiti i tako dalje. Dakle to je jedno tijelo, možemo ga slobodno nazvati pomoćno tijelo za pripremu sjednica Vijeća.

Dakle javnost ne bi doznala šta se tamo govorilo da Ajanović to nije objavio na nekim portalima, kasnije Izvod iz stenograma i možete zamisliti tonski zapis. Pošto ću govoriti o, to je dakle prva činjenica. Dakle nije zgrožena javnost jer nije ni znala. Kolega Ajanović se pobrinuo da eto javnost bude upoznata.

Sve što je sada rekao meni nije jasno, da bi neko utvrdio istinu mora biti neko tijelo. Jedino tijelo koje u ovom slučaju može utvrditi i presuditi u ovom slučaju, dakle presuditi zbog slobode mišljenja i govora 2014. godine, 70 godina nakon uspostavljanja jednog režima koji je na isti način proganjao ljude zbog drugačijeg mišljenja, to može Etički odbor, da utvrdi da li sam ja povrijedio neke odredbe Kodeksa ponašanja vijećnika i da utvrdi da li sam ja sa evidentnim gađenjem omalovažavo antifašističko obilježavanje Dana Tuzle i da li sam izvršio brutalan i verbalni atak na antifašističku tradiciju Tuzle.

Znači to su unaprijed određene kvalifikacije. Dakle uz optužnicu išla je i presuda. Već je određena kvalifikacija da sam ja sa gađenjem i da sam ja govorio o partizanskom prazniku ko pročita tamo Stenogram vidiće da ja ne spominjem partizanski praznik, da ja nisam to govorio ni sa gađenjem, nisam omalovažavao njega i tako dalje i tako dalje.

Dakle ja bi kad smo se već upustili u ovu avanturu koja nije dostojna ovog Vijeća da se kopa po tuđim glavama šta misle i šta osjećaju, onda bar de budite korektni do kraja neka se to na jedan objektivan način utvrdi, dakle na osnovu činjenica i nek se prezentuje ovom Vijeću.

Opet ponavljam ovo je jedan crni dan za ovo Vijeće i mislio sam da je taj duh totalitarni izumro, međutim izgleda on još je žilav u Tuzli.

JOZO NIŠANDŽIĆ

Hvala. Predlog jeste bio upravo da danas ništa ne govorimo jer nemamo nikakvih spoznaja. Znači dobit će se podaci i Etički odbor zasjedat će sve u tom smislu pa ćemo onda.

Molim vas evo čuli smo znači možemo li da se izjasnimo? Znači predlog je upravo koji je predložio sa govornice gospodin Ajanović, upravo da se uzmu ti svi podaci što kažu relevantni za dokazivanje nečega što je izrečeno i da ćemo ići prema Odboru za etički i da će ići, doće na Vijeće.

Pitam vijećnike ko je za ovakav predlog, molim da digne ruku? (18) Ima li neko protiv? (9) Suzdržan? (Nema.)

18 vijećnika je glasalo za, 9 vijećnika je bilo protiv i niko nije bio suzdržan, te konstatujem da je većinom glasova usvojen sljedeći zaključak:

Odlaze se odlučivanje o ovoj tački dnevnog reda, s tim da se do naredne sjednice pripremi izvod iz stenograma od 22. 10. 2014. godine, kao i izvod iz stenograma sa sjednice Kolegija Vijeća u funkciji pripreme treće redovne sjednice Vijeća i ove treće redovne sjednice Gradskog vijeća, dostaviti Klubovima vijećnika, Etičkom odboru za Kodeks ponašanja vijećnika, kao i tonski zapisi sa navedenih sastanaka i sjednica

Prelazimo na šestu tačku dnevnog reda:

- a) PROSTORNI PLAN GRADA TUZLA ZA PERIOD 2010-2030. GODINE**
- b) ODLUKA O PROVOĐENJU PROSTORNOG PLANA GRADA TUZLA ZA PERIOD 2010-2030. GODINE**
- c) ODLUKA O USVAJANJU PROSTORNOG PLANA GRADA TUZLA ZA PERIOD 2010-2030. GODINE**

Obrađivači su: Služba za prostorno uređenje i zaštitu okoline i Upravna organizacija Zavod za urbanizam Grada Tuzla. Predlagač je Gradonačelnik Grada Tuzla.

Materijal su razmatrali: Komisija za statutarna pitanja i propise (b, c), Komisija za prostorno uređenje i zaštitu okoline (sve), Komisija za ekonomske odnose (sve), Komisija za poduzetništvo (sve), Komisija za komunalna pitanja i pitanja mjesnih zajednica (sve) i klubovi vijećnika.

Otvaram raspravu. Ja predlažem pošto smo se na Kolegiju Vijeća dogovorili da damo obrađivaču da da uvod negdje do 10, 12 minuta kako smo se dogovorili. Izvolte direktore.

Hoćemo li smetati? Hoće li to biti ovdje je li tako da se malo?

ANER ČANOVIĆ – direktor Upravne organizacije „Zavod za urbanizam“ Grada Tuzla

To će biti tu a nećete smetati ja mislim da. (JOZO NIŠANDŽIĆ – Hajde pokušaj da vidimo.) (NADA MLADINA – Hoćemo i mi da vidimo.) Aha. Svakako se.

Znači poštovani predsjedavajući, dopredsjedavajući, vijećnici, kolege, gosti i novinari, ja vas sve srdačno pozdravljam ispred Upravne organizacije „Zavod za urbanizam“ Grada Tuzle, a dajem si slobodu da kažem i ispred Službe za prostorno uređenje, obzirom da sada predstavljam u uvodu znači i njih kao kolege koje su zajedno sa nama radile i trudile se da ovaj dokument uradimo što kvalitetnije.

Obzirom da danas usvajamo prostorni plan grada za period sledećih dvadeset formalno, ali praktično je to od 20 do 30 godina, koji se planeru dešava uglavnom jednom u profesionalnoj karijeri, znači govorim za jedan taj planski dokument, ja sam privilegovan vjerovatno kao i moje kolege što sam kao direktor ove institucije, što mogu potpisati ovakav jedan krovni planski dokument koji mi to možemo komotno reći da je to majka svih planskih dokumenata za jedan grad.

Radi efikasnosti i poštivanja vašeg vremena ja ću riječ dati voditeljici ovog plana gospođi Indiri Sofić, koja će vas nadam se brzo provesti kroz najvažnije segmente ovoga krovnog dokumenta. Pa evo Indira.

INDIRA SOFIĆ – ispred Upravne organizacije „Zavod za urbanizam“ Grada Tuzla

Poštovani ja vas sve pozdravljam. Vi ste pred sobom imali ovaj materijal u digitalnoj verziji. Ja bih rekla da smo vezano za prostorni plan u uvodnom dijelu samo bih rekla, da je prostorni plan kao finalni dokument večeras pred nema, da je prošao kompletnu proceduru usvajanja, da smo dobili saglasnost nadležnost Ministarstva i prošli sve javne uvide, dakle tri kruga javnih uvida.

Vidjeli ste iz digitalne verzija koja vam je bila na raspolaganju da je to jedan vrlo kompleksan i složen materijal, a ja ću poštujući vaše vrijeme ipak pokušati u najkraćem da istaknem ono što s obzirom na važnost ovog strateškog dokumenta je neophodno da večeras čujemo.

Dakle prostorni plan je osnov za rad naših službi. Sastoji se, radio ga je jedan veći Tim stručnjaka. Na slajdovima koji će mene pratiti vidjet ćete da su u pitanju zapravo nekih dvadesetak oblasti koje pokriva prostorni plan, te zapravo da ne postoji segment života i rada našeg stanovništva, naših građana koje prostorni plan bar nije dotakao.

Osnov za izradu prostornog plana. Dalje. Osnov za izradu prostornog plana je Odluka o pristupanju prostornom planu, Zakon o prostornom planiranu i korištenju zemljišta, Zakon o prostornom uređenju i građenju, Uredba o jedinstvenoj metodologiji za izradu planskih dokumenata.

Prostorna osnova prostornog plana je ispred nosioca pripreme i savjeta plana usvojena jula 2011. godine i ona je poslužila kao osnov za izradu ovog planskog dokumenta, odnosno samog prostornog plana.

On se sastoji iz tekstualnog i grafičkog dijela. Tekstualni dio čine: opći i posebni ciljevi, projekcija prostornog razvoja, projekcija razvoja prostornih sistema, te odluka o njegovom provođenju. Sve ove oblasti imali ste priliku detaljno da vidite u digitalnoj verziji.

Što se tiče grafičkog dijela mi ćemo vidjeti samo jedan segment toga jer se on sastoji od 28 digitalnih karata u razmjeri 25.000, odluke o provođenju koja se sastoji od 122 karte u razmjeri 1:2500 i prostorni plan je osnov za pripremu i izradu, te donošenje ostalih planskih dokumenata.

Počevši od površine naše općine koja iznosi 30.255 hektara, te činjenice da je Općina Tuzla administrativno podijeljena na 45 mjesnih zajednica, 40 mjesnih zajednica, te veliku gustinu izgrađenosti, mi možemo konstatovati da ulogu našeg grada u suštini u cijelom kantonu.

Na ovom slajdu možete vidjeti centralni položaj Grada Tuzla u odnosu na Kanton, te gravitacione zone gdje se ovim kružnicama zapravo možete vidjeti da putno sve općine zapravo gravitiraju samom Tuzla, Gradu Tuzla.

Ja ću izložiti u najkraćem projekciju prostornog razvoja.

Grad Tuzla je jedan od državnih centara, jedan od polova razvoja u Bosni i Hercegovini, prvi sekundarni centar Federacije, jedan od polova razvoja Federacije Bosne i Hercegovine, primarni je centar Tuzlanskog kantona, primarni je centar geografsko ekonomske regije Sjeveroistočna Bosna i u budućnosti sa planerskog aspekta Grad region Tuzla-Lukavac-Živinice.

Počevši od planskog broja stanovnika u globalnoj podjeli, na urbanističkoj podjeli, na gradsko i vangradsko područje, te na planiranu gustinu naseljenosti, gustinu izgrađenost, te stepen urbanizacije, na sledećem grafičkom prilogu možemo vidjeti kolika je gravitacija samog gradskog područja u koje je naznačeno nekadašnjeg kvadratskog područja koje je naznačeno žutom bojom a radijus pokrivanja čitavog tu Grada Tuzla je sasvim evidentna na ovom crtežu.

Na sledećem grafičkom prilogu prikazano je proširenje iz tog urbanog područja, urbanistički tretiranog kao jedno naseljeno mjesto znači nazvano Tuzla Grad.

U samoj organiziranosti prostornoj rekla sam bez obzira što nosimo naziv općina Tuzla i Grad Tuzla, urbano područje je jednako zapravo u urbanističkom smislu gradsko područje i ono je prošireno za sedam cjelovitih mjesnih zajednica: Šićki Brod, Bukinje, Lipnica Srednja, Husino, Par Selo, Grabovica, Simin Han i ima ukupno 11.233 hektara. I to na zapadu: Dobrnja, Mramor, Ljepunice, Lipnica i Lipnica Gornja, na sjeveru: Dragunja, Obodnica Gornja, Obodnica Donja, Breške, istok: Gornja Tuzla i Požarnica, na jugu: Pasci Gornji i Ljubače, jugozapad: Kiseljak.

Od ostalih urbanih područja prepoznali smo potencijal u Avdibašićima i Osojama, te na području našeg grada utvrđeno na 18 urbanih područja.

Sljedeći grafički prilozi koji su istina slabije vidljivosti zbog razmjeri, zapravo prikazuju urbana i ruralna područja prikazana našom projekcijom prostornog razvoja, te građevinska zemljišta utvrđena na ovim površinama.

Kad je riječ o naravno planerima, nemoguće je planirati bez saobraćajne infrastrukture. Razlikovali smo nekoliko stratuma koje su analizirale saobraćajne studije, te možemo reći da se one odnose na autoceste, od kojih je najvažnija autocesta A2, nova petlja-Mihatovići-Previle-Brčko-Orašje, dalje ka Županji, autocesta A3 kao nastavak autoceste A2 ka jugozapadu i veza sa autocestom na koridoru Vc.

Na sljedećoj karti vidite zapravo postojeći i planirani saobraćaj kad je riječ po primarnoj mreži Grada Tuzle.

Kad je riječ o sljedećem nivou planiranja saobraćaja tu su obilaznice i magistralne ceste. Sjeverna obilaznica Kovčevo Selo - Gornja Tuzla - Tetima - Dokanj - Breške - Obodnica Donja—te petlja kod Osoja na autocesti A2. Južna obilaznica sa spojem na rekonstruiranu magistralnu

cestu M-18, cesta M-18, te cesta M-4. Na sljedećem grafičkom prilogu prikazane su pobrojane ceste.

I stratum tri. Strateška odrednica znači broj tri, je dogradnja primarnih pravaca gradskih saobraćajnica višeg ranga, gdje uključujemo naravno rekonstrukciju i dogradnju magistralne ceste na dionici Kreka-Šićki Brod, Sjenjak-Simin Han, nastavak južne saobraćajnice na dionici Ši Sela, Slavinovići i Kovačevom Selu, te nastavak južne saobraćajnice dionica Miladije-Termoelektrana Tuzla. Sljedeći grafički prilog prati zapravo ovo što sam ja upravo prezentirala.

Kad je riječ o željezničkom saobraćaju, naravno sasvim je jasno da željeznički saobraćaj kod nas se bar zasniva na modernizaciji tri glavne pruge. One su nam poznate, Doboj-Tuzla, Brčko-Banovići i Živinice-Karakaj i planiranju redefinisane željezničke stanice Bosanska Poljana, izmještanju putničke željezničke stanice Tuzla na lokalitet postojeće teretne stanice Kreka.

Kad je riječ o vazдушnom saobraćaju, blizina Aerodroma Tuzla koji ima međunarodni karakter već je i danas svima jasno koliko taj aerodrom znači, te smo planirali kvalitetnu mrežu saobraćaja do aerodroma.

U oblasti sistema vodosnabdijevanja predviđena je kontinuirana aktivnost na smanjenju gubitaka na dovodima, rezervaciju novih izvorišta smo predvidjeli, zaštitu prostora gdje su locirana potencijalna izvorišta za budućnost, te predvidjeli realizaciju vodosnabdijevanja za sjeverni dio našeg grada. Sljedeći grafički prilog je zapravo tematska karta vodovodne mreže.

Kad je riječ o prikupljanju i prečišćavanu otpadnih voda, nastavak je trenda izgradnje kanalizacione mreže u separatom sistemu, ubrzani proces realizacije centralnog gradskog postrojenja za prečišćavanje na lokalitetu Bosanska Poljana, te određenog broja naravno manjih postrojenja.

Kad je riječ o zaštiti voda, nastavak je uređenja i odražavanja korita vodotoka u urbanim područjima Grada Tuzla, te realizacija akumulacije Kovačica u narednom planskom periodu. Na grafičkom prilogu prikazane su vodovodne površine i vodoprivredna infrastruktura.

Kad je riječ o elektroenergetici koja je sledeća oblast, predviđeni su novi agregati u Termoelektrani Tuzla, te shodno tome i rekonstrukcija i automatizacija transformatorskih stanica i mreže u okviru modernizacije ovog elektrodistributivnog sistema. Sljedeći grafički prilog pokazuje postojeće i planirane vodove u oblasti elektroenergetike.

Kad je riječ o termoenergetici, naravno izvori termoenergije ostaju u Termoelektrani. Predviđeno je širenje mreže vrelovoda, priključenje svih dijelova grada koji gravitiraju sistemu daljinskog grijanja, rješavanje zagrijavanje dijelova grada Tuzla koji ne gravitiraju ovom sistemu, te implementacija mjera energetske efikasnosti. Sljedeći grafički prilog prikazuje postojeće i planirano širenje termoenergetske infrastrukture.

Kad je riječ o telekomunikacionim sistemima to je oblast koja je do sada jako napredovala. Dalja je izgradnja kablovske kanalizacije, rekonstrukcije bakarne pristupne mreže, izgradnja optičke mreže je predviđena, televizijski signal bi trebao da, digitalni televizijski signal bi zapravo trebao do kraja 2015. godine da bude već realiziran, a kad je riječ o pošti s obzirom na savremene tehnologije naravno ostavljen je prostor da ona bude širena onoliko koliko zapravo korisnici to budu zahtjevali.

Imamo na priložima evidentirane telekomunikacione centralne, imamo lokacije GSM stanica na sljedeća dva grafička priloga.

Privreda je još jedna oblast koju smo detaljno obradili. Od privrednih, od nečeg što bi istakla za privredu bilo bi važno da kažem da smo evidentirali uz ovu oblast, u okviru ili uz ili djelimično u urbanim područjima postojeće i nove privredne zone.

Jedna od naših planiranih privrednih zona danas ste razmatrali tu izgradnju. Ona je označena kao zona budućeg razvoja. A ima u svako urbano područje zapravo predviđena jedna ili više privrednih zona, s tim što moramo istaći da su neke vrlo realne za realizaciju, dok za druge naravno treba i infrastruktura koja je prati, pristupni putevi.

Kad je riječ o privredi, rekla bih još da je ona usklađena sa Strategijom razvoja do 2026. godine jer u jednom trenutku se desilo da je prostorna osnova prostornog plana i Strategija da su rađene zajedno, što je bila odlična podloga za izradu daljeg izradu prostornog plana. Sljedeći grafički prilog zapravo prikazuje postojeće i planirane privredne zone.

U gradskom području je već sad evidentan nedostatak građevinskog zemljišta, pa smo mi našli način da za budući razvoj predvidimo preraspodjelu prostora po namjeni. Prepoznali smo neke prostorne cjeline kao što su stara recimo kasarna za univerzitetski kampus, prepoznali smo potencijale u izgradnji u nekim zonama kao što su Josipovac, Kozlovac, Bare, Solana-sjever, Kreka-jug, Irac-jug i na takve zone smo nazvali urbanistički u skladu sa metodologijom zone budućeg razvoja, odnosno zone za koju je obavezna izrada planske dokumentacije.

Veliki pomak je napravljen u ovoj oblasti koja se odnosi na područje slijeganja. Područje sijeganja je smanjeno sa 500 na 312 hektara i dati su detaljni uslovi za građenje.

Obradene su i sljedeće oblasti koje ću vrlo kratko zbog kratkoće vremena definisati. Znači društvena infrastruktura u svim ovim pobrojanim oblastima koje vidite, iako zapravo to nije u nadležnosti lokalne zajednice, ali sve ove namjene se zapravo nalaze na području Grada Tuzla, te je bilo neophodno planirati i ove namjene.

Sljedeći grafički priloz prikazuju lokacijski i brojčano predviđenu mrežu društvene infrastrukture.

Ovo bi trebalo da bude vizija u budućnosti. Znači ovo sve što sam ispričala planirano nalazi se na ovoj karti koju zovemo sintenzna projekcija.

Pored pobrojanog evidentirali smo poljoprivredno zemljište. Uradili smo poljoprivredno zemljište po upotrebnoj vrijednosti. Analizirali smo šumsko zemljište bez šumsko-privredne osnove spram raspoloživih podataka. Uradili smo šumsko-vegetacijsku reonizaciju za područje našega grada. Evidentiralo smo kulturno, historijsko i prirodno naslijeđe po periodima stvaranja. Evidentirali smo postojeću spomeničku vrijednost i stvorili jednu vrlo vrijednu bazu podataka za dalju nadogradnju.

Evidentirali smo na grafičkim priložima lokacijski van Tuzla Grada a brojčano unutar gradskog područja koliko je to razmjera dozvoljavala sve kulturno-historijsko zemljište koje je bilo na, koje smo imali raspoloživo studijskim separatima. Uradili smo zaštićene površine prirodnog naslijeđa koje vidite na grafičkom prilogu.

U okviru smjernica željeli smo da uradimo sljedeće. Da damo iskorak jedan da nastavimo ovim putem kojim smo započeli po svim oblastima, pa i po ovoj oblasti kulturno-historijskog prirodnog naslijeđa.

Sljedeća tabela govori da nismo odstupili ni od osnovnih smjernica datih Prostornim planom Tuzlanskog kantona koji je naravno dokument višeg reda i obavezujući za ovaj prostorni plan Grada Tuzla, gdje je ponovno najveću površinu poljoprivrednog zemljišta, najveća površina je poljoprivrednog zemljišta, potom šumskog, pa građevinskog za stanovanje, privredne zone i

sportsko-rekreacione zone. Ostala zemljišta i namjene su nešto zanemarljivije. Ovo je karta koja prikazuje sve namjene površina postojeće i planirane.

Ali ako smo, ako bismo željeli da kažemo o odluci u najkraćem, mogli bismo reći da odluka zapravo utvrđuje uslove korištenja, uslovi izgradnje, zaštita, zapravo štiti prostor na području Grada Tuzle na način da predviđa namjene makrozona i utvrđuje uslove za izgradnju.

Pored ovih obaveznih dijelova napravili smo niz iskoraka od kojih ću na kraju istaći samo nekoliko, ali suština bi bila da pogledamo možda sljedeću kartu na kojoj se vidi, evo ovo je jedno gradsko područje, ovo je samo jedna karta od 122, prikazuje gradsko područje.

Svaka ova manja prostorna cjelina zapravo je veličina jednog regulacionog plana koje ovo Gradsko vijeće vrlo često ima priliku da usvaja na vašim sjednicama.

Vidjet ćete na možda na sljedećem grafičkom prilogu ovo je ostala urbana područja, konkretno se vide Osoje, i vidjet ćete crvenim linijama naznačene, naznačene granice klizišta, što bih ja posebno istakla kao jedan iskorak u budućoj recimo implementaciji kad se podnese određen zahtjeva za građenje odmah će se zapravo vidjeti na kojoj je lokaciji, kakva je to zona za gradnju, znači ona prva početna informacija će biti daleko olakšana.

Ako bismo napravili neki kratki rezime onda bih rekla. Ovim prostornim planom obezbjeđemo za budućnost prostor za buduću realizaciju i namjena značajnih za razvoj Grada Tuzla. Prošireno je urbano područje Tuzla Grad. Planiramo izgradnju novih stambeno-poslovnih zona Solana-sjever, Kreka-jug, Irac-jug, izgradnju stambeno-poslovnih i stambenih zona Josipovac, Bare. Izgradnju novih stambenih i stambeno-poslovnih zona na sjeveru Solina, Novo Naselje II, Kozlovac. Planirali smo kvalitetnu mrežu saobraćaja. Produžetak južne magistrale na istok, na zapad, sjevernu i južnu zaobilaznicu kojom će se odvijati tranzitni saobraćaj, rekonstrukciju i modernizaciju svih za grad značajnih saobraćajnica.

Predvidjeli smo izmještane međugradske autobuske putničke, željezničke stanice Tuzla na lokalitet Kreka. Izgradnju savremenog Međunarodnog teretnog terminala Bosanska Poljana. Obezbijedili smo kvalitetne cestovne veze do međunarodnog aerodroma Tuzla. Predvidjeli smo dalji razvoj svih vidova bazne infrastrukture. Elektroenergetika, termoenergetika, telekomunikacije, vodovodna i kanalizaciona mreža.

Predvidjeli smo zone za buduću razvoj, Poljana-zapad kao najveća. U oblasti društvenih djelatnosti u svim segmentima planirali smo podizanje društvenog standarda. Predvidjeli smo podizanje novih rekreacionih zone pored postojećih lokaliteta Kiseljak, Ilinčica, još Plane, Divkovići, jezero Šićki Brod.

U oblasti ostale infrastrukture gradsko groblje Drežnik, sanitarna deponija Desetine. Uvažavamo kulturno-historijsko naslijeđe, prirodno naslijeđe. Razvijamo turizam kao jednu od okosnica razvoja našeg grada i to je dato detaljno i smijernicama.

Zatim planiranim obilaznicama, planiranom toplifikacijom i svim ovim što sam vam ja pričala zapravo u ovom vremenskom periodu, mi smo obezbijedili zaštitu okoline na području našeg grada, a odlukom o provođenju prostornog plana dali smo uslove za ostvarenje planiranog.

Rekla sam da ću na kraju istaknuti nekoliko važnih stvari koje daje ovaj prostorni plan. Svakako bi istakla digitalnu tehnologiju u kojoj je rađena GIS, odnosno geoinformacioni sistem sa bazom podataka koja ima koja je vrlo lako primjenjiva u različitim oblastima koje sam govorila.

Smanjeno je područje slijeganja i dati su uslovi za izgradnju i detaljni uslovi za građenje koji su dati u odluci. Posebno bih podcrtala kategorizaciju terena prema stepenu stabilnosti.

Znači evidentirana su klizišta na području grada Tuzla i imat ćemo punu informaciju kada podnosilac zahtjeva da zahtjev za izdavanje urbanističke saglasnosti.

Ja se nadam da nisam bila opširna, ja vam se zahvaljujem na pažnji.

JOZO NIŠANDŽIĆ

Hvala gospođo zaista na jednom finom prikazanom materijalu. Mislim da je ovo dosta dobro, široko. (INDIRA SOFIĆ – Hvala vam. Hvala vama.)

Ja otvaram raspravu klubova. Prvi se Slavuljica Nikola javio se. Slavuljica Nikola, pa ti, pa ideš ovaj molim te. Jer mi došao tamo čovjek. Ti su drugi, Sabahudin treći. Izvolte Nikola.

NIKOLA SLAVULJICA

Zahvaljujem predsjedavajući. Nacrt prostornog plana Grada Tuzle. O ovoj temi i po ovom sadržaju informisani smo (JOZO NIŠANDŽIĆ – Molim? Pa predlog. Da.) i sada od jednog od učesnika u izradi plana a mogli smo se također informisati preko našeg materijala koji smo primili kao vijećnici i preko interneta.

Ja, u sjećanju nam je svima, Nacrt prostornog plana Grada Tuzle je usvojen na sjednici Opštinskog vijeća od 27. 02. 2013. godine i stavljen na javnu raspravu. Nakon toga 19. 03. 2013. godine Nacrt prostornog plana dostavljen je svim relevantnim nadležnim institucijama, koje su nakon uvida u taj materijal i taj dokument dostavili Službi za prostorno uređenje i zaštitu okoline Opštine Tuzle svoje sugestije i eventualne primjedbe na navedeni tekst i sadržaj materijala.

U zadanom i predviđenom roku provedena je procedura javne rasprave po mjesnim zajednicama u Gradu Tuzli. Sada je pred nama prijedlog prostornog plana Grada Tuzle za period 2010-2030. godine dostavljen na razmatranje i usvajanje.

Ovo je najkompleksniji materijal koji smo razmatrali u ovom mandatnom periodu, pored Budžeta i najvažniji. Količinu i lepezu oblasti koje tretira i njihov značaj za Grad Tuzlu i njen dalji razvoj i napredak.

Na pripremi i izradi prijedloga prostornog plana Grada Tuzle za period 2010-2030. godine učestvovao je respektabilan broj pojedinaca, počev od Gradonačelnika Grada Tuzle gospodina Jasmina Imamovića, koji je bio kao nosilac priprema, zatim njegovog pomoćnika i rukovodioca Gradske službe za prostorno uređenje i zaštitu okolice gospodina Slavka Stjepića sa saradnicima i direktorice Zavoda za urbanizam Tuzla gospođe Selme Pašić sa svojim saradnicima, zatim niž stručnih službi, nadležnih institucija, ustanova, instituta i drugih određenih subjekata na području Tuzlanskog kantona i Bosne i Hercegovine.

O ozbiljnosti rada na ovom planu govori činjenica da su formirana 24 radna tima za isto toliko oblasti koje su razmatrane sa preko 80 stručnih lica, koji su po različitim oblastima tretirali sadržaje, pitanja i podatke kroz duži vremenski period, a koji bi mogli ili već jesu, uticati na realizaciju prostornog plana kako za predviđeni period 2010-2030. godine tako i za duži period.

Za izradu prostornog plana određen je i stručni voditelj sa četiri konsultanta. Ovako odgovoran, stručan i organizovan pristup gradske izvršne vlasti izradi prostornog plana Grada Tuzle za period 2010-2030. godine govori o ozbiljnosti i njenoj sposobnosti.

Takav pristup nameće i nama vijećnicima istu obavezu da se prema našem gradu, njegovoj budućnosti, sadašnjim i budućim generacijama ponašamo odgovorno kao bi se Tuzla dalje razvijala u skladu sa savremenim standardima i planskim potrebama.

U daljnjim kontaktima sa predstavnicima Međunarodne zajednice, kao i predstavnicima drugih država koji posjećuju Tuzlu, ovaj plan će biti i važan dokumenat koji govori o ozbiljnom i odlučnom pristupu gradske vlasti i građana Tuzle međunarodnim integracijama i aktivnoj saradnji i istovremeno da otvara vrata za finansijsku i drugu pomoć Tuzli i da učvršćuje odnose i saradnju na dugoročnim osnovama.

Plan Grada Tuzle koji razmatramo čini jednu kvalitetnu cjelinu, ali je i činjenica da će njihova realizacija, odnosno njegova realizacija biti separata jer nemoguće je raditi sve ono što je predviđeno planom u isto vrijeme. Koliko zbog organizacije toliko i finansijskih sredstava.

Takođe plan će se vremenom dopunjavati a u nekim dijelovima mijenjati zavisno od mnogih uslova i događanja. Što su pokazale i u ovoj godini određene nepredviđene događanja kao što su prirodne i druge nesreće, politička, ekonomska, socijalna kretanja u državi, što sigurno i Tuzla neće moći izbjeći, takođe uticat će na određene izmjene i korekcije prije svega u finansijskom, tehničkom, pa i vremenskom događanju. Ovo je sve dakle uslovljeno na neki način događanjima koja se ne mogu predvidjeti.

Vijećnici Socijaldemokratske partije, SDP-a, svjesni svoje odgovornosti prema ovome dokumentu, uloženom trudu i pripremi i izradi prostornog plana Grad Tuzle i njegovog značaja za dalji razvoj Tuzle, razmatrali su predmetni materijal, daju podršku svim učesnicima u njegovoj pripremi i izradi i dat će svoj glas za usvajanje ovog plana. To je prostornog plana Grada Tuzle za period 2010-2030. godine, odluke o provođenju prostornog plana Grada Tuzle za period 2010-2030. godine i odluke o usvajanju prostornog plana Grada Tuzle za period 2010-2030.

Pred nama je da se i drugi vijećnici izjasne i vjerujemo da neće ovdje biti nikakvih razmimoilaženja. Zahvaljujem na pažnji.

JOZO NIŠANDŽIĆ

Hvala. Gospodin Mirnes Ajanović, Bosanska stranka. Podrazumijeva se ćemo voditi raspravu o sva tri ova dokumenta a usvajat ćemo pojedinačno kad bude. Kao što je to uobičajno. Izvolte gospodine Ajanoviću.

MIRNES AJANOVIĆ

Hvala predsjedavajući. Evo prilično obiman, težak, težak, zahtjevan posao koji zaslužuje i obavezuje sve nas da pohvalimo sve koji su učestovali u ovom radu. Zaista iskrene, najiskrenije, zaslužene čestitke. Nije bilo jednostavno ovo raditi na ovakav veoma precizan i dobar način.

Bili smo svi mi i malo opterećeni obavezom isčitavanja toga, ali kada gledamo koliko je teret bio isčitati a tek onda pripremiti to onda je to zaista ogroman posao.

Evo sticanjem okolnosti i ova evo situacija da smo sad Grad daje još veći značaj ovakvom prostornom planu. On je mogao biti prije dva mjeseca ali je nešto značajnije kad je to zaista statusno plan Grada Tuzla do tridesete godine.

Ne bih ulazio previše u značaj ovakvog materijala jer mi smo bili zbog nepostojanja ovakvog plana u nemogućnosti da brojne aktivnosti se odrađuju. Fali. Plan mora postojati.

Evo to je počelo sve 27. 02. 2013. godine kada je Nacrt usvojen, pa išao u javnu raspravu i dobili smo zaista dobar materijal.

Da bude jasno svima, ovo nije konačna stvar. On se može dopuniti, popraviti, izmijeniti u odnosu na okolnosti na koje budemo nailazili ali mora postojati ova osnova, da svi koji ulaze, planiraju graditi, raditi u Tuzli, baviti se evo poslovnim aktivnostima pa i poslovnim zonama znaju kako je to sve predviđeno.

Može se recimo dati par manjih sugestija u smislu da je nešto trebalo biti bolje, ne bolje urađeno, nego još eventualno korigovano u povodu raznih prijedloga. Recimo kao evo jedan. Izmještanje stanice na područje Kreke ali obzirom da će dole biti poslovne zone, ako to se sve uradi na način da građani ne osjete koji dolaze u Tuzlu teret tog eventualnog presjedanja, onda je to uredu.

Dakle ovo ističem iz razloga što ovo nije konačna stvar. Ovo niko ne treba biti zabrinut u smislu vidi sad se ovo desilo šta ću ja s tim. Nego je stvar podložna izmjenama, opet moram istaći promjenama, dopunama, korigovanjima, ali obzirom da imamo ovakav materijal sve ostalo će biti uslovno rečeno jedna kao aktivnost koja će biti zadovoljstvo ovim ljudima koji su ovo napravili da to poprave i urede.

Meni je posebno drago da je u ovome svemu utkano sve ono što smi radili kao ovo Vijeće, kao, samo dok sačekam da Sabahudin Imamović završi telefonski razgovor. (JOZO NIŠANDŽIĆ – Može li samo malo Sabahudine.) Neka. Sačekat ćemo. Čovjek priča. Ima poziv. (SABAHUDIN IMAMOVIĆ – Zovu me neki antifašisti.) Evo kaže zovu ga neki.

Eto predsjedavajući bilo bi lijepo da ga zamolite da. (JOZO NIŠANDŽIĆ – Pa zamolio sam ga. De molim vas eto da.) (SABAHUDIN IMAMOVIĆ – Ima jedno 3.000 dole čekaju Mirnesa da mu. Skupili se.) Ako već koristi telefon da izađe napolje.

Zadovoljstvo je posebno što su ovdje svi koji su radili u svemu ovome, Zavod za urbanizam naravno njima treba istaći najveću zahvalnost, uzeli u obzir i naše predloge i pratili su sve ono što smo mi govorili kroz ovaj period od dana kad je bio Nacrt, pa i kroz sjednice tada Opštinskog ovog Gradskog vijeća, sve naše inicijative. Većina tih stvari je u tom materijalu.

I to je prilično zadovoljstvo što imamo evo i ovu okolnost da naša obaveza koja je nametnuta da budu predstavnici službi, organa, ustanova recimo, na sjednicama Gradskog vijeća, dala je vrlo pozitivan rezultat. Nije se to moralo naknadno nešto isčitavati, nego sve ono što smo mi govorili oni su evidentirali i evo u jednom ovakvom projektu to je sastavni dio svega toga.

Meni je zadovoljstvo da sam imo priliku biti dio te parlamentarne većine koja je uticala na realizaciju ovakvog jednog vrlo značajnog projekta za Grad Tuzlu. Zahvaljujem se i opoziciji koja je takođe dala svoj doprinos i ostaje naravno prostora, opet treba istaći, ovo nije konačno, jeste, ne nije osnov nego prostorni plan ali koji je evo podložan daljoj mogućnosti korigovanja i mi vjerujem svi iz pozicije u ovom Gradskom vijeću stojimo na raspolaganju svima koji nađu eventualno kakve primjedbe, dopune na određen način u toku realizacije ovog prostornog plana da ćemo sigurno to sve što je osnovano i u interesu građana Tuzle, odnosno Grada Tuzle prihvatiti.

Zaista vam se zahvaljujemo i mislim da nam mogu pozavidjeti svi u Bosni i Hercegovini na ovakvom Zavodu za urbanizam i svim onima koji su učestvovali u svim ovim aktivnostima pa i naravno predstavnicima mjesnih zajednica. Još jednom hvala.

JOZO NIŠANDŽIĆ

Hvala. Gospodin Sabahudin Imamović, Stranka demokratske akcije. Izvolte. Nek se pripremi gospodin Mensur Alić.

SABAHUDIN IMAMOVIĆ

Dugo smo prizivali ovaj prostorni plan i evo napokon smo dočekali da razmatramo prijedlog. Još samo da doživim da se usvoji statut mjesnih zajednica i da nam Kemo Kurević pripremi onu odluku o održavanju i upravljanju vodovodima, bunarima i javnim česmama i da idem u vijećničku penziju.

Dakle prostor je jedan važan resurs svakog društva i veoma je važno da se utvrde planske osnove za njegovo svrsishodno uređenje i korištenje i određivanje njegove namjene.

Pred nama je jedan zaista obiman i kvalitetan dokument iza kojeg stoji ogroman napor i trud struke.

Naročito smatram da je dobro urađena odluka o sprovođenju prostornog plana. Na nju ću se osvrnuti na kraju svog izlaganja jer imam dva pitanja.

Prije svega izrazio bih zadovoljstvo što eto i moja mjesna zajednica sad predstavlja dio urbanog područja grada Tuzle i nadam se da će ulaganjem u komunalnu infrastrukturu to područje zaista i dobiti sve odlike urbanog područja.

Drago mi je da je i jezero Šićki Brod pretvoreno u rekreacionu zonu jer bile su namjere da se tu gradi novo šljacište. Dakle to je jedna druga dobra vijest.

Isčitavajući dijelove prostornog plana u tekstualnom dijelu primjetio sam da neki dijelovi još prostornog plana ne uvažavaju činjenicu da je Tuzla u međuvremenu postala Grad. Dakle koriste se još termini Općina Tuzla ali to u jednom manjem dijelu i to je lako ispraviti. Dakle ovo je jedna dobronamjerna sugestija.

Takođe isto mislim da, želim da sugerišem da, mislim da je nije potrebno da se operiše sa brojkom od 180.000 stanovnika jer preliminarni rezultati popisa pokazuju da se radi o daleko manjem broju od nekih 120.000 i koji će uskoro biti i zvanično. Dakle mislim da nije dobro sa tom brojkom operisati.

Upoređujući one grafičke karte u dijelu gdje su planirane one zone toplifikacije i karte gdje su određene zone zagađenosti zraka, primjetio sam da ne korespondiraju jedna sa drugom. Dakle imamo zone gdje imamo povremeno prekomjerno zagađenje zraka, gdje imamo zagađen zrak, umjereno zagađen zrak i navodno čist zrak.

Mislim da bi bilo dobro, kažem ne korespondira, jer ove zone toplifikacije ne prate granice tog zagađenja. Mislim ako želimo da postignemo pravu, pravi cilj širenja toplifikacione mreže, ne samo da ljudima olakšamo život nego da postignemo i te ekološke efekte, mislim da bi ta zona i ti putevi toplifikacije trebali da prate ove granice zagađenosti.

Recimo tu je neopravdano zaobiđeno naselje Plane koje je u zoni umjerenog zagađenog zraka ali ipak u zoni zagađenog zraka i mislim isto naselje Cerik da je zaobiđeno, dok su druga naselja koja se nalaze u zoni čistog zraka obuhvaćena i neka su obuhvaćena.

Dakle nije to glavni cilj, ali je bilo bi pogrešno da se jedno naselje koje se nalazi u zoni zagađenog zraka da se, da se zaobiđe i ispusti u planiranju ovog, ovih puteva toplifikacije.

Eh vratit ću se sad na odluku o izvršenju prostornog plana. Dakle u ovom dijelu koji govori o posebnim uslovima građenja na ugroženim područjima, u dijelu gdje se govori o uslovno stabilnim terenima, kaže se u jednom dijelu, to je član 109., izgradnja građevina ili drugi zahvati u prostoru ne mogu se odobriti dok se ne izvrši detaljno inženjersko-geološko i geomehaničko istraživanje kompletne površine ove podkategorije sa izradom elaborata o inženjersko-geološkim i geomehaničkim ispitivanjima terena, u kojem se će utvrditi uslovi i

sanacione mjere za prilagođavanje uslova izgradnje građevina i uređenja terena lokalnim geološkim uslovima.

Ja se pitam hoće li s obzirom da je postavljen jedan vrlo važan preduslov, dakle elaborati i tako dalje, sanacione mjere, kada će se oni uraditi jer vjerovatno to puno košta i da li će nepostojanje u ovom momentu tih elaborata otežati proces legalizacije, postupak legalizacije koje su već pokrenute. Dakle takvo mi se pitanje nameće ali evo pozivam struku da mi odgovori.

I drugo pitanje se tiče člana 191., u prelaznim i završnim odredbama, gdje se kaže da će urbanističku saglasnost donosi nadležna gradska služba na osnovu urbanističko-tehničkih uslova propisanih ovom odlukom, a u stavu dva se kaže, izuzetno mogućnost izgradnje eventualne urbanističko-tehničke uslove može definisati i drugo stručno tijelo koje posebnom odlukom imenuje Gradsko vijeće a kojom će se precizirati ingerencije i obaveze svih učesnika u upravnom postupku.

Ja se bojim da se ovdje otvaraju vrata jednoj novoj komisiji za davanje stručnih ocjena iz oblasti urbanizma. Ja mislim da nadležna Gradska služba treba isključivo da radi ove poslove. Imamo loše iskustvo sa tom Komisijom za davanje stručnih ocjena, koja ne samo da je koštala desetak hiljada maraka, nego je radila paralelno uz postojeći Zavod za urbanizam, dakle Zavod za urbanizam je mogao davati te stručne ocjene, ja sam to nazvao dvojnim knjigovodstvom i u tom periodu djelovanja te Komisije urađeno je puno pogrešnih poteza, kao što je ona Dva lava benzinska pumpa, kao što su one dole proizvodno-skladišni prostori preko puta BKC-a u zoni gdje se mogu graditi samo stambeno-poslovni objekti, kao što je ona, kao što je Robot izašao na put i tako dalje.

Dakle mislim da ovaj stav ne može ostati i nemam povjerenje da se više ikome osim nadležnim službama povjerava rješavanje ovih pitanja. Dakle imamo loše iskustvo sa ovom Komisijom za davanje stručnih ocjena, em je koštala puno, em je donijela puno loših odluka, pored Zavoda za urbanizam kojeg imamo i koji obavlja te poslove. E sada ne znamo bile su izmjene ovog Kantonalnog zakona kako sad je ta oblast regulisana nisam upoznat.

Uglavnom ako mi neko može odgovoriti na ova dva pitanja. Hvala. (JOZO NIŠANDŽIĆ – Hvala.)

Na kraju da ipak kažem, čestitam nosiocu izrade prostornog plana na izuzetno stručnom urađenom dokumentu i čestitam im na trudu i radu koji su uložili.

JOZO NIŠANDŽIĆ

Hvala. Bilo je određenih pitanja pa ćemo na kraju kad se završi diskusija dati odgovore. Gospodin Alić Mensur, Tuzlanska alternativa. Izvolte gospodine Aliću.

MENSUR ALIĆ

Zahvaljujem predsjedavajući. Evo kad imate dobru viziju i kad nešto predvidite prije pet, šest godina, onda danas ubirete plodove. Kad je došlo bilo da se ukine Zavod za urbanizam tad je Vijeće donijelo Odluku na prijedlog, moj ja, da ne, da se ne ukida nego da se pripoji kao umjesto javno preduzeće da se pripoji kao Služba, Općinska služba još jedna da se pripoji Općini u toj vrijeme jer je potrebna u pravljenju projekata i svega ostaloga. I to, sad se to pokazuje da smo bili u to vrijeme u pravu i da smo znali gdje treba uštediti novac.

E sad, kad postavite pitanje koliko košta ovakav jedan plan koji su oni uradili onda vidite kolka je opravdanost ove Službe koja danas postoji i koja radi i onu prethodnu tačku o čemu smo govorili također poslovne zone je njihovo djelo koje oni rade. Naravno uz ostale službe da ih ne nabrajam, svi oni imaju svoju zaslugu, ali evo danas se pokazuje kako je dobro uložiti nekad manje novca, a dobit ga, a daleko više u periodu koji je ispred nas.

Zato želim da ovdje samo iznesem svoje pohvale sve i ovom Zavodu posebno, a naravno i Službi za prostorno, a i svim onima koji su radili na ovome projektu, ali voditelj i nosioc zna se ko je ovog projekta.

Ne bih uopšte govorio, puno je kad bi čovjek se upustio u priču oko ovoga onda bi trebalo par sati da o tome pričate. Ali kad pustite struku da radi svoj poso i ljude koji znaju svoj poso raditi onda na Vijeću nemate puno rasprava nego im možete samo čestitati i reći hvala vam za ovo što ste uradili i nastavite tako dalje.

Naravno da ćete imati podršku ovog Vijeća i ja kao predsjednik Tuzlanske alternative naravno da ćemo dati podršku ovom planu i sprovođenju planu. Hvala. (JOZO NIŠANDŽIĆ – Hvala.)

Hvala još jednom na ovako pripremljenom dobrom materijalu. Čestitam vam.

JOZO NIŠANDŽIĆ

Gospodin Elvir Kasumović, ispred Kluba Saveza za bolju budućnost.

ELVIR KASUMOVIĆ

Evo i ja da ne ponavljam, znači samo da se pridružim čestitkama, da odam je li u ime Kluba Saveza za bolju budućnost jedno veliko priznanje stručnim licima, odnosno Direkciji za izgradnju koji su ovaj svoj dio posla odradili na jedan izuzetno dobar i kvalitetan način.

Mislim da sad koliko je to ambiciozno ili ne to ćemo vidjeti u neko dogledno vrijeme. Obzirom je li da smo se nagledali tih nekih dosta slika u ranijem periodu, ja dok nisam bio vijećnik, nagledo sam se, radovo sam se tim slikama, poput zatvorenih jezera i tako dalje a evo sad toga nemamo sve. Što ne kaže da nećemo mi u nekom boljem periodu u nekoj skoroj budućnost da ovaj plan neće ugledati je li svjetlo dana.

Prema tome evo još jednom iskrene čestitke po ovom pitanju i Kluba Saveza za bolju budućnost podržava ovaj plan i glasat će pozitivno.

JOZO NIŠANDŽIĆ

Hvala. Hvala gospodine. Od klubova nema više prijavljenih. Zaključujem raspravu klubova. Otvaram raspravu vijećnika. Prvi se gospodin Haračić Edin javio, Stranka demokratske akcije. A nek se pripremi doktor Malohodžić.

EDIN HARAČIĆ

Ja se naravno pridružujem svim kolegama koji su istakli da je ovaj plan pred nama zaista dobro urađen i da eto predstavlja osnovu je li za ovakvu jednu dugoročnu priliku razvoja grada, s tim što naravno ima prostora da se ukaže na neke pojave od ranije koje su bile prisutne i koje

možda u budućnosti će na neki način ili usporiti sasvim sigurno pojedine segmente razvoja a koji su, koji bi trebali je li da budu prioritet kada je u pitanju rješavanje nekih osnovnih problema ovog grada.

Dakle nadam se prije svega da ćemo usvajanjem jednog ovakvog plana odgovoriti na najvažnije zahtjeve i potrebe. Pri tome na što bolji način riješiti još uvijek veliki broj dakle nedostataka, kao što su zagađenje, smanjenje buke, saobraćajne gužve zbog ovakvih ulica kakve jesu, sigurnijeg napajanja grada strujom. Pa evo krenut ću redom.

Dakle kad spominjem ovaj zagađenje. Dakle podsjećam a to ću još u nastavku kazati s obzirom da se podudara sa prijedlozima građana u toku javne rasprave svih 40 mjesnih zajednica koji su istakli šta bi to, odnosno sugerisali šta bi to trebalo u planu razvoja grada uraditi.

Po pitanju dakle zagađenja, poklapa se i sa našim mnogim ranijim inicijativama i vijećničkim pitanjima koja smo postavljali. Recimo rekonkretno, zagađenje zbog tranzita koje ide kroz grad a isticali smo potrebu iznalaženja rješenja odgovarajućih zaobilaznica. Dakle konkretno ove južne koja protiče, prolazi kroz grad i koja uopšte se ne može ni zvati južna zaobilaznica već gradska ulica.

S druge strane problem, problem eto da kažemo propusti ranijih službi koje su pravile i prave nažalost, a nadam se da to više neće biti praksa, a to su davanje dozvola za izgradnju stambenih i poslovnih zgrada upravo zbog ugrožavanje ruže vjetrova. To se dešavalo na prostoru Brčanske Malte. Dakle izgradnjom onih zgrada koje upravo zbog položaja Tuzle i te ruže vjetrova istok-zapad, upravo je na taj način ugrožena, na što smo kažem ranijih godina ukazivali.

Zatim ovog problema dakle sigurnog napajanja grada strujom, obzirom da smo i ranijih godina ukazivali na problem izgradnje trafo stanice za istočni dio grada. Dakle taj problem i dalje nije riješen koliko sam ja upoznat, a na neki način predstavljao bi jednu sigurnost koja je do sada još uvijek upitna obzirom na potrebu da u slučaju bilo kakvih poremećaja u tom elektroenergetskom sistemu Grad Tuzla bude zaštićena, odnosno da građani budu pošteđeni nestajanja struje i tome slično.

Dalje. Naravno tu je i problem je li ovih nestandardnog izvođenja radova na sanaciji rupa po cestama i tako dalje i mnogih. Zatim problem užeg dijela grada mnogi prostori koji su devastiran, zatvoreni, obzirom da imamo tu pretenziju da grad u nekom tom turističkom smislu razvijemo, pa do ovih socijalnih aspekata koji su kroz ovaj da kažem plan na tristopedeset, koliko ne znam stranica, takođe trebali dati odgovore na ta pitanja a ne možemo i njih je li u tom u dugoročnom planu zaobići a to su ta ti socijalni aspekti poput prosijačenja, nasilje, zatim nataliteta koji takođe treba u ovoj projekciji razvoja grada tretirati i drugih naravno pošasti ovog grada.

I naravno, vi ste na prošloj sjednici ja nisam bio prisutan, bila je inicijativa usvojena je primjera radi ovo prirodno-kulturno-historijskog naslijeđa koje se pominje, pa primjer radi ove Barutane, evo gdje, da sam bio prisutan prije bih predložio da, ne samo za Barutanu ali za još neke objekte, da se inicijative idu u pravcu konzervacije tih objekata.

Obzirom da mi nemamo sada te ni finansijske mogućnosti da u ovom nekom periodu odmah rekonstruišemo te objekte za te namjene turističke ili neke druge, već ako ništa da izvršimo konzervaciju do stvaranja uslova ili evo ovih predpristupnih fondova koji bi bili prilika da izvršimo rekonstrukciju i stavimo na upotrebu i te, to kulturno-historijsko naslijeđe i sve ono što bi trebalo rekonstruisati.

Takođe to se odnosi na problem ovih zgrada koje su još uvijek ruglo grada, kao što je Kino Centar, Gradska biblioteka, stara zgrada Opštine i tako dalje. Problem divljih deponija takođe koji je još uvijek problem ovog grada i tako dalje.

Na kraju, opet kažem pridružujem se čestitkama za ovaj izuzetno dobro urađen posao i moja jedna sugestija, evo ja ću to tako nazvati. Obzirom da sam prelistavajući, odnosno sagledavajući Radni tim koji je po ovim oblastima sačinjavao izrade ovog dokumenta, ipak uočio da nije obuhvaćena struka na pravi način.

Ali evo obzirom da je ovaj plan još uvijek u fazi dorade i može se mijenjati, može se uključivati, što je predviđeno i dobro, smatram da treba uključiti posebno ovom socijalnom aspektu i društvenom pogledu na ovaj plan sociologe kojih nema u ovim. Vidim uglavnom su sve timove po oblastima čine ekonomisti, inženjeri geodezije i arhitekti.

Dakle nema struke koja bi takođe dala siguran sam doprinos, kvalitetan doprinos ovoj projekciji razvoja i plana grada za nekih dvadesetak, trideset godina. Dakle sociolozi, demografi, statističari i tako dalje.

A isto tako neki fakulteti koji su nam ovdje u našem gradu prisutni, pored ova dva instituta koji su uključeni, recimo konkretno za ova pitanja Fakultet socijalnog rada i neki drugi koji sasvim sigurno u svojim istraživanjima imaju podatke ono što bi sugirno na adekvatan način doprinjelo boljem ovom planu i dalo odgovore na neka pitanja koja pored ove prostorne izgradnje daju i onaj jednako važan taj društveni značaj projekciju razvoja stanovništva i onih potreba stanovništva ovog grada u svakom smislu.

Eto to je ono što sam ja želio istaći za govornicom.

JOZO NIŠANDŽIĆ

Hvala gospodine. Doktore Malohodžić, jeste li se vi prijavili bili? A ne. Izvinjavam se. Doktorica Nada Mladina. Izvolte. Ispred, odnosno Socijaldemokratska partija.

NADA MLADINA

Ja sam ovaj kao vijećnik. (JOZO NIŠANDŽIĆ - Samo izvolte.) Poštovani vijećnici htjela bih kazati nekoliko riječi vezano za ovaj značajan dokument koji nam je na ovako, ovako vrlo jezgrovit i vrlo stručan način prezentiran nama svima koji nismo stručnjaci u toj oblasti.

Ja Timu koji je radio na ovom prostornom planu i njegovom prijedlogu koji je dat ovom Gradskom vijeću čestitam i divim se.

Nezaobilazno je sigurno da onda mi kao vijećnici raspravljamo o bojim se dvije stvari koje su kompatibilne, međutim, dakle govorim o Strategiji razvoja kad stavljamo neke sugestije, primjedbe i tako dalje, ako griješim vi me ispravite, ali tim koji je radio Javna ustanova Zavod za urbanizam i pridružujem se ovom što je reko gospodin Alić i ja sam razmišljala upravo dok sam slušala vaše izlaganje šta bi mi radili da mi nemamo stručnjake u Zavodu za urbanizam na izradi ovako velikog dokumenta i koliko bi nam trebalo novaca da te stručnjake okupimo i platimo da se to uradi.

Prostorni plan Grada Tuzle predstavlja osnovu i daje mogućnost za realizaciju Strategije razvoja u svim oblastima. Pa i u oblastima kako je već u uvodnom izlaganju rečeno za koje mi kao Grad nismo nadležni ali je ovim prostornim planom i to sagledano, pa u sklopu toga i

kulturno-historijsko naslijeđe i zdravstvo, obrazovanje i tako dalje, školstvo. Mislim ono što je stvarno grad čini gradom i što su potrebe stanovništva.

Vi ste uradili to, stvorili prostorne mogućnosti, odnosno ukazali nam kako taj prostorni plan izgleda do 2030. godine. Kako ćemo mi uraditi, odnosno na osnovu Strategije našega razvoja grada hoćemo li moći to realizovati, misli da hoćemo ako budemo imali mogućnosti finansijskih i svih drugih.

U tom dijelu gospodine Haračiću ja misli da je uz ovaj prostorni plan nije trebalo, bilo potrebno uključivati ali u Strategiji razvoja u skladu sa ovim prostornim planom treba će i sa tog aspekta sagledavat stvari i potrebe građana, dakle uključivati ljude drugih struka.

Ja vama čestitam i ja lično kao i dosadašnji vijećnici i predstavnici klubova ću baš od srca podržati ovaj značajan dokument za naš grad i još jednom vam čestitam i zahvaljujem se.

JOZO NIŠANDŽIĆ

Hvala. Zaključujem raspravu. Ja se samo da kažem pridružujem se ovim, da ne bi i ja izlazio čestito posebno, upravo što kažu što su svi rekli pridružujem i zaista mi je drago da danas prisustvujem ovoj sjednici jednoj ovako, kad je riječ o ovom materijalu.

Bilo je nekih pitanja. Je li ima neko da odgovori? Ima. Ima. Slavko Stjepić javlja se za riječ odozdo, pomoćnik Načelnika za prostorno uređenje i zaštitu okoline. A i doktor Mulać ima javlja se. (ANER ČANOVIĆ – Znači imamo nekoliko tih pitanja iz različitih oblasti pa ćemo pokušati da.) To je odgovor na pitanja koja su bila. (ANER ČANOVIĆ – Da.) Dobro. Dobro.

Da ne otvaramo raspravu znači više. Znači samo odgovor na vijećnička pitanja koja su bila molim vas. To je to. Ništa. Zaključili smo. Rasprava je zaključena. Slavko izvolte. Oprostite.

SLAVKO STJEPIĆ – pomoćnik Gradonačelnika za prostorno uređenje i zaštitu okoline

Sve vas pozdravljam. Ja ću pokušati odgovoriti na ovih, na sva ova pitanja, nije ih bilo puno. (JOZO NIŠANDŽIĆ – Eh eto odlično. Još bolje.)

Kad je bilo pitanje gospodina Sabahudina Imamovića oko određene kolizije između zona toplifikacije i zona zagađenja.

To jeste važno pitanje ali isto tako povezano sa mnogo stručnih komponenti i mogućnosti Centralnoga grijanja kad je u pitanju širenje toplinskih zona kad je u pitanju Grad Tuzla.

Naravno svi bi mi voljeli da dođe period da se svi mi grijemo na najkvalitetnije grijanje u Bosni i Hercegovini, međutim jednostavno to neće biti moguće. Tako da nije se mogao postići da tako kažem totalni konsenzus između zona toplifikacije i zona zagađenja.

Vjerovatno ćemo otklanjanje zagađenja morati u tim područjima raditi na neki drugi način, primjerom nekih drugih tehnologija grijanja individualnih stambenih objekata. Mahom se radi o tome.

Kad je u pitanju, vjerovatno je predsjedavajući mislio na doktora Mulaća, kad je u pitanju ovo pitanje oko zona koje su ugrožene klizištima nakon ovih posljednjih katastrofalnih dešavanja još i više i sad smo toga, iako moram da kažem toga smo i prije bili svjesni. Znači u Tuzli nije bilo nepoznato da ima nestabilan teren.

I sigurno da se ovo kad je u pitanju ispitivanja, izrada elaborata i određeni potrebni sanacioni radovi utiču na mogućnost legalizacije bespravno sagrađenih objekata. Međutim, bitno je kazati da mi upravo zbog toga što imamo stvarno dobru geološku struku u Tuzli, od preko

2.000 klizišta nismo imali nijedan porušeni individualni stambeni objekata za koji je dozvola izdata u zadnjih 20 godina.

To je vrlo bitan pokazatelj i mislimo da bez obzira to jeste skupa investicija sanacija klizišta, ali mnogo je važnija sigurnost ljudi koji trebaju sutra živjeti u tim objektima i valja, valja nam to trpiti.

Kad govorimo, mislim da je isto gospodin Sabahudin ovaj spomenuo član 191. Taj član je ostavio, mi smo predvidjeli da ostavimo mogućnost da ovo Gradsko vijeće ukoliko ocjeni za potrebno ovlasti Zavod za urbanizam Tuzla da daje stručne ocjene. Nismo mogli da napišemo u odluci Zavod za urbanizam Tuzla, zato što se izmijenio Kantonalni zakon koji je ukino davanje stručnih ocjena.

Znači zbog toga smo napravili drugačiju formulaciju. Ukoliko, ukoliko Gradsko vijeće ne bude smatralo da treba davati bilo kome ovlasti davanje stručnih ocjena onda se to neće ni desiti.

Ja mislim da ako je bilo još neko pitanje molim vas da me podsjetite. Mislim da ih nije bilo više. (ANER ČANOVIĆ – Bilo je uključiti sociologe i.)

To je, to je mislim da ne ulazimo u analizu. Ja ovaj dan, ja ovu tačku i ovaj dan i njeno usvajanje smatram više jednom svečanošću, tako da mislim mogli bi mi elaborirati gospodin Haračić što je govorio, znači izradu studijskih separata pa kad bi vidjeli listu stručnjaka koji su radili te onda je kolegica trebala da pravi uvodno izlaganje jedno sat i po vremena i da idemo korak po korak.

Zato možda neke stvari izgledaju malo drugačije zbog zbilja objektivno kratkog obrazlaganja ovako, ovako kompleksnog dokumenta.

JOZO NIŠANDŽIĆ

Hvala. Mislim da su odgovori, zadovoljni sa odgovorima koje ste dali je li tako? Zaključujem raspravu. Zaključio sam u stvari raspravu. Idemo sada na izjašnjavanje molim vas.

Znači ko je za prostorni plan Grada Tuzla za period 2010-2030. godina molim vas.

Pitam vijećnike ko je za, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da je PROSTORNI PLAN GRADA TUZLA ZA PERIOD 2010-2030. GODINE, jednoglasno usvojen.

Pod b) odluka o provođenju Prostornog plana Grada Tuzla za period 2010-2030. godine.

Pitam vijećnike ko je za, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da je ODLUKA O PROVOĐENJU PROSTORNOG PLANA GRADA TUZLA ZA PERIOD 2010-2030. GODINE, jednoglasno usvojena.

Pod c) odluka o usvajanju Prostornog plana Grada Tuzla za period 2010-2030. godine.

Pitam vijećnike ko je za, molim da digne ruku? (25) Ima li neko protiv? (Nema.) Suzdržan? (Nema.)

25 vijećnika je glasalo za, niko nije bio protiv ni suzdržan, te konstatujem da je ODLUKA O USVAJANJU PROSTORNOG PLANA GRADA TUZLA ZA PERIOD 2010-2030. GODINE, jednoglasno usvojena.

Imo je poslovničku gospodin. Izvinjavam se ako možemo samo malo nešto da damo još gospodinu Slavku Stjepiću. Znam zašto. Izvolte gospodine Slavko. Pomoćnik Načelnika za prostorno uređenje i zaštitu okoline.

SLAVKO STJEPIĆ

Pa evo u ime svih nas koje ste vi večeras pohvalili ja želim da se zahvalim svima onim koji su na bilo koji način svojim učešćem doprinjeli da smo danas Odlukom ovog Gradskog vijeća došli do ovog veoma, veoma značajnog dokumenta.

Usudit ću se makar neke nabrojati, a one koje ne nabrojim nek ne zamjere što bi rekli mi.

Znači prije svega želim se zahvaliti svim građanima grada Tuzle koji su svojim učešćem na javnim raspravama, svojim sugestijama, primjedbama, dobronamjernim, bilo kakvim, stvarno pokazali interes i pokazali da žele da znaju kako će izgledati ovaj grad i da daju svoj doprinos tome.

Takođe preduzećima i ustanovama, koji su nam na raspolaganje dali postojeću svoju dokumentaciju koja nam je jako poslužila u analizi postojećeg stanja i obezbjeđenju kvalitetnih podataka.

Savjetu za izradu Prostornog plana koji je vrlo aktivno učestvovalo u donošenju nekih odluka prije, prije odluka ovog doskora Općinskog vijeća danas Gradskog vijeća.

Svima vama vijećnicima u cijelom ovom periodu i ovog mandata i prošlog mandata, bez obzira na to ko je na kakav način pristupio svom izjašnjavanju i izražavanju svog mišljenja.

Svim službama koje su na ovaj ili na onaj način učestvovala u izradi ovog dokumenta. Medijima koji su nas također podržali prezentirajući ono što radimo na različite načine. Bilo da elektronski, bilo printani.

Ministarstvu za prostorno uređenje i zaštitu okoliša Tuzlanskog kantona koji nam je dao Saglasnost da možemo ovaj Plan ponuditi Gradskom vijeću na usvajanje.

I još ću nešto reći, vi ćete mi to dozvoliti. Želim posebno da se zahvalim i čestitam svojoj kolegici Sabini Begić, kojoj je danas rođendan, koja na kraju ove godine odlazi u penziju. (Aplauz.) I koja je ko mali mrav jako puno radila na ovom Planu. Hvala vam svima.

JOZO NIŠANDŽIĆ

Hvala vam gospodine isto takođe. Poslovničku ima gospodin Alić Mensur. Izvolte.

MENSUR ALIĆ

Evo uz saglasnost svih klubova, (JOZO NIŠANDŽIĆ – Samo malo molim vas.) a imamo jedan dogovor Kolegija da ne radimo duže od šest sati, u stvari 18 sati, da ne radimo zbog umora jer dovodimo se u situaciju da neke odluke donosim na brzinu, bez diskusije, ne prođe onaku raspravu kako treba.

Predlažem da ove tačke osim imovinskih, da se imovinske završe do sedam to je, a ako nema nešto sekretaru, sekretarice kako hoćeš da te zovem Mediha, (JOZO NIŠANDŽIĆ – Sekretar. Sekretar. Ne može sekretarica. Sekretar.) slatka, lijepa, vrijedna, ako nema nešto posebno što je vezano da moramo donijeti na današnjem Vijeću, predlažem da ovo pripojima za

četvrtu redovnu sjednicu zbog jer nećemo završiti do jedanaest sati ako budemo nastavili sa radom.

Ja evo tražim da se izjasni Vijeće ovo ovoga. Hvala.

JOZO NIŠANDŽIĆ

Evo čuli smo predlog molim vas. Znači ostaje samo da usvojimo imovinsko-pravne odnose a da onda odredimo nastavak sjednice. (MEDIHA NUHBEGOVIĆ – Nije nastavak, nego čovjek je reko da to priključimo četvrtoj redovno sjednici.) Priključimo. Aha. Priključimo. E dobro, dobro. To je još bolje. Tako je. Tako je.

Znači molim vas, izjasnit ćemo se, znači ostajemo još ovu tačku imovinsko-pravna, a da ove materijale priključimo za sjednicu koja bude. (SEAD DŽAMBIĆ – Imaju primjedbe izvještači. Ovo se nama treći put dešava. Treći put nam se događa da dođemo da se prekine. To nema niđe.)

Pitam vijećnike ko je za ovaj predlog, molim da digne ruku? (25) Ima li neko protiv? (Nema.) Suzdržan? (1)

25 vijećnika je glasalo za, niko nije bio protiv i 1 vijećnik je bio suzdržan, te konstatujem da je većinom glasova usvojen prijedlog da se sljedeće tačke Dnevnog reda prebace za četvrtu redovnu sjednicu Gradskog vijeća Tuzla:

8. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2013. GODINU:

- a) JP Radio televizija 7 d.o.o. Tuzla
- b) JKP Vodovod i kanalizacija Tuzla
- c) "Centralno grijanje" d.d. Tuzla

9. RAZMATRANJE INFORMACIJE O UPRAVLJANJU I ODRŽAVANJU ZAJEDNIČKIH DIJELOVA I UREĐAJA U ZGRADAMA SA PRIJEDLOZIMA MJERA

10. RAZMATRANJE INFORMACIJE O SARADNJI GRADA TUZLA SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

11. RAZMATRANJE INFORMACIJE O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLA

12. RAZMATRANJE:

a) INFORMACIJE O PODRŠCI GRADA TUZLE PROJEKTIMA I AKTIVNOSTIMA MLADIH

b) INFORMACIJE O PODRŠCI GRADA TUZLE AMATERSKOM I PROFESIONALNOM SPORTU U 2013. GODINI

c) RAZMATRANJE INFORMACIJE O PODRŠCI GRADA TUZLE ORGANIZACIJAMA CIVILNOG DRUŠTVA I JAVNIM USTANOVAMA U OBLASTI DRUŠTVENIH DJELATNOSTI U 2013. GODINI

13. RAZMATRANJE INFORMACIJE O STANJU KLIZIŠTA I EVIDENTIRANIM KLIZIŠTIMA NA PODRUČJU GRADA TUZLA

14. RAZMATRANJE INFORMACIJE O ZBRINJAVANJU PASA LUTALICA NA PODRUČJU GRADA TUZLA

Prelazimo na sedmu tačku dnevnog reda:

IMOVINSKO-PRAVNA AKTA

a) Rješenje o utvrđivanju, uz naknadu, pravo vlasništva na gradskom građevinskom zemljištu, broj:

- 01/07-31-2102/14 (Ademović M. Mehmedalija, lokacija KO Solina)
- 01/07-31-8197/13 (Bajrić S. Azra, lokacija KO Tuzla II)
- 01/08-31-2241/13 (Dizdarević R. Abid, lokacija KO Tuzla III)
- 01/08-31-6819/13 (Čivić M. Bajro, lokacija KO Tuzla IV)
- 01/07-31-14/14 (Ibrahimović I. Damir, Atić Alisa i drugi, lokacija KO Tuzla III)
- 01/08-31-5723/12 (Halilović H. Hava i Halilović A. Ferida, lokacija KO Tuzla III)

b) Zaključak o ispravci greške, broj:

- 01/07-31-6174/14 (Rješenje OVT br. 01/08-31-6628/10 od 15.07.2014. godine, Sultanić Izudin, lokacija KO Slavinovići)
- 01/08-31-1087/13 (Rješenje OVT, br. 01/08-31-1087/13 od 13. 03. 2014. godine, BH Telecom d.d. Sarajevo, lokacija KO Dobrnja)

Obrađivač je Služba za geodetske i imovinsko-pravne poslove. Predlagač je Gradonačelnik Grada Tuzla.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Otvaram raspravu. Ima li potrebe za uvodnim izlaganjem? Nema. Otvaram raspravu klubova. Zaključujem raspravu klubova. Otvaram raspravu vijećnika. Zaključujem raspravu vijećnika. Molim vas je li se slažete da u paketu usvajamo?

Znači ko je za to da ide pod a), b) i vidim više i nema ovdje, molim da digne ruku? (27) Ima li neko protiv? (Nema.) Suzdržan? (Nema.)

27 vijećnika je glasalo za, niko nije bio protiv ni suzdržan, te konstatujem da su jednoglasno usvojena sljedeća imovinsko-pravna akta:

a) Rješenje o utvrđivanju, uz naknadu, pravo vlasništva na gradskom građevinskom zemljištu, broj:

- 01/07-31-2102/14 (Ademović M. Mehmedalija, lokacija KO Solina)
- 01/07-31-8197/13 (Bajrić S. Azra, lokacija KO Tuzla II)
- 01/08-31-2241/13 (Dizdarević R. Abid, lokacija KO Tuzla III)
- 01/08-31-6819/13 (Čivić M. Bajro, lokacija KO Tuzla IV)
- 01/07-31-14/14 (Ibrahimović I. Damir, Atić Alisa i drugi, lokacija KO Tuzla III)
- 01/08-31-5723/12 (Halilović H. Hava i Halilović A. Ferida, lokacija KO Tuzla III)

b) Zaključak o ispravci greške, broj:

- 01/07-31-6174/14 (Rješenje OVT br. 01/08-31-6628/10 od 15.07.2014. godine, Sultanić Izudin, lokacija KO Slavinovići)
- 01/08-31-1087/13 (Rješenje OVT, br. 01/08-31-1087/13 od 13. 03. 2014. godine, BH Telecom d.d. Sarajevo, lokacija KO Dobrnja)

Sa ovim zaključujem današnji rad, biće nastavak kad bude redovna sjednica. Hvala. Živjeli.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 18,30 sati.)

STENOGRAM SAČINILI:

Senada Karabegović

Igor Kurcinak

P R E D S J E D A V A J U Ć I

Jozo Nišandžić, s.r.